

# BɔA

## Mɔizi lá plaade

### Yá pɔ kú láe bee guuɔ

Mámɛmaa Dii á Lua, ma á bɔ zɔbleu Egipi (20.2). Dòò bee mé lápi tɔbɔkɔi ũ, àle yá pɔ kú a guu owɛɛ. Lua mé a gbéɔ bona ũ. Dòò doũpi mé de Lua ikoyá mèn kwɔ mide ũ. Lua Isailio bɔ ké a yeŋzi, ɔ a dɔlɛné aao yeazi sɔ, aaiɔ misiilee, aaiɔ a ikoyá kɔa.

Imina mé mò ní Isailio taa Egipio. Ké a wɛ gɛgɛ, aa dasi kù, ɔ Egipi kía Falaɔ ní dá zɔzɔ (Daa 45.17-20, 47.11). An taasi pɔ aale ke yá i sá Luaguo, ɔ à gbé sè ní guu, wɔ mɛ Mɔizi, aao de ní dɔaana ũ. Lua azɔa ɔb Mɔizie à mè a tón Dii. A dabudabuɔ kè à a gbáa ɔb Egipioɔne, ɔ aa Isailio gbàe (1.1-15.21). A dɔaané à ɔliánzi Sinai gbáau (15.22-18.17). Lua Isailio sè a gbéɔ ũ, ɔ à a bàakuaŋɔ yádàné Sinai gbepɔleu, à a ikoyá dɔlɛné (19.1-24).

Gɔɔ pɔ Lua lé kpaaũkpɛdɔa ɔb Mɔizie (25-31), Isailio zugaaena pɔ ní vuao aa dɔle ní dii pɔ ní bóle Egipi ũ. Yá bee Lua pɔ fɛ ɔ à yáɔlamá (32-34). Bɔa lápi láakɔi wà Dii kpaaũkpɛpi dɔa yá'ò, we Lua ɔb kpaaũŋɔ (35-40).

Gbé, níle zɔble kpelewan lò, lápi lé ɔb wɛɛ lá Lua ɔ gbéɔ bo sɔana aa gɔ wéɛ ũ, ké aao naano, aaiɔ na ní kɔo.

#### *Iadaa Isailioɔwa Egipi*

<sup>1</sup> Isaili pɔ aa tà Egipi ní ní mae Yakɔbuoɔ,\* baade

---

\* 1:1 Daa 46.3-7

ń a be gbéɔ tón ke:

<sup>2</sup> Lubeni, Simɛɔ, Levii, Yuda,

<sup>3</sup> Isakaa, Zabuloni, Bɛyãmɛɛ,

<sup>4</sup> Dã, Nefatali, Gada, Aseɛ.

<sup>5</sup> Yakɔbu buipio pii gbɛɔn bàãkwie. Yosefu gbé bee sɔ a ku Egipi yãa kɔɛ.

<sup>6</sup> Ǿ Yosefu gà ń a v̄io ń a goɔ gbéɔ pii.

<sup>7</sup> Isailio ne'ĩ aa kò aa kãfi aa dasikù maamaa, aa li bùsupia.

<sup>8</sup> Kí dafu pɔ Yosefu dɔo kpalablè Egipi,†

<sup>9</sup> ɔ a ò a gbéɔne: A Isailio gwa, aa dasikù aa liwála.

<sup>10</sup> Wà gé ɔnokéiné ké aasu káfio yái. Tó zĩ sù fɛɛ, aa na wá ibɛɔwa, aa zíkawanɔɛ, aai bɔle wá bùsuu.

<sup>11</sup> Ǿ wà gbéɔ d̄ilené ń diio ũ, aa ń wetã ń zĩ gbãao. Beewa ɔ aa Pitoũ ń Lamesɛo kàle Falaɔɔe àà blewɛkak̄io ũ.

<sup>12</sup> Kási lá wàle ìadamá léu, màa aaĩ káfí, aaĩo ligua, ɔ gili gè Egipiogu ń yái.

<sup>13</sup> Ǿ wà ń dá zɔzĩ pãsiu,

<sup>14</sup> wà ń pɔ yà, wà gĩbozĩ gbãa dànɛ ń bilikibɔao ń buazĩ pii. Wà zĩpio dànɛ pii pãsipãsiɛ.

<sup>15</sup> Ǿ Egipi kía Ebelu nɔɛ ne'inao sisi, ado tón Sifila, ado Pua.

<sup>16</sup> A òné: Tó a ne'ĩ Ebelu nɔɔne sa, tó gɔɛɛ, à àà de. Tó nɔɛ sɔ, à àà tó.

<sup>17</sup> Ama nɔɛpio Lua v̄ia v̄i, ɔ aai yá pɔ a òné keo, aale negɔɔo tó.

<sup>18</sup> Ǿ kíapi ń sisi à ń lá à mè: Akɛa á kè màa a negɔɔo tòi?

<sup>19</sup> Aa wèwà aa mè: Ebelu nɔɔo de lán Egipi nɔɔwao, aa wãa, aaĩ ne'i e wàɔ gé móiɛ.

† 1:8 Zĩn 7.17-18

20 Maa Isailio lé káfi, aale dasikū. Ǿ Lua maakè nɔe ne'inapiɔne,

21 à ní gbá néo, ké aa a vía ví yáí.

22 Ǿ Falaɔɔ yãdile a gbéɔne pii à mè: A Ebelu nétēna pɔ de negɔe ũo ka Niili íu pii, āma à nenɔeɔ tó.‡

## 2

### *Mɔzi ia*

1 Levii bui gɔe Levii bui nɔe sè.

2 Nɔpi nɔsí à ne'í gɔe ũ. Ké a è népi maa, à aà ùle mɔ àaɔ.\*

3 Ké i fɔ à aà ùle lɔo, à kefu gbí sè à kɔtaa lèwà, ké í su gēuo yáí. Ǿ à népi dàu à gè a ðile Niili dānau vó guu.

4 Népi dāe ze kāaa, àle gwa yá pɔ a su à aà le.

5 Falaɔɔ nenɔe gè zu'oi swai, ɔ aà gbéɔ lé bebe swa gɔsɔle. A gbí è dilea vóu, ɔ à a zíkēna zì, à gè a sè.

6 Ké a wè, a è né mé dau, àle ɔɔlɔ. A kèè wēnaū à mè: Ebelu negɔenaε.

7 Ǿ népi dāe m̀ a ò Falaɔɔ népie: N ye mà ge Ebelu nɔe sí sine aà yókpane népiwa yá?

8 A wèwà à mè: Ao, gé! Ǿ nenɔenapi gè népi da sisi.

9 Falaɔɔ nenɔepi òè: Népi se taò, ní aà gwamεε, mí a fiabone. Ǿ à népi sè tàò, àle aà gwa.

10 Ké népi zɔɔkù, à aà sè gèò Falaɔɔ nenɔepie, ɔ à aà sí a né ũ.† A tɔkpàè Mɔzi,‡ asa à mè a aà b̀ íue.

### *Mɔzi bàale taa Madiã*

‡ 1:22 Zln 7.19 \* 2:2 Zln 7.20, Ebe 11.23 † 2:10 Zln 7.21 ‡ 2:10 Bee mè bɔa.

11 Gɔɔewa ké Mɔizi zɔ̀ɔkù, à gè a bui Ebeluo gwai, ɔ̀ à zì gbāa pɔ́ aale ke è. § A è Egipi gbé lé a bui gbē.

12 Ké à a sae gwàgwa, i gbēe eo, ɔ̀ à Egipi gbépi dè a vīle bùsu'ufāau.

13 Gu sīa dɔa, ké à b̀, à Ebeluo è gbēɔn pla, aale sòleke. ɔ̀ à gbé pɔ́ a yá nao là à m̀: Bóyāi nīe n gbēdo gbēi?

14 A wèwà à m̀: Déme n dile wá kía ũ ké n gbasa nīe yákpalekewanci? N ye n ma de lá n Egipi gbépi dèwa yá? ɔ̀ vīa Mɔizi kù à m̀: Wà yáe d̀e fá!

15 Ké Falaɔ̀ yápi mà, àle weele Mɔizi de, ɔ̀ à bàalèè à tà Madiã bùsuu,\* à z̀le lòɔ sae we.

16 Madiã sa'onae ku, a nenɔe vī gbēɔn soplá, ɔ̀ aa mò it̀ aa kà pɔtuɔ imibɔu ní mae pɔ́ɔne.

17 Ké sādānaeɔ̀ mò lé ní yá, ɔ̀ Mɔizi fēle yāsī ní nɔepio, ɔ̀ à í kpáné ní pɔ́ɔwa.

18 Ké aa tà ní mae Leueliwa, à ní lá à m̀: Akɛa a su káau gbāi?

19 Aa wèwà wà m̀: Egipi g̀e mé wá sí sādānaɔ̀wa. Baa se ɔ̀me it̀ a kpàwēe wá pɔ́ɔwa.

20 ɔ̀ à ní lá à m̀: A ku má ni? Bóyāi a g̀epi tò wei? A aà sísi aà m̀ poblewanɔ.

21 Mɔizi mò, ɔ̀ à wè z̀le ní g̀epio, ɔ̀ g̀epi a nenɔe Sefola kpàwà.

22 A ne'í g̀e ũ, ɔ̀ Mɔizi tɔkpàè Geesoũ,† à m̀ b̀mɔn a ũ dāɔ bùsuu la.

23 Ké à g̀èg̃, ɔ̀ Egipi kía gà. Isailio lé aauke zɔ̀zì pɔ́ aale ke yái, aale wiile, ɔ̀ an wiipi Lua lè.

§ 2:11 Ebe 11.24-26 \* 2:15 Zin 7.23-29, Ebe 11.27 † 2:22 Bee m̀ b̀mɔ.

24 A ní aaukea mà, mé aà bàa pɔ́ kú ní Ablahaũo ní Izaakio ní Yakɔ́buo i sãaàguo.‡

25 Lua Isailio gwà, ɔ̀ à wɛ̀nadɔ̀né.

### 3

#### *Lua Mɔ̀izi sisia*

1 Mɔ̀izi lé a ànsue Madiã bùsu sa'ona pɔ́ɔ dá, à guwaiwai baa ví e à kà gbɛ pɔ́ wí mɛ Olebu kíí.

2 Ǿ Dii Malaika bò mɔ̀wà tɛ̀vua guu kàelɛu. Mɔ̀izi lɛpi gwà, a è tɛ̀ dɔ̀wà, kási sɔ̀ àlɛ tɛ̀kũo.

3 Ǿ à mɛ̀: Má gé dabudabupi gwaie, mí pɔ́ pɔ́ tò kàelɛpi lé tɛ̀kũo dɔ̀.

4 Ké Dii è à mɔ̀ gwai, ɔ̀ à lɛ̀zuaàzi za kàelɛpi guu à mɛ̀: Mɔ̀izi! Mɔ̀izi! Ǿ a wɛ̀wà à mɛ̀: Má ké!

5 Lua òè: Nsu sɔ̀io. N n kyale bɔ̀bɔ̀, asa gu pɔ́ ní zɛu adoae ma kua la yáí.

6 Ǿ à mɛ̀: Má mɛ̀ má n deziɔ̀ Ablahaũ ní Izaakio ní Yakɔ́buo Lua ũ. Ǿ Mɔ̀izi ɔ̀kù a wɛ̀wa, ké a wesia Luale vía ví yáí.

7 Ǿ Dii mɛ̀: Ma taasi pɔ́ ma gbɛ́ɔ̀ lé ke Egipi è, mé ma wii pɔ́ an wɛ̀tánaɔ̀ tò aalɛ lé mà. Má ní wãwãkea dɔ̀.

8 Ayãmɛto ma pila mà ní sí Egipiowa, mí ní bɔ̀lɛ bùsupiu, mí géínò bùsu táaede yãasau, gu pɔ́ ví ní z'io diu, bùsu pɔ́ Kanaaɔ̀ kuu ní Itio ní Amɔ̀lɛo ní Pelizio ní Ivio ní Yebusio.

9 Isailio wiilea ma le sa, mé ma ía pɔ́ Egipio lé damá è.

10 Gé sa, ma n zí Falaɔ̀owa, ké n ma gbɛ́ Isailio bɔ̀lɛ Egipi.\*

‡ 2:24 Daa 15.13-14, 18 \* 3:10 Zin 7.30-34

11 Ǿ Mɔizi ò Luae: Dén ma ũ ké mà gé Falaɔɔwa mà Isailiɔ bɔle Egipiɔ?

12 Lua òè: Máɔ kunnɔe. Zia pɔ ma n zi seelan ke: Tó n ní bɔle Egipi, á ma sisi gbɛɛ bee pɔleu.

13 Ǿ Mɔizi ò Luae: Tó ma ge má ò Isailiɔne ma mè an deziɔ Lua mé ma zímá, tó aa ma la n tói, kpelewa má onéi?

14 Lua wèwà à mè: Mámɛmaa gbé pɔ má de a ũ.† Oné mámɛ ma n zímá.

15 Lua òè ɔ: O Isailiɔne n me ma Dii an deziɔ Ablahaũ ní Izaakio ní Yakɔbuo Lua mé n zímá. Ma tón we gɔɔpii. Aɔ ma sisi màa e á buiwa.

16 Ge n Isaili gbɛzɔɔ káaa, ní oné ma Dii an deziɔ Ablahaũ ní Izaakio ní Yakɔbuo Lua mé bɔ mɔma. Oné mále ní e, ma yá pɔ wàle kené Egipi è.

17 Má ní bɔle Egipi, gu pɔ aale taasikeupi, mí géɔno bùsu pɔ Kanaaɔ kuu ní Itiɔ ní Amɔleɔ ní Peliziɔ ní Iviɔ ní Yebusiɔ, gu pɔ ví ní zó'io diu.

18 Aa n yámae. Mpi ní Isaili gbɛzɔɔ à ge Egipiɔ kía le, í oè ma Dii Ebeluɔ Lua mámɛ ma bɔ mɔwá, ma mè aà á gba zé à gé gɔɔ àaɔ kei guwaiwaiu, ké à e sa'o mapi ma Dii á Luawa.

19 Má dɔ ké Egipiɔ kía a we à geɔ, mé i ke ma gānàwà bàasio.

20 Má ɔtɔ Egipiɔwa, mí dabudabuɔ ke mà kpaoñzi, i gbasa á gbae.

21 Má tó Egipiɔ á wegwa, ké tó ále tá, á tá ɔgiio.

22 A nɔe píi ánuusu ge vua nɔamblebɔɔ ní pɔkasaa gbɛa a Egipi nɔe deewa ní n nɔe pɔ kú aà beɔ, í da á negɔeɔ ní á nenɔeɔne. Màa á Egipiɔ pɔɔ símá dúuduu.

## 4

† 3:14 Zaa 8.24, Zia 1.4, 8

*Lua Mɔizi gbaa dabudabukɛa zɛ*

<sup>1</sup> Mɔizi wɛwà à mè: Tó aai ma náaikɛo, mé aai ma yāmao, tó aa mè níme ni bɔ n mɔao sɔ bɛ?

<sup>2</sup> Ǿ Dii aà là à mè: Bó ní kŭa wei? A wɛwà à mè: Goɛ.

<sup>3</sup> Dii òè: Páɛ zíɛ. Ké a pàɛ, ɔ à lí mlɛ ũ, ɔ Mɔizi bɔzā.

<sup>4</sup> Ǿ Dii òè: Ǿbɔ n kŭ a vláwa. Ké a kŭ, ɔ à èa gò go ũ aà ɔzɪ.

<sup>5</sup> Dii òè: Maa níyɔ kɛ, aa e si ké ma Dii an dezio Ablahaŭ ní Izaakio ní Yakɔbuo Lua mé bɔ mɔma.

<sup>6</sup> Dii èa òè ɔ: Ǿsɔɔ n ulau. Ǿ a sòbu. Ké a bɔ, a è kusu lía, à kè púuu lán buawa.

<sup>7</sup> Dii òè: Èa n ɔsɔɔ n ulau. A èa sòbu. Ké a bɔ, a è à sù a gbɛu.

<sup>8</sup> Dii òè: Tó aai n náaikɛ aa seela sɛia sɔo, aa seela gbɛzā sí.

<sup>9</sup> Tó aai seela plaapiɔ si aa n yāmà sɔo, Niili í tó n kóɛ tɔɔɛ, a li au ũɛ.

<sup>10</sup> Ǿ Mɔizi òè: O'o Dii! Za zi yā'o àamanɔo. Baa za gɔɔ pɔ n yā'òmeɛ, ma lé gbiaɛ.

<sup>11</sup> Ǿ Dii òè: Déme ledò gbɛnazinaei? Déme í aà léna naale ge í aà swādokŭi? Déme í to aà gu'e ge í aà vŭakŭi? Ma Dii, mámeo lò?

<sup>12</sup> Gé sa! Má dɔnɛ ní yā'oao, má yá pɔ níyɔ o dane.

<sup>13</sup> Ǿ à mè: O'o Dii! N yá na! Gbɛpáɛ zɪ.

<sup>14</sup> Ǿ Dii pɔ pà Mɔizizi à mè: N vŭi Aalona Levii bui kuo lé? Má dɔ ké yā'o zɪ'ŭaànɔo. Alɛ mó dainɛ. Tó à wɛsɪnɛ, aà pɔ a kɛ na.

<sup>15</sup> Yā'oàànɔ, ní yá pɔ a su o daè. Mapi, máɔ dɔáɛ ní yā'oao, míɔ yá pɔ ásu kɛ daé.

<sup>16</sup> A yā'o gbɛɔne n gɛɛ ũ, aɔ de n ledɔkɛna ũ, mé níyɔɔ deè Lua ũ.

17 Goε sé ñyõ kûa, ní seelaõ keò.

### *Mɔizi εaa Egipi*

18 Mɔizi tà a ànsue Yetolowa, a òè: Ma gba zé mà ta ma gbéõ kíi Egipi, mà e tó aa ku wēni guu e tia. Yetolo òè: Ka aafia.

19 A mɔ lè Dii ò Mɔziε Madiã bùsuu à mè: Fεε ñ ta Egipi, asa gbé pó aale n we yãaõ gàga píi.

20 Ǿ Mɔizi a na sè ní a neǵõenapiõ, à ní dí zàa'inaõ kpe, à èa lé tá Egipi, a Lua gopi kûa.

21 Ǿ Dii òè: Tó n ka Egipi, dabudabu pó ma a iko kpàmaõ ke Falaõ aε píi. Kási má aà swáfèè, i gí gbéõ gbaei.

22 Ní oè ma Dii ma mè Isaili mé ma neǵõε séia ù,

23 ǵ má òè aà ma neǵõε séiapi gbaε aà ge ma sísi. Lá à gí aà gbaei, má aà neǵõε séia de sa sõe.

24 Zé guu Mɔizi lé i guei, ǵ Dii aà lè we, a ye à aà de.

25 Ǿ Sefola gbè fēna sè à a né tǵzòò,\* à a gyafõ nà Mɔizi gbáwa à mè: Sianaε, míme ní ma au gõ ù.

26 Tǵzõa bee yáí à mè, au gõ. Ǿ Dii Mɔizi tò.

27 Dii ò Aalonaε: Gé dai Mɔizile guwaiwaiu. Ǿ à gè aà lè Lua gbε kíi, à lepèwà.

28 Mɔizi yá pó Dii a zí oi dàu a sũ Aalonaε ní seela pó a òε à keõ.

29 Ǿ Mɔizi ní Aalonaõ tà Egipi aa Isaili gbèzõõ kàaa.

30 Aalona yá pó Dii ò Mɔziε dàu a sũné píi, ǵ Mɔizi dabudabupio kè Isailio wáa.

31 Aa yápi sí. Ké aa mà Dii mé mò ní gwai à ní taasikεa è, ǵ aa kùlèè aa mipèε.

\* 4:25 Daa 17.10



## 5

*Mɔizi n̄ Aalonao gɛa Falaɔɔ gwai*

<sup>1</sup> Bee gbɛa Mɔizi n̄ Aalonao gɛ Falaɔɔ lɛ aa òè: Yá pɔ Dii Isailiɔ Lua òn ke: A mɛ̀ n̄ a gbɛ́ɔ gbɛa aa gɛ dikpɛkɛɛ guwaiwaiu.

<sup>2</sup> Falaɔɔ wɛmá à mɛ̀: Dén Dii ũ kɛ̀ mà misiilɛ̀, mí Isailiɔ gbɛai? Má Dii d̄ɔ. Má Isailiɔ gbɛaɛo.

<sup>3</sup> Ǿ aa òè: Ebeluɔ Lua mé b̀ m̀wá. Wá gba zé wà gé gɔɔ àaɔ kei guwaiwaiu, wí sa'o Dii wá Luapiwa, kɛ̀ asu gagyákawáguo ge zí.

<sup>4</sup> Ǿ Egipiɔ kíapi ò Mɔizie n̄ Aalonao: Akɛa á tò gbɛ́ɔ laai lé go n̄ zíwai? A ɛa á zíwa.

<sup>5</sup> Ǿ à ɛa mɛ̀: Kɛ̀ gbɛ́ɔ dasikù sa, ɔ́ á ye aa kámabo n̄ n̄ zíoa?

<sup>6</sup> Zibeezi Falaɔɔ yādīlɛ Isaili wɛtānaɔnɛ n̄ n̄ d̄ɔaanaɔ à mɛ̀:

<sup>7</sup> Asuli musā kpámá aa bilikibɔ̀ lá i ke yāawa bo. Aali gé n̄ pɔ kɛ́i n̄zíaɛ.

<sup>8</sup> Kási aali bilikibɔ̀ a lé gbɛu lá aaɪ bo ziwɛa. Asu laonéo, asa màadeɔnɛ. A yáí tò an wii d̄ɔ, aalɛ mɛ wa ye gé sa'oi n̄ Luawɛa.

<sup>9</sup> A zí káfiné, kɛ̀ aasu íampakii e aa laaidɔ ɛgɛ yáɔwa bo.

<sup>10</sup> Ǿ an wɛtānapiɔ n̄ n̄ d̄ɔaanaɔ m̀ wa òné: Falaɔɔ m̀ á musā kpáwá bo.

<sup>11</sup> A gɛ sélɛ ázía gu pɔ á eu. Kási wá zí laonéo, baa yɔɔ.

<sup>12</sup> Ǿ aa fāaa aa gɛ̀ Egipi gupiiu sɛ́ kɛ́i musā ũ.

<sup>13</sup> An wɛtānapiɔ ìɔ naɛmá lá gu lé d̄ɔ, kɛ̀ aali n̄ zí né, lá aaɪ nɛ gɔɔ pɔ wí musā kpámáwɛa.

14 Wà gbēa kè Isaili dɔaana pɔ an wɛtānao ní dīlɛɔnɛ, wa ònɛ: Akɛa i bilikibo gbā ge gĩa, à kà lá wà a lé dàè yāawao ni?

15 Ǿ Isaili dɔaanao gè wiilè Falaɔɔwa aa mɛ: Akɛa níɛ kɛ wápio n zòblenaɔnɛ màai?

16 Wàɛ musā kpáwá bo, mé wàɛ mɛ wà bilikibo. Wàɛ wá gbē, kási n gbéɔ mé tàae ví.

17 Ǿ à mɛ: Maaɛɔn á ũ. Maa á beò! A yáí io mɛ á gé sa'oi Diiwae.

18 A gé zikɛi. Wa musā kpáwá bo, kási áli bilikibo lá wa dàè léuɛ.

19 Ké wa ò Isaili dɔaanaɔnɛ aasu gɔɔ do bilikibɔa laoo, aa dè ké wà yá èe sa.

20 Ké aa bò Falaɔɔ kíi, aa kpàaũ ní Mɔizio ní Aalonaɔ, aale ní dá,

21 Ǿ aa ònɛ: Dii á yá gwa, i yákpalekɛánɔ, asa á tò Falaɔɔ ní a gbéɔ ye wá giyáio. A wá dea zé kpámáɛ.

22 Ǿ Mɔizi èa ge ò Diiɛ: Dii, bóyáí n íadà gbépiowai? Bee yáí n ma zíia?

23 Za gɔɔ pɔ ma ge yá'ò Falaɔɔɛ ní n tóo, Ǿ àɛ íada n gbéɔwa, mé ni ní bɔo!

## 6

### *Dii Isaili suabaa legbēa Mɔizie*

1 Ǿ Dii òɛ: Nyɔ yá pɔ má kɛ Falaɔɔɛ e tia. A ní gbæ ma gbāa zɔɔ yáí. A ní yá a búsuu ma gbāa zɔɔ yáí.

2 Ǿ Lua èa yá'ò Mɔizie à mɛ: Mámɛmaa Dii,

3 ma bɔ mɔ Ablahaũ ní Izaakio ní Yakɔbuowa Lua Gbāapiide ũ, \* kási aai ma dè ké ma tón Diio.

\* 6:3 Daa 17.1, 28.3, 35.11

4 Ma bàa kúrínɔ ma mɛ́ má Kanaa bùsu pɔ́ aa ku a guu nibɔɔ ũ kpámá.

5 Ma Isailiɔ aaukea mà an zɔblea Egipiɔne yáí, mé ma bàa pɔ́ kúrínɔpi i sāmago.

6 Ayāmeto o Isailiɔne ñ mɛ: Mámɛmaa Dii, má á bɔ zí gbāa pɔ́ Egipiɔ dàé guu, mí á bo. Má yákpalekérínɔ, mí á bo ní ma gāsa gbāao.

7 Má á sé ma gbéɔ ũ, míɔ de á Lua ũ, íɔ dɔ́ ké māmɛmaa Dii á Lua pɔ́ á bó Egipi zí gbāau.

8 Má géánɔ bùsu pɔ́ ma a legbè Ablahaŭ ní Izaakio ní Yakɔbuɔɔne guu. Má á gba àò vɪ. Mámɛmaa Dii.

9 Mɔizi yápi ò Isailiɔne, kási aai aà yāmao, ké zɔzɪ pásí ní kādè yáí.

10 Ǿ Dii ò Mɔizie à mɛ:

11 Ge ñ o Egipiɔ kí Falaɔɔe aà Isailiɔ gbae aa bɔle a bùsuu.

12 Ǿ Mɔizi wè Diiwa à mɛ: Lá Isailiɔ lí ma yāmao, ma gbé pɔ́ ma lé gbia, kpelewa Falaɔɔ a ma yāmai?

### *Mɔizi ní Aalonaɔ buibɔkɪ*

13 Dii yā'ò Mɔizie ní Aalonaɔ Isailiɔ ní Egipiɔ kíaɔ yá musu, a òné aa bɔle ní Isailiɔ Egipi.

14 An bui uabeleɔ tón ke: Isaili negɔɔe séia Lubeni negɔɔɔn ke: Anɔki, Palu, Ezɔnɔ, Kaami. Lubeni buiɔn we.

15 Simɛɔ negɔɔɔn ke: Yemuɛ, Yamini, Oada, Yakē, Zohaa ní Kanaa nɔe né Sauluo. Simɛɔ buiɔn we.

16 Levii negɔɔɔ tón ke an buiwa: Geesɔ, Keata, Melali. Levii kè wè basoolokwi ní soplaoe (137).

17 Geesɔ negɔɔɔn ke an buiwa: Libeni ní Simɛio.

18 Keata negɔɔɔ tón ke: Amlaŭ, Isaa, Heblɔ, Uzieli. Keata kè wè basoolokwi ní àaɔoe (133).

19 Melali neɖɖeɔn Mali n̄ Musio ũ. Levii buiɔn we daɛdaɛ.

20 Amlaũ a dasẽ Yokɛbede sè nɔ ũ, ɔ à Aalona n̄ Mɔizio ìò. Amlaũ kè wè basoolokwi n̄ soplaoɛ (137).

21 Isaa neɖɖeɔn Kole n̄ Nefegio n̄ Zikelio ũ.

22 Uzieli neɖɖeɔn Misaeli n̄ Elezafão n̄ Sitelio ũ.

23 Aalona Aminadabu né Eliseba, Naasɔ dāe sè nɔ ũ, ɔ à Nadabu n̄ Abiuo n̄ Eleazaao n̄ Itamaao ìò.

24 Kole neɖɖeɔn Asii n̄ Elikanao n̄ Abiasafao ũ. Kole buiɔn we.

25 Aalona né Eleazaa Putieli nenɔɔ do sè nɔ ũ, ɔ à Finɛasi ìò. Levii bui uabeleɔn we daɛdaɛ.

26 Aalona n̄ Mɔizi pó Dii òné aa Isailio bɔle Egipi gāgān we.

27 Ampio mé yā'ò Egipio kí Falaɔɔe, ké aa e Isailio bɔle Egipi.

28 Ké Dii yā'ò Mɔizie Egipi,

29 à mè ámeaa Dii, yá pó ále oè aà o Falaɔɔe píi.

30 Ǿ Mɔizi òè a lé gbiae, kpelewa Falaɔɔ a a yāmai?

## 7

### *Yá mèn kwi ytaa Egipiwa*

1 Ǿ Dii ò Mɔizie: Gwa! Ma n ke Falaɔɔe lamawa, ɔ n v̄i Aalona de n yā'ona ũ.

2 Yá pó má òne píi o n v̄i Aalonaɛ, i o Falaɔɔe aà Isailio gbae aa bɔle a b̄usu.

3 N beeo má aà swāfɛè. Má seelaɔ n̄ dabudabuɔ ke Egipi dasi,\*

4 kási Falaɔɔ a á yāmao. Má ɔt̄o Egipiwa, mí yákpalekér̄nɔ, mí bɔ n̄ ma zīgɔ ma gbé Isailio.

\* 7:3 Zln 7.36

<sup>5</sup> Tó ma bɔ́ n ma gbãao Egipi, má Isailio bɔ́leu, Egipio i dɔ́ sa ké mámɛmaa Dii.

<sup>6</sup> Ǿ Mɔizi n Aalonao kè lá Dii ònéwa.

<sup>7</sup> Gɔɔ pɔ́ aa yã'ò Falaɔɔɛ, Mɔizi wè basiiɔɛ, Aalona sɔ́ wè basiiɔ́ n àaɔo.

<sup>8</sup> Ǿ Dii ò Mɔizie n Aalonao:

<sup>9</sup> Tó Falaɔɔ dabudabu gbèama, o Aalonae aà a go se pàle aà ae, i li mlɛ ũ.

<sup>10</sup> Ké Mɔizi n Aalonao gè Falaɔɔ kfi, aa kè lá Dii ònéwa. Aalona a go se pàle Falaɔɔ n a iwao ae, ɔ́ à li mlɛ ũ.

<sup>11</sup> Ǿ Falaɔɔ Egipi wɛzɛnao n esedeo sisi, ɔ́ aa dabudabupi kè màa sɔ́ n esedeke guu.

<sup>12</sup> Ké an baade a go pàle,† ɔ́ an gopio li mlɛo ũ sɔ́, ɔ́ Aalona go n pɔ́ mòmɔ.

<sup>13</sup> Falaɔɔ swá yiaae, i n yãmao lá Dii òwa.

### *Iɔ́ lia au ũ*

<sup>14</sup> Dii ò Mɔizie: Falaɔɔ swá gbãa, à gfi gbéɔ gbaci.

<sup>15</sup> Ge n aà le zia kɔɔ, gɔɔ pɔ́ àle gé swai, níɔ aà dã Niili sae we. Nyɔ́ n go pɔ́ li mlɛ ũpi kũa,

<sup>16</sup> ní oè n mɛ, ma Dii Ebeluo Lua mámɛ ma n zɔ́wà n oè aà ma gbéɔ gbac aa gé ma sísii guwaiwaiu, kási e tia i mao.

<sup>17</sup> Ma Dii ma mɛ, yá pɔ́ a to aà dɔ́ ké mámɛmaa Diin ke: Tó n Niili í lè n go pɔ́ n kũao, a li au ũ.‡

<sup>18</sup> Kpɔ́ pɔ́ kú ípi guuo i gaga, Niili í i gfidɔ, Egipio i fua mii.

<sup>19</sup> Ǿ Dii èa ò Mɔizie: O Aalonae aà a go se dɔ́ Egipio ía, an swao n n swa'ɔnao n n biao n n íkalekfiio pii, i gɔ́ au ũ. Au ío daa gua Egipi, baa n pɛnao n olao guu ío pii.

† 7:12 2Tim 3.8 ‡ 7:17 Zia 11.6, 16.4

20 Ǿ Mɔizi n̄ Aalonao kè lá Dii ònéwa. Aalona a gopi sè à Niili í lèd Falaṣṣo n̄ a ìwaṣ wáa, ẽ ípi gṣṣ au ũ píi. §

21 Kpṣ pṣ kú a guuṣ gàga, ẽ Niili ípi gídṣ, Egipiṣ fùà miì. Au daa gua Egipi.

22 Egipi ɛɛdeṣ kè màa sṣ n̄ ɛɛdeke guu, ẽ Falaṣṣo swá gbāakù, i n̄ yāmao lá Dii òwa.

23 Falaṣṣo èa tà a bɛ, i yápi da seo.

24 Egipiṣ bia yṣyṣ Niili gṣṣṣwa, ké wà e imi, asa aai fṣ swada í m̄io.

25 A ku màa e gṣṣ sopla Dii Niili læ gbɛa.

### *Blṣṣ kaa*

26 Ǿ Dii ò Mɔizie: Ge n̄ o Falaṣṣe, ma Dii ma mè àà ma gbéṣ gbɛe aa gé ma sísi.

27 Tó à gĩ n̄ gbɛe sṣ, má tó blṣṣ ka àà bùsu gupiiuɛ.

28 Blṣṣ Niili pa e aa bua sísia, aai gṣ àà ua e àà kpéu kpɛa, aai dede àà wúlebṣwa. Aa gṣ àà ìwaṣ uaṣ n̄ àà gbéṣ uaṣ. Aa ka àà kinaṣ guu n̄ àà blɛdabṣṣ.

29 Blṣṣ dedɛwà n̄ àà gbéṣ n̄ àà ìwaṣ píi.

## 8

1 Dii èa ò Mɔizie: O Aalonaɛ àà a go se dṣ swaṣla n̄ swa'ṣnaṣ n̄ biaṣ, blṣṣ i ka Egipi bùsuu.

2 Ké Aalona a go dṣ Egipi íṣla, ẽ blṣṣ bṣlɛ lí bùsupia.

3 Ǿ ɛɛdepiṣ kè màa sṣ n̄ ɛɛdeke guu, aa tò blṣṣ lí Egipia.

4 Ǿ Falaɔɔ Mɔizi ní Aalonao sìsi à mè: A awakpa Diiɛ àà blɔɔ kɛa ní ma gbéɔ, mí á gbéɔ gbaɛ aa gé sa'oiwà.

5 Ǿ Mɔizi ò Falaɔɔɛ: Gɔɔ dilɛmɛɛ mà awakpane Diiɛ ní n ìwaɔ ní n gbéɔ, ké àà blɔɔ kɛma ní n uaɔ, aai gɔ swai ado.

6 Falaɔɔ mè: Zia. Ǿ Mɔizi mè: A ke lá ní òwa ké ñ e ñ dɔ gbɛɛ muaa ní Dii wá Luaoo.

7 Blɔɔ kɛma ní n uaɔ ní n ìwaɔ ní n gbéɔ, aai gɔ swai ado.

8 Ké Mɔizi ní Aalonao gò Falaɔɔ kíi, Mɔizi wabikè Diiwa blɔɔ pɔ a kà Falaɔɔguɔ yá musu.

9 Dii Mɔizi wabikɛa mà, ɔ blɔɔpiɔ gága kpéɔ guu ní uaɔ ní wénkpɛɔ.

10 Wa kàaakāaa, ɔ bùsu gidò píi.

11 Ké Falaɔɔ è dáama kè, àà swá èa gbāakù, ɔ i Mɔizi ní Aalonao yāmao lá Dii òwa.

### *Gái kaa*

12 Dii ò Mɔiziɛ: O Aalonae àà a go sé, i tɔɔɛ léò, bùsuti i li gáíɔ ũ Egipi gupiiu.

13 Ǿ aa kè màa. Aalona a go sè à tɔɔɛ lèò, ɔ bùsuti lí gáíɔ ũ, aa kà gbɛnazínaɔgu ní nòbɔɔ. Egipi bùsuti lí gáíɔ ũ píi.

14 ɛsɛdeɔ yɔwà màa ní ɛsɛdeke guu sɔ, ɔ aa fù. Gáíɔ kà gbɛnazínaɔgu ní nòbɔɔ.

15 Ǿ ɛsɛdeɔ ò Falaɔɔɛ: Lua ɔgbɛɛ. Kási Falaɔɔ swá gí yīaaɛ, i ní yāmao lá Dii òwa.

### *Usinaɔ kaa*

16 Dii ò Mɔizie: Fɛɛ kɔɔkɔɔ gɛ Falaɔ le gɔɔ pɔ àɛ gé swai, ní oè ma Dii ma mɛ àà ma gbéɔ gbæ aa gé ma sísi.

17 Tó à gĩ ní gbæi, má ũsinaɔ kaaàgu ní aà ìwaɔ ní aà gbéɔ ní aà bɛ kpéɔɛ. Egipi kpéɔ i pa ní ũsinaɔ, aa da tɔɔɛa se.

18 Gɔɔ bee Gosɛ bùsu gu pɔ ma gbéɔ kuu ɔ má bɔ ado. We ũsinaɔ kauo, ké aà e dɔ ké mámɛmaa Dii aà bùsuu.

19 Má a gbéɔ dɔkɔɛ ní aà gbéɔ. Zia ɔ seelapi a kɛ.

20 Ǿ Dii kè màa. ũsinaɔ kà Falaɔ ua ní aà ìwaɔ uaɔ. Egipi ɔ̀ɔkpà píi ũsinaɔ yáí.

21 Ǿ Falaɔ Mɔizi ní Aalonaɔ sísi à mɛ: A gɛ sa'o á Luawa bùsuu la.

22 Ǿ Mɔizi òè: A zɛvĩ wà kɛ màao, asa pɔ pɔ wá sa'oò Dii wá Luawa dɛ Egipiɔnɛ tɛ ũɛ. Tó wa sa'ò ní pɔ pɔ dené tɛ ũo ní wáa, aa wá pápa ní gbɛo aa wá dɛdɛo lé?

23 Wá taa'o guwaiwaiu gɔɔ àaɔɛ, wí gbasa sa'o Dii wá Luawa lá a òwɛɛwa.

24 Ǿ Falaɔ mɛ: Má á gbæ à gɛ sa'o Dii á Luawa guwaiwaiu, áma ásu gé zão. A awakpaɛmɛ sa.

25 Mɔizi òè: Tó ma ta, má awakpaɛ, i ũsinaɔ kɛma zia ní n ìwaɔ ní n gbéɔ. Ama ñsu mɔafilikɛ n gí gbéɔnɛ aa gé sa'oi Diiwa bo.

26 Ké Mɔizi bɔ Falaɔ kíi, à awakpàè Diiɛ.

27 Dii aà wabikɛa mà, ɔ ũsinaɔ kè Falaɔwa ní a ìwaɔ ní a gbéɔ. I gɔ gueio, baa mendo.

28 Kási Falaɔ swá gĩ gbãa e tiaɛ, i ní gbáeo.

## 9

*Pɔtuɔɔ gagaa*



1 Dii ò Mɔizie: Ge ò Falaɔ le, ní oè Dii á Ebeluo Lua m̀è, aà ma gbé̃o gbae aa gé ma sísi.

2 Tó à gĩ ní gbaei mé a ní kúa e tia,

3 má ɔ̃t̃s̃ aà pɔtuɔwa bua. Má gagyã pãsí ká aà s̃ógu ní aà zàa'inao ní aà yiongoo ní aà zuo ní aà são ní aà bleo.

4 Má Isaili p̃oo d̃ok̃e ní Egipio p̃oo. Isailio p̃oo kee a gao.

5 Ma Dii ma a gɔɔdile. Zia má bee ke b̃usu la.

6 Ké gu d̃ò, ɔ̃ Dii kè màa. Egipio pɔtuɔo g̃aga píi, kási Isailio p̃oo kee i gao.

7 Falaɔ yá p̃o kèpi gbèa a mà Isailio p̃oo kee i gao, kási aà swá gĩ gbãae, i gbé̃pio gbaeo.

### *Sáne kaa Egipio*

8 Dii ò Mɔizie ní Aalona: A mua túfu ɔ̃kpa, Mɔizi i fã musu Falaɔ ae,

9 i da Egipio b̃usua píi lán luut̃ewa, i ka gb̃enazinao ní ñb̃oogu sáne ũ gupiiu.

10 ɔ̃ aa mua túfu s̃ele aa gèò Falaɔ kíi. Ké Mɔizi túfupi fã musu, ɔ̃ à kà gb̃enazinao ní ñb̃oogu sáne ũ.\*

11 Ẽsẽdẽo i f̃o gè Mɔizi kíio sánepio yáí, asa à ní lé ní Egipio píie.

12 ɔ̃ Dii Falaɔ swáf̃è lá a ò Mɔiziewa, ɔ̃ i ní yãmao.

### *Lougbe kwea*

13 Dii ò Mɔizie: Fele k̃õk̃õ ge Falaɔ le, ní oè ma Dii á Ebeluo Lua ma m̀è, aà ma gbé̃o gbae aa gé ma sísi.

14 Ké bee sa má'ia píi kpáaazi ní aà iwao ní aà gbé̃o, ké aà e d̃ó d̃unia guu píi gb̃e muaamano.

\* 9:10 Zia 16.2

15 Asa tó ma ɔ̀t̄má ma gagyākàngu yāa, d̄s̄ aàpi ní a gbé̄o aa làa dúnia guu.

16 Má tò aà ku ké aà ma gbāa e, ma tó i li dúniaa píi.†

17 Lá àle azia se lesi de ma gbé̄ola e tia, àle ní gbaeo,

18 zia maa'i má tó loughbe pāsī kwé maamaa, loughbe pó a taa i ke Egipi yāao zaa wa kàle e ní a gbāo.

19 Oè aà gbé̄o zī aa aà p̄ɔtuoo ní pó pó a ví buao séle káka kpéu píi. Gbēnazinao ní pó pó kú bàasio, tó wi gēnno kpéuo, loughbe a kwémá aa gagae.

20 Falaoo iwaeo vīakè Dii yáe, aa ní zikenao ní ní p̄ɔtuoo káka kpéu.

21 Ama gbé̄ pó aai Dii yādao, aa ní zikenao ní ní p̄ɔtuoo tò bàasi.

22 Ǿ Dii ò M̄ozie: Ǿse musu, loughbe i kwe gbēnazinao ní p̄ɔtuoo ní buapówa Egipi b̄usu gupiiu.

23 Ké M̄ozie a go d̄o musu, Dii tò lou lé p̄na, àle ma ní gbeo, àle píle, mé lua lé su t̄olewa. Dii loughbe kà Egipiogu.‡

24 Loughbe lé kwé, lou lé pílepíle. Loughbe pi pāsī. Zaa Egipi b̄usu ku, lou bee taa i mau yāao.

25 Loughbe pi pó pó kú bàasi Egipi b̄usuuo ásookè píi, gbēnazinao ní p̄ɔtuoo ní buapó píi. A s̄ea lío è'e píi.

26 Gosē b̄usu gu pó Isailio kuu ɔ̄ loughbe pi i kauo ado.

27 Falaoo M̄ozie ní Aalonao s̄isi a ònè: Ké bee sa ma duunakè. Dii dee yá nae, mapi ní ma gbé̄o tàaedee wá ũ.

† 9:16 Lom 9.17 ‡ 9:23 Zia 8.7, 16.21

28 A awakpaè. Loupūnaa ní loughεε beeo kà. Má á gbae saε, wa gíε bo.

29 Mɔizi òè: Tó ma bo wénkpε, mé ma a ɔɔ dɔ Dii kíi oi, loupūnaa a ze, loughε i láa, ké n̄ e n̄ dɔ tɔɔléá Dii pɔε.

30 Ama má dɔ ké mpi ní n̄ iwaɔ, áε v̄iakε Dii Luaεo e tia.

31 Naa ní maseo ɔ̀ɔkpà, ké naa p̄ia mé mase mɔε b̀ò yáí.

32 Ese ní weao i ɔ̀ɔkpao, ké aai ma gbezã yáí.

33 Mɔizi b̀ò Falaɔɔ kíi à gè wénkpε, à a ɔɔ dɔ Dii kíi oi, ɔ loupūnaa ní loughεo zè, lou i ma bo.

34 Ké Falaɔɔ è lou ní loughεo ní loupūnaao zè, à ḡí lé duunakε, aà swá gb̄akù, aapi ní a iwaɔ.

35 Aà swá ȳiaa, à ḡí Isailiɔ gbaei lá Lua dà Mɔizie a òèwa.

## 10

### *Kwaɔ kaa*

1 Dii ò Mɔizie: Gé Falaɔɔ kíi, asa ma aà swáfè ní aà iwaɔ, ké mà a dabudabuε beeo ke ní guu,

2 ke n̄ e n̄ o n̄ néɔne ní n̄ tɔ̀ūnao lá ma Egipiɔ wetà ní dabudabu p̀ó má kè ní guuo, í dɔ ké mámεmaa Dii.

3 ɔ Mɔizi ní Aalonaɔ ge ò Falaɔɔe aa mè: Dii Ebeluo Lua mè, n̄yɔɔ ku misiileae sai e boe ni? N a gb̄éɔ gbae aa gé a sísií.

4 Tó n̄ gi ní gb̄áei, zia a kwaɔ ka n̄ b̀usuu,

5 aa da tɔ̀ɔléa, wa gu'eo, aai léle p̀ó p̀ó g̀ène loughε gbeaɔwa ní lío píi.

<sup>6</sup> Aa ka n kpéɔ pai ní n ìwaɔ pɔɔ ní Egipiɔ pɔɔ píiɛ. N maɛɔ ní n deziɔ aai a taa e yáaɔ, za gɔɔ pɔ aa z̄lɛ b̀usuu la e ní a gb̄aɔ. Ǿ Mɔizi èa b̀ Falaɔ k̄íi.

<sup>7</sup> Falaɔ ìwaɔ òè: Gb̄épiɔ aaɔ músikpawázi màa e b̀ɔe ni? Gb̄épiɔ gbaɛ aa gé Dii ní Lua sísi. N d̄ɔ ké Egipi ò̀kpàò lé?

<sup>8</sup> Ǿ wà èa sù ní Mɔizio ní Aalonao Falaɔ k̄íi, a ònè: A gé Dii á Lua sísi. A deɔ mé aa géi?

<sup>9</sup> Mɔizi wèwà à mè: Néfēnen gb̄ɛz̄ɔ. Wá gé wápiiɛ ní wá n̄gɔɔ ní wá n̄nɔɔ ní wá s̄aɔ ní wá bleɔ ní wá zuɔ, asa Dii dikpe ɔ wáɛ gé kei.

<sup>10</sup> Ǿ a ònè: Tó ma á gb̄áɛ ní á n̄ɔɔ ní á n̄ɔ́ ápii, Dii á b̀! A laaika! A ye f̄manɔɔ.

<sup>11</sup> Aawo! A ḡɔɔ mé aa gé Dii sísi, asa bee á gb̄èa. Ǿ wà ní yá Falaɔ k̄íi.

<sup>12</sup> Dii ò Mɔizie: N ɔɔ Egipi b̀sua, kwaɔ i ká, aai s̄ɛ ní lá pɔ b̀ loughɛ gb̄ɛaɔ blɛ píi.

<sup>13</sup> Ké Mɔizi a go ò Egipia, Dii b̀ ní íanao gukpe oi, àɛ pé b̀supiwa f̄aane ní gw̄aasinao zesai. Ké gu ò̀, gukpe íanapi sù ní kwaɔ.\*

<sup>14</sup> Ǿ kwapiɔ mò kù Egipi b̀sua píi. An dasi de a ȳa pɔla, mé a taa a ke bau bo.

<sup>15</sup> Aa kpàɛ tɔɔɛa gupiiu, ɔ tɔɔɛ sísi. Aa s̄ɛ ní láɔ ní libɛ pɔ b̀ loughɛ gb̄ɛaɔ blɛ píi. S̄ɛ ge láe ku Egipi b̀usuu bo.

<sup>16</sup> Weḡɔ Falaɔ Mɔizi ní Aalonao sísi à mè: Ma duunakè Dii á Luaɛ ní ápiɔ.

<sup>17</sup> A s̀uu ḡendonɛ bee kemanɔ ní ma duunao, í awakpamɛ Dii á Luaɛ aà kaalɛ bee k̄ɛa.

<sup>18</sup> Ké à b̀ Falaɔ k̄íi, à awakpà Diie.

\* **10:13** Zia 9.3

19 Ǿ Dii b̀ò n̄́ òan gbãao be'ae oi, à m̀ò kwaɔ s̀èlɛ kà Isia T̄əau. Baa kwa m̀endo i ḡɔ Egipi lɔo.

20 Dii Falaɔɔ swáfè, ɔ̄ i Isailiɔ gbæo.

### *Gusia daa Egipia*

21 Dii ò M̀ɔiziɛ: Ǿse musu, gusia p̀ó wa e ɔkãwà i da Egipia.

22 Ké M̀ɔizi ɔ̀d̀ò musu, ɔ̄ gusia gèele dà Egipia gupiiu e ḡɔɔ àaɔ.†

23 Wili k̄ɔ'eo, mé gbēe i e g̀ò a tíao e ḡɔɔ àaɔpi. Kási gupua ku gu p̀ó Isailiɔ kuu píe.

24 Ǿ Falaɔɔ M̀ɔizi s̄isi à mè: A gé Dii s̄isii n̄́ á n̄ɔɔ n̄́ á néɔ píi, í á s̄ao n̄́ á bleɔ n̄́ á zuɔ tó.

25 M̀ɔizi mè: To wàɔ wá sa'obɔɔ n̄́ sa p̀ó w̄i a p̀ó kátɛu à tékũ obɔɔ kũa, ké wà e wà Dii wá Lua gbagbað.

26 Sema wà gé n̄́ wá p̄ɔtuɔɔ, baa m̀endo a ḡɔɔ, asa an guu ɔ̄ wá sa'obɔɔ seu wà Dii wá Lua gbagbað. E wàɔ gé kái we, wá d̄ɔ p̀ó p̀ó wá sé wà sa'oowà ḡiao.

27 Dii Falaɔɔ swáfè, ɔ̄ i we n̄́ gbáeo.

28 Falaɔɔ ò M̀ɔiziɛ: Gomɛɛ we! Nsu tó wá wé ke s̄iiɔ lɔo. Z̄i p̀ó wa wes̄ik̄ɔlɛ, n̄́ gaɛ.

29 Ǿ M̀ɔizi mè: Lá n̄́ ò, má wesinle lɔo.

## 11

### *Egipi neḡɔe s̄éiaɔ gagaa*

1 A m̀ò lè Dii ò M̀ɔiziɛ yãa à mè: Má ïada Falaɔɔwa n̄́ Egipi b̀usuo ḡen do lɔ, i gbasaa á gbæ. Tó àlɛ á gbæ, a á yáɛ fá!

2 O gbéɔne an baade ḡɔe n̄́ n̄ɔɔo ánuusu p̀óɔ n̄́ vua p̀óɔ gbæa gbé p̀ó á v̄i Egipi gbé ũwa.

† 10:22 Soū 105.28, Zia 16.10

<sup>3</sup> Má tó Egipiᵒ Isailiᵒ wegwa. Mɔizi sɔ̄ a beee vi Egipi Falaᵒᵒ İwaᵒ n̄ a gbéᵒne.

<sup>4</sup> Ǿ Mɔizi ò Falaᵒᵒe: Dii mè, gwāasin weedo á pã Egipi bùsua,

<sup>5</sup> Egipi negᵒe séiaᵒ i gaga pii sea za Falaᵒᵒ pó zᵒlea báawa néwa e à ge pe nᵒe zikena pó aai wísilᵒᵒ pᵒwa n̄ pᵒtuo nesana séiaᵒ pii.

<sup>6</sup> Búbua gbāa a da Egipia gupiiu, a taa i ke yāao, mé a ke bau lo.

<sup>7</sup> Kási Isailiᵒ guu baa gbē a gbodᵒ gbēnazina ge pᵒtuowao, ké n̄ e n̄ dᵒ Dii Egipiᵒ dᵒkᵒe n̄ Isailiᵒ yái.

<sup>8</sup> N̄ İwaē beeo mᵒ ma kii pii, aai kúlemee, aai me mà gé n̄ ma gbéᵒ pii. Bee gbea sa mí gé. Ǿ Mɔizi bᵒ Falaᵒᵒ kii n̄ pᵒfē zᵒᵒo.

<sup>9</sup> Dii ò Mɔizie yāa à mè: Falaᵒᵒ a n̄ yāmao, ké ma dabudabukeaᵒ e dasikū Egipi yái.

<sup>10</sup> Mɔizi n̄ Aalonaᵒ dabudabupiᵒ kè Falaᵒᵒ ae pii, Ǿ Dii aà swāfē. A gĩ Isailiᵒ gbaei aa bᵒ a bùsuu.

## 12

### *Gēamusu dikpe*

<sup>1</sup> Dii yā'ò Mɔizie n̄ Aalonaᵒ Egipi à mè:

<sup>2</sup> Mᵒe bee líᵒ deé mᵒ séia ũ wē n̄ wēo.

<sup>3</sup> A o Isailiᵒne pii, mᵒe bee gᵒᵒ kwide z̄ uale n̄ ualeᵒ pii aali sã se mēndodo.

<sup>4</sup> Tó ua gbéᵒ dasi i ka aa sã mēndo neo, aa sé n̄ ua pᵒ aa ku kᵒ saeo a gbéᵒ dasileu, ké a k̄ini su gᵒᵒ yái.

<sup>5</sup> A sãsa ge blesan bolbna pᵒ sãa viᵒ sé.\*

\* 12:5 Zāa 1.29, Ebe 9.14, 1Pie 1.19

<sup>6</sup> Isailio pii, baade a pó gwa e mœe bee gɔɔ gẽo m̀endosaide zĩ. Oosi i de,

<sup>7</sup> í a au lé kpé pó wa a ǹò sou kpεεε gĩowa, ɔplaii ní zεεio ní musuo.

<sup>8</sup> Gwãasin doupi à ǹòpi kpátea, í só ní kàao ní lá k̀isão.

<sup>9</sup> Asu so búsu ge f̀ùukeao. A kpátea ní a mio ní a gbáɔ ní a guupɔɔ.

<sup>10</sup> Asu to gu dɔ a k̀iniwao. Tó a k̀ini g̃ò, à kátεu à t́ékũ.

<sup>11</sup> Tó ále só, à asanadɔ, í kyalekpa, á gopana io naa á ɔzĩ, í só kpakpa, asa Dii Gẽamusu sa'obœ.

<sup>12</sup> Gwãasinapi má pã Egiptia mà neg̃œ s̃éiao dede búsupi gupiiu ní pɔtuo nesana s̃éiao pii, mí yãda Egipti táaɔla. Mámεmaa Dii.

<sup>13</sup> Aupi io de seela ũ kpé pó á kú a guuwa. Tó mále ɔt̃ Egiptiowa, mé ma aupi è, má g̃éalaε, gagapi a á leo.

<sup>14</sup> Ali gɔɔpi dile ma dikpe ũ a yá dɔngu yáí, ío dikpepi ke felekaa ũ e á buiwa.

### *Kàaso dikpe*

<sup>15</sup> Ali kàa so e gɔɔ soplá. A gɔɔ s̃éia zĩ àli p̃óse'εεε pó kú á kpéuo kóle,† asa gb̃é pó p̃ósea sò gɔɔ soplapi guu, wa aà bɔ Isailio guu wà deε.

<sup>16</sup> A gɔɔ s̃éia zĩ ní a gɔɔ sopladeo àli k̃ókãaa à ma sísi. Asu z̃ie ke gɔɔ beeɔ z̃ío, sema blekea gb̃épiiε bàasio, a lén we.

<sup>17</sup> Ali Kàaso dikpeke, asa z̃ibeezĩ ̃ɔ ma á bóle Egipti lán z̃ig̃ɔwa. A buio lío dikpepi ke k̃etok̃œ ũ.

† **12:15** Bsa 23.15, Mat 26.17, 1Kln 5.7-8

18 Mɔ sɛ́ia ɔɔ ɔ ɔ mɛ̀ndosaide zɛ́i oosi, àɔ kàa so e a ɔɔ bao ní mɛ̀ndoode zɛ́i oosi.

19 Póse'ese su àɔ kú á beo e ɔɔ sopla, asa gbé́ pɔ́ pɔ́sea sò, b̀òmɔn nò, belen nò, wa aà bɔ Isailiɔ guu wà dɛɛ.

20 Ásuli pɔ́sea so ɔɔ beeo. Gu pɔ́ á kúu píi, àliɔ kàa só.

### *Gɛ́amusu dikpe sɛ́ia*

21 Mɔizi Isaili gbɛ̀zɔɔ sisi píi, a òné: A gé á ua sã sɛ́i, í de Gɛ́amusu dikpekebo ũ.

22 A ése sáo se à zɔ́ au pɔ́ kú ta guuwa, í lé kpelele ɔ́ɔwa, ɔ́plaai ní zɛ́io ní musuo. Á gbɛ́e su bɔ a kpéuo e gu dɔ.

23 Tó Dii lé pã bùsua àle Egipiɔ dede, mé à au è kpelele ɔ́ɔwa, a ɔ́ae. A to gbɛ̀dedena ɔ́ázi à á dedeo.‡

24 Apio ní á buiɔ àɔ yápi kú kɛ̀tokɔe ũ e á buiwa.

25 Tó a ɔ́e bùsu pɔ́ Dii á gbáú lá à a legbèwa, àɔ lousisiyãpi kú.

26 Tó á néɔ lousisiyãpi mi gbèawá,

27 à oné a de Gɛ́amusu sa pɔ́ wɛ́ o Diiwa ũe, asa ké à Egipiɔ dède, à ɔ́e wá Isailiɔ kpéae, i wá dedeo. ɔ́ gbé́ kùle Dii e aa mipèle.

28 Ké aa tà, aa kè lá Dii ò Mɔizie ní Aalonaowa.

### *Egipi negɔ́e sɛ́iaɔ gagaa*

29 Gwãasin wɛ̀edo Dii Egipi negɔ́e sɛ́iaɔ dède píi sea za Falaɔ pɔ́ zɔ́lea báawa néwa, e à ɔ́e pè dakpeunaɔ pɔ́wa ní pɔ́tuo nesana sɛ́iaɔ píi.

30 Falaɔ fèle gwá ní a ìwaɔ ní Egipiɔ píi, ɔ́ búbua dà Egipia, asa uae ku ɔ́saio.

‡ 12:23 Ebe 11.28



31 Gwāasina ɔ Falaɔ Mɔzi ní Aalonao sisi a òné: A fɛɛ bɔɛ ní Isailio ma gbéɔ guu. A gé Dii sísi lá á òwa.

32 A á bleɔ ní á sãɔ ní á zuɔ séɛ lá á òwa. A géi, í samaa'omɛɛ.

33 Egipio lé naɛ gbépiɔwa aa bɔɛné ní bùsuu kpakpa, asa aa mè: Wá gaga píiɛ.

34 Isailio ní kàatidɛɔ kà tao guu a se'esesai, aa ní ulaɔ fífiwà aa dàda ní gàu.

35 Aa kè lá Mɔzi ònéwa, aa ánuusu pɔɔ ní vua pɔɔ ní pɔkasɔ gbèa Egipiowa.

36 Dii tò Egipio ní wegwà, ɔ aa kpámá. Màa aa Egipio pɔɔ símá.

### *Isailio daa zéu*

37 Isailio dàzɛu kèse, aa bɔɛ ní Lamɛsɛɔ aa tà Suko. Gɔɛɔ òaasɔsɔɔ lɛɛ òaa àaɔɛ (600.000), néɔ ní nɔɛɔ bàasi.

38 Bui zilo dodoɔ tàrnɔ dasi lɔ. Bleɔ ní sãɔ ní zuɔ dasi kè zài.

39 Aa kàa kè ní kàatidɛa pɔ aa bòò Egipio. A se'esɛ vɔ, asa wà ní yá Egipi zɛzɛsaie. Aai blɛ mài e sè ké wà ble zéuɔ.

40 Isailio kua Egipi kè wè òaa pla ní baakwioɛ. §

41 Wè òaa pla ní baakwiopi gbɛa, dikpɛpi zí ɔ Dii zígɔpi bɔɛ Egipi píi.

42 Gwāasínapiá Dii pɔɛ. Isailio líɔ itèkewà e an buiwa, asa gwápi ɔ Dii Isailio bɔɛa Egipi itèkè.

### *Gɛamusu dikpɛ*

43 Dii ò Mɔziɛ ní Aalonao: Gɛamusu yá pɔ má ðlɛn kɛ: Buipálee su a nòɔ soo,

44 āma zɔ pɔ á lù mé à tɔzɔ a só.

45 Nibɔ ge gbèwina su soo.

46 A so kpéu, ásu bɔ n̄ a n̄ɔpio bàasio. Asu sãpi wáe εo.\*

47 Isaili píi lí dikpɛpi ke.

48 Tó b̀mɔ kú á guu, mé a ye Gẽamusu dikpɛke Diiε, aà t̄z̄z̄z̄ a be ḡεεɔne píi, i ḡɔ bele ũ, i gbasa ke. Gyafɔdee suli bleo.

49 Bele n̄ b̀mɔ p̄ó kúánɔ, ikoyã doūpiε.

50 Ǿ Isailiɔ kè lá Dii ò M̄ɔziε n̄ Aalonaowa píi.

51 Zibeez̄i Dii Isailiɔ b̀le Egipi ḡãgã.

## 13

### *Kàaso dikpɛ n̄ n̄εḡε s̄éiã kpaa Luawao*

1 Dii yã'ò M̄ɔziε à mè:

2 Isaili n̄εḡε s̄éiã n̄ p̄ɔtuo n̄εsana s̄éiã kpaa, asa ma p̄ɔne píi.\*

3 M̄ɔzi ò gb̄εɔne: A b̄ɔa Egipi z̄ɔbleau ḡɔɔε bee yã àɔ d̄águ, asa Dii mé á b̄ó Egipi n̄ a ɔ gb̄ãao. Asuli p̄ɔs̄εa so ḡɔɔpiwao.

4 Alε b̄ɔ Egipi m̄ɔ s̄éiã p̄ó w̄i m̄ε Abibu guu gb̄ãε.

5 Dii l̄εgb̄è á deziɔne à mè á b̀usu p̄ó v̄i n̄ z̄'io diu mé Kanaaɔ n̄ Itiɔ n̄ Am̄leɔ n̄ Iviɔ n̄ Yebusiɔ kuu kpáwá. Tó a t̄ò a kau, àli dikpɛpi ke m̄ɔε beeu.

6 Aliɔ kàa so e ḡɔɔ sopl̄a. A ḡɔɔ sopl̄adepi z̄í iɔ deé Dii dikpɛ ũ.

7 Aliɔ kàa so e ḡɔɔ sopl̄api γε pað. P̄ɔs̄εa ge p̄ẽεs̄'εεε suliɔ ku uae á b̀usu ḡɔɔ beewao.

8 Ḡɔɔ bee àli o á n̄εḡεɔne ále bee ke yã p̄ó Dii k̄é k̄é à á b̀le Egipi yáie.

\* 12:46 Z̄ãa 19.36 \* 13:2 Luk 2.23

<sup>9</sup> Dikɛpɛpi iɔ dɛɛ seela ũ lán pɔ daa ɔwa ge dɔngubɔ yea mi'aewawa, ké Dii ikoyã su bɔ á léuo, asa ɔme á bóle Egipi ní a ɔ gbãao.

<sup>10</sup> Aliɔ ikoyãpi ke a gɔɔwa wɛ ní wɛo.

<sup>11</sup> Tó Dii tò a ka Kanaa búsuu, mé a kpàwá lá à a legbèè ní á deziɔwa,

<sup>12</sup> à á nɛgɔɛ sɛ́iao kpawà píi. A pɔtuo nesana sɛ́iao iɔ dɛ aà pɔ ũ píi.

<sup>13</sup> Ili á zàa'ín nesana sɛ́ia bo ní sãneo. Tó i boo, à a waa fi. A á nɛgɔɛ sɛ́iao bo píi.

<sup>14</sup> Tó á nɛgɔɛ á lá yápi mii zia aa mè, bó yán wei, à oné, ké Dii wá bó zɔbleu Egipi ní a ɔ gbãao yáɛ.

<sup>15</sup> Ké Falaɔ gikè à gĩ wá gbaei, ɔ Dii Egipi nɛgɔɛ sɛ́iao dèdɛ pii ní pɔtuo nesana sɛ́iao píi. A yáí ɔ wi sa'oiwà ní pɔtuo nesana sɛ́iao, mé wi wá nɛgɔɛ sɛ́iao bo.

<sup>16</sup> Bee aɔ dɛ seela ũ lán pɔdaa wá ɔwa ge pɔyea wá mi'aewawa, asa Dii mé wá bó Egipi ní a ɔ gbãao.

### *Isailiɔ bɔa Egipi*

<sup>17</sup> Ké Falaɔ Isailiɔ gbàɛ, Lua i bɔrínɔ Filitɛ búsuu zé guuo, baa ní a kãikɛo, asa à mè: Tó wà fɛlemá ní zio, aa làasooke ɛa taa Egipiwaɛ.

<sup>18</sup> Lua dòi, à guwaiwai zé sèrínɔ Isia Tɛa oi. Isailiɔ bɔ Egipi ní ní gɔkɛbɔɔ kũa.

<sup>19</sup> Mɔizi Yosefu ge sè, àlɛ taò, asa Yosefu tò Isailiɔ legbèè yãa à mè, tó Lua mò ní bɔi, aa a gɛwa sɛ́lɛ bɔò wɛɛ.†

<sup>20</sup> Ké aa bɔ Suko, aa gè bòokpà guwaiwai lé Etaũ.

† 13:19 Daa 50.25, Yoz 24.32

21 Dii ɔ dɔaané telu guu fáanɛ, ké àò zɛ'ɔɔné. Gwāasina sɔ, ɔ dɔaané té guu ké àò gupuné, aaiɔ taa'ò fáanɛ ní gwāasinao.

22 Telupi lí go ní aɛ fáanɛo, mé tépi lí go ní aɛ gwáa.

## 14

### *Egipio pélea Isailiozi*

1 Dii ò Mɔizie:

2 O Isailioɔnɛ aa lile ge bòokpa Pi'ailo saɛ Midoli ní ísiao zānguo, bɔaa ní Baalizefɔ. A bòokpa ísia saɛ we.

3 Falaɔɔ aɔ e a sāsā, guwaiwai á kúkūɛ.

4 Má aà swáfɛ, i péleázi, mí tɔɔ Falaɔɔ ní a zígɔɔ yá musu, Egipio ɔ dɔ ké mámɛmaa Dii. ɔ Isailio kè màa.

5 Ké wa ò Egipio kí Falaɔɔnɛ gbépio bàalè, ɔ aapi ní a ìwaɔ nɔsɛ pāle sè an yá musu aa mè: Kpelewa wá kè wá tò Isailio bò zɔbleawɛɛ guui?

6 ɔ Falaɔɔ godò a sɔɛ, à a zígɔɔ nàaa.

7 A sɔgo maaɔ sè mèn àaa àaɔ ní Egipi sɔgoɔ píi, zígɔ kíaɔ ká ní guu.

8 Dii Egipio kí Falaɔɔ swáfɛ, ɔ à pèle Isailiozi, aale bɔle an mi daa ía.

9 ɔ Egipio pèlɛnízi ní Falaɔɔ sɔɔ ní aà sɔgoɔ ní aà sɔdeɔ ní aà zígɔɔ píi, ɔ aale mó ní lei ní bòou ísia saɛ Pi'ailo saɛ bɔaa ní Baalizefɔ.

10 Ké Falaɔɔ káikū, Isailio wɛzù, ɔ aa Egipio è té ní kpɛ. Vía ní kú maamaa, ɔ aa wiilè Diiwa.

11 Aa ò Mɔizie: Miao ku Egipi noa? Bóyāi n mɔwanɔ guwaiwaiu la wà gagai? Akeɛ n wá bóle Egipii?

12 Wi one Egipio lé? Wi me wá tó tēēē wà zòble Egipionēo lé? Zòbleané maawēē de gagaa guwai-waiua.

13 Mòizi ònè: Asu to vĩa á kũo. A ze tēēē, í e lá Dii a á suaba gbã, asa Egipi pò ále ní e gbãēo, á ní e bau bo.

14 Dii mé a zĩkaé. Aò ku kílikilíe.

### *Paa Isia Tēaa*

15 Dii Mòizi là à mè: Bó wii níle léai? O gbéone aa bo ní táo.

16 N n gopana do ísīaa, ní zōēò, Isailio i gē a zānguo gugiiu.

17 Mapi, má Egipio swāfē, aai gē ní gbea, mí tōbo Falaōó ní a zīgōó ní a sōgoó ní a sōdeó yá musu.

18 Tó ma tōbò Falaōó ní a sōgoó ní a sōdeó yá musu, Egipio i dō sa ké māmēmaa Dii.

19 Lua Malaika pò dōaaa Isailione ēa gē kú ní kpe, mé telu pò kú ní ae ēa gē ní kpe bo

20 ampio ní Egipio zānguo. Telupi gupù Isailione mé à gusiakpà Egipione, ò an gbēe i e sò a deei gwāasīna beeo.

21 Ké Mòizi oðò ísīaa, ò Dii bò ní ían gbāao gukpe oi. A kàka e gu gē dòò, à ísīa sèle kpà e gugii bò. Ké í zōē,

22 ò Isailio taa'ò gugiiu aa bùa. I bííboa an oplaai ní ní ozeio.\*

23 ò Egipio pèlènzī. Falaōó sōó ní a sōgoó ní a sōdeó píi té ní kpe ísīa guu.

24 Gufēne Dii Egipi zīgōó gwà za telu tēde guu, ò a tò gili gèngū.

\* 14:22 1Kln 10.1-2, Ebe 11.29

25 A tò an s̄́gɔɔ v̄̀lɛ, a tò an t́́aa'oa z̄́'úkù, ̄́ aa mè: Wà bàalɛ Isailiɔnɛ, asa Dii lé z̄́kanéwanɔɛ.

26 Dii ò Mɔizie: Ɔɔɔ ísiaa, í i da Egipiɔla n̄́ n̄́ s̄́gɔɔ n̄́ n̄́ s̄́deɔ.

27 Ɔ Mɔizi ɔɔɔ ísiaa, ̄́ í lé pa a gbɛu gudɔleia. Lá í lé su màa, ̄́ Egipiɔ bàalè aa kpàaũð. We Dii tò ísia kùaaumá.

28 I sù à dà s̄́gɔɔla n̄́ s̄́deɔ n̄́ Falaɔ z̄́ḡ́ p̄́ ḡ́ ísia guu Isailiɔ gbɛaɔ p̄́i. An kee i bɔɔ, baa m̀̀endo.

29 Isailiɔ s̄́ aa t́́aa'ò í z̄́anguo gugiiuɛ. I bíiboa an ɔplaai n̄́ n̄́ ɔzɛɛio.

30 Zibeez̄́ Dii Isailiɔ s̄́ Egipiɔwa, ̄́ Isailiɔ Egipipiɔ gɛɔ è ísia ḡ́s̄́le.

31 Ké Isailiɔ Dii gb̄́aa z̄́ɔ p̄́ a mò Egipiɔnɛ è, aa v̄́iakèè, ̄́ aa aà náaikè n̄́ aà z̄́blena Mɔizio.

## 15

### *Mɔizi le*

1 Ɔ Mɔizi n̄́ Isailiɔ p̄́i lɛɛ bee s̄́ Diiɛ\* aa mè: Má lesi Diiɛ, asa à t̄́b̀ò, à s̄́deɔ n̄́ n̄́ s̄́ɔ kà ísiau.

2 Dii mé ma gb̄́aa ũ, má lé mawà, aàpi mé ma suabà.

Ɔmɛ ma Lua ũ, má aà táasile. Ɔmɛ ma mae Lua ũ, má aà t̄́b̀ɔ.

3 Diiá z̄́ḡ́ɛ, aà tón Dii.

4 A Falaɔ s̄́gɔɔ n̄́ aà z̄́ḡ́ɔ kà ísiau, à z̄́ḡ́ k̄́iaɔ s̄́òle Isia T̄́ɛau.

5 Ipi dàr̄́la, aa kpàle z̄́lɛ lán gbɛwa.

---

\* 15:1 Zia 15.3

6 Dii, n ɔplaa n gbãa tɔ̀bò,  
Dii, n n íbɛɛɔ ulò ní n ɔplaaɔ.

7 N n wèɛɔ nè n gawi zɔ́ guu,  
n pɔ̀ pà, n ní kwé lán sēwa.

8 N pɔ̀bò n níu, ɔ́ í fèɛ,  
a zɛa lán bíiwa,  
ísia í ì a guoguo.

9 Wá íbɛɛpiɔ̀ mè,  
wa péɛwázi wà wá leɛ,  
wi wá pɔ̀ɔ síwá lá wa yeiwa,  
wi ní fɛndaɔ wo wà wá dɛdɛɔ.

10 N n lé'iana gbàɛ, ɔ́ ísia dàńla,  
aa kpàɛ lán bɛɔmawa í zɔ̀piu.

11 Dii, táa kpele mé muaannɔi?  
Démɛ muaannɔi?  
Yábɔnsaɛkɛna, n zɔ̀kɛ adoa,  
n gawi ì to vía wá kú.

12 N n ɔplaa dò, ɔ́ tɔ̀ɔɛ ní mɔ̀mɔ̀.

13 Nyɔ́ dɔaa wá gbé pɔ́ n wá bóɔnɛ n gběke guu,  
nýɔ́ géwanɔ́ n búsuu ní n gbãao.

14 Tó buipáɛɔ mà, aa lualua,  
iwáa a ka Filitē búsudeɔ pɔ̀a.

15 Ɛdɔũɔ kíaɔ bílike,  
gili a gē Mɔabu dɔaanaɔgu,  
Kanaa búsudeɔ kúsu a kwɛ nípii.

16 Vía zɔ̀ɔ a ní kú, sɔ́ i kéńgu,  
aa gɔ́ kílíkili lán gbɛwa n gbãa zɔ̀ɔ yáí Dii,  
e wá gbé pɔ́ ní wá é n pɔ́ ũɔ gē.

17 Dii, nýɔ́ géwanɔ́ gbɛ̀sɪ̀sɪ̀ pɔ́ ní sè n pɔ́ ũ kíi,  
ní wá zɛdɔ gu pɔ́ ní díɛ n zɔ̀ɛkíi ũ,  
n kúkíi pɔ́ ní kèkɛ nzíɛ guu.

18 Dii aɔ kible gɔ̀ɔpiie.

19 Ké Falaɔ sɔɔ ní a sɔ́goɔ ní a sɔ́deɔ gè ísia guu, ɔ Dii sù ní ío à dànlá, kási Isailiɔ táa'ò gugíiu ísiapiue.

20 ɔ ānabi Míliaũ, Aalona dāe, sésēna sè, ɔ nɔɔɔ bò tɛaàzi píi, aale sésēnapa, aale ɔwã.

21 Míliaũ lesiné à mè:  
A lesi Diiɛ, asa à tɔbò,  
à sɔ́deɔ ní ní sɔ́ɔ kà ísiau.

### *I fii*

22 Mɔizi dàzeu ní Isailiɔ, aa kè Isia Tēawa aa gè Sulu guwaiwaiu. Aa táa'ò goɔ àaɔ guwaiwaipiu, aai í eo.

23 Ké aa kà gu pó wí me Mala, aai fɔ a imiɔ, ké a fii yái. A yái tò wà tɔkpà gupie Mala.†

24 ɔ gbéɔ zɔadò Mɔiziwa aa mè: Bó wá mii?

25 Mɔizi wiilè Diiwa, ɔ Dii lí òbè. Ké a zù íu, ɔ ípi nakù. Wekí ɔ Dii ikoyã dīlené à ní yó

26 à mè: Tó a laaidò ma Dii á Lua ma yáwa mé ále yá pó má yei ke, tó a yá pó má dīleɔ mà mé á ma ikoyã kúa píi, má gyã pó má kà Egipiɔgu kee kááguo, asa mámɛmaa Dii á gbãgbãna ũ.

27 Bee gbea aa kà Eliũ, gu pó nibɔna mèn kueplao kuu ní daminali mèn bàaɔkwio. ɔ aa bòokpà í sae we.

## 16

### *Mana ní bùu*

1 Isailiɔ fèle Eliũ nípii, ɔ aa kà Sini guwaiwai pó kú Eliũ ní Sinaio zānguo an bɔa Egipi mɔ plaade goɔ gēode zí.

† 15:23 Bee mè fii.



2 Ǿ aa zɔadò Mɔizi n̄ Aalonaowa guwaiwaiu we m̄pii,

3 aa òné: Bóyāi Dii i wá dɛdɛ Egipio ni? Wekii wi z̄ɔle wà p̄oble n̄ n̄ɔɔ e wà k̄āe, ɔ̄ a m̄ wá dɛdɛi guwaiwaiu la n̄ n̄ɔanao.

4 Dii ò Mɔizie: Kua za musu má ble fáéé,\* gbéɔ lí b̄ole ḡɔɔ do p̄ó sélei lá gu lé d̄o n̄ lé léú, ké mà n̄ lé mà gwa tó aa ma ikoyā k̄ūa.

5 Ḡɔɔ soolode z̄í ḡɔɔ pla p̄ó ɔ̄ aali séle, aaliɔ a bleke.

6 Ǿ Mɔizi n̄ Aalonaò òné pii: Oosia á d̄ɔ́ ké Dii mé á b̄óle Egipi,

7 zia k̄ɔɔ í Dii gawi e. A zɔa p̄ó á k̄àazi mà, asa p̄ɔen wá ũ ké a gbasaa zɔakàwázio.

8 Mɔizi èa m̄è: Dii a á gba n̄ɔ à so oosia, zia k̄ɔɔ i ble kp̄awá á lé léú, ké à zɔa p̄ó á k̄àazi mà yáí. P̄ɔen wá ũo. I ke wám̄e a zɔakàwázio, Diie.

9 Ǿ Mɔizi ò Aalonaè: O Isailioe pii aa s̄ɔ Diizi, asa à n̄ zɔakaa màe.

10 Ké Aalona lé yā'oné, aa aedò guwaiwai oi, ɔ̄ aa è Dii gawi b̄ómá telu guu.

11 Ǿ Dii yā'ò Mɔizie à m̄è:

12 Ma Isailio zɔakaa mà. Oné oosia aa n̄ɔ só, zia k̄ɔɔ aa bleble aa k̄á, aai d̄ɔ́ ké m̄ám̄ema Dii n̄ Lua.

13 Oosi bùuɔ mò lí n̄ b̄òoa. Ké gu d̄ò fii kp̄à à líai.

14 Ké fii kwè, ɔ̄ p̄ó ḡè k̄ále t̄ole puanno kelekele lán kp̄òt̄ewa.

15 Ké Isailio è, aa òk̄ɔe: Bón wei? Asa aai d̄ɔ́ bó no. M̄ɔizi òné: Ble p̄ó Dii kp̄awá à blen we.

16 Yá p̄ó Dii d̄il̄één ke: A baade lí séle a lé léú. A séle á baade miwa zaa le dodo á uadeɔ léú.

\* 16:4 Zāa 6.31

17 Isailio kè màa. Aa sèlɛ, gbɛ̃ɛɔ pɔ zɔɔ, gbɛ̃ɛɔ pɔ bílao.

18 Wà zaadàu, ké gbé pɔ sèlɛ zɔɔ pɔ su fɛo, mé gbé pɔ i sélé bílao pɔ su késāwàò.†

19 Mɔizi ònɛ: Gbɛ̃ɛ su a kɪni tó e kɔɔɔ.

20 Gbɛ̃ɛɔ i Mɔizi yāmao, aa a kɪni tò e kɔɔ, ɔ à kòkà à yaikè, ɔ Mɔizi pɔ pà gbé beezi.

21 Lá gu lé dɔ baade i sélé a lé léu. Tó íatɛ gbāakù, pɔ pɔ gò tɔɔlɛ i yɔɛ.

22 Gɔɔ soolode zɪ́ aa blɛ sèlɛ lɛɛ pla, baade miwa zaa lɛ plapla. ɔ an gbɛ̃zɔɔɔ gɛ ò Mɔizie m̀pii.

23 A ònɛ: M̀a Dii d̀lɛ. Ziaá kámabozɪɛ, Dii gɔɔɛ. A pɔ pɔ á ye kɔasa kɔasa. A pɔ pɔ á ye disa disa, í a kɪni pɔ gò dilɛ e kɔɔ.

24 Aa d̀lɛ e kɔɔ lá Mɔizi òwa. Bee i yaikɛo, i kòkào.

25 ɔ Mɔizi ònɛ: A blɛ gbã, asa kámabozɪɛ, á e guei gbão.

26 Alio sélé e gɔɔ soolo. A gɔɔ sopladeá kámabozɪɛ, aɔ ku gɔɔ beeo.

27 Gɔɔ soplade zɪ́ gbɛ̃ɛɔ b̀ séléi, ɔ aai eo.

28 ɔ Dii ò Mɔizie: Aɔ kú ní ikoyã pɔ má d̀lɛo masaio e bɔɛ ni?

29 Aɔ d̃ ké ma Dii m̀mɛ ma kámabogɔɔ d̀lɛé. A yáí tò gɔɔ soolode zɪ́ mi gɔɔ pla blɛ kpáwá. Baade lío ku a gbɛu, gbɛ̃ɛ sulɪ bɔ gu pɔ á kúu gɔɔ sopladepi zɪ́o.

30 ɔ aa kámabò gɔɔ soplade zɪ́.‡

† 16:18 2Kln 8.15 ‡ 16:30 Bɔa 20.8-11

31 Isailiɔ tɔkpà blɛpiɛ Mana. § A dɛ lán pówɛn pua kelenɔwɛɛ. A í na lán kàa zɔdewa.\*

32 Mɔizi mɛ: Yá pɔ Dii dilɛn kɛ: Wà mana zaa lɛ do dilɛ wá buiɔnɛ, kɛ aa blɛ pɔ a kpàwá wá blɛ guwaiwaiu wá bɔa Egipi gbɛa e sɔ.

33 ☽ Mɔizi ò Aalonɛ: Lo sɛ mana zaa lɛ do kau, ní dilɛ Dii aɛ, kɛ àɔ dilɛa wá buiɔnɛ.†

34 ☽ Aalona dilɛ gbɛ pɛpɛɔ sɛɛ, kɛ àɔ dilɛa lá Dii ò Mɔiziɛwa.

35 Isailiɔ mana blɛ wɛ̀ blaɛ‡ e aa gɛ̀ kàò bùsu pɔ gbɛ́ɔ kuu. Aa manapi blɛ e aa gɛ̀ kàò Kanaa bùsu zɔlɛuɛ.

36 Zaa lɛ do litili plaɛ.

## 17

### *I bɔa gbɛu*

*(Nao 20.2-13)*

1 Isailiɔ fɛlɛ Sini guwaiwaiu nípii, aalɛ bòokpakpa lá Dii ònéwa, s̄ aa gɛ̀ bòokpà Lefidiũ. Aai í e we wa m̄io,

2 s̄ aa zɔadò Mɔiziwa aa mɛ: Wá gba í wà mi. A òné: Bóyáí álɛ zɔadɔai? Akɛa álɛ Dii léwɛi?

3 Kɛ imi lé ní dɛ, s̄ aa zɔadò Mɔiziwa aa mɛ: Bóyáí n wá bóle Egipii? N ye ò wá dɛdɛ ní imio ní wá néɔ ní wá pɔtuɔɔ yá?

4 ☽ Mɔizi wiilɛ Diiwa à mɛ: Kpelewa má kɛ ní gbɛ́piɔi? A gò yɔɔ aa ma pápa ní gbɛo wà ma dɛɛ.

5 Dii òɛ: Isaili gbɛzɔɔ sɛlɛ, í dɔaa gbɛ́piɔnɛ. N n go pɔ n Niili lèd sɛ lɔ.

§ 16:31 Bee mɛ bón wei. \* 16:31 Nao 11.7-8 † 16:33 Ebe 9.4

‡ 16:35 Yoz 5.12, 1Kn 10.3

<sup>6</sup> Máo zea n ae Olebu gbewa we. Gbepi lé, í i bɔ, aai mi. ɔ Mɔizíkè màa Isaili gbɛzɔɔ wáa.

<sup>7</sup> ɔ wà tɔkpà gupie Masa,\* asa we aa Dii léwèu aa mè: Dii kúwanɔe wee? Wà tɔkpàè Meliba† bɔ, ké Isailiɔ zɔakà we yáí.

### *Zíkaa ní Amalekiɔ*

<sup>8</sup> Amalekiɔ mò zíkai ní Isailiɔ Lefidiü.

<sup>9</sup> ɔ Mɔizi ò Yozuee: Gbɛɔ plɛwɛɛ, í ge zíkai ní Amalekiɔ. Zia máɔ zea sísíe bee misonawa ní Lua goo kŭa.

<sup>10</sup> Yozuee kè lá Mɔizi òewa, à gè zíkai ní Amalekiɔ. ɔ Mɔizi ní Aalonao ní Huluo dèdɛ sísípi misonawa.

<sup>11</sup> Tó Mɔizi a ɔɔ sè, Isailiɔ Ìb Amalekiɔ fue, ãma tó à a ɔɔ síile sŏ, Amalekiɔ Ìb Isailiɔ fue.

<sup>12</sup> Ké Mɔizi ɔɔ wà, ɔ wà gbɛ se ðile aà zíe, à zòlɛwà, ɔ Aalona ní Huluo aa aà ɔɔ kúkŭa, gbɛdo ɔplaii, gbɛdo ɔzei, ɔ aà ɔɔ gò zea e íatɛ gè gè kpéu.

<sup>13</sup> ɔ Yozuee zíblè Amalekiɔwa, à ní dɛdɛ ní fɛndao.

<sup>14</sup> Dii ò Mɔizie: Bee kɛ lá guu àɔ dɛ dɔngubɔ ũ, ní o Yozuee, asa má Amalekiɔ mide dúnia guu píie.‡

<sup>15</sup> Mɔizi gbagbakí bò, ɔ à tɔkpàè Diimadalapoo

<sup>16</sup> à mè: A Dii dâlapoo dɔ musu, Dii iɔ zíkai ní Amalekiɔ gɔɔpiie.

## 18

### *Yetolo gea Mɔizi gwai*

<sup>1</sup> Mɔizi ànsue Yetolo, Madiã sa'ona, yá pó Lua kè Mɔizie ní a gbé Isailiɔ mà, lá Dii ní bóle Egipi.

<sup>2</sup> A mɔ lè Mɔizi a na Sefola gbàe be yãa

\* **17:7** Bee mè léwɛa. † **17:7** Bee mè zɔakaa. ‡ **17:14** 1Sam 15.2-9

<sup>3</sup> ń a neǵõε mèn plaɔ.\* Ado tón Geesoũ,† asa Mɔizi mè bùsu pàleu la bòmɔn a ũ.

<sup>4</sup> Ado tón Eliczeε,‡ asa Mɔizi mè a mae Lua d̀balεε, à a bɔ Falaɔɔ f̀ɛnda lézĩ.

<sup>5</sup> Ǿ Yetolo f̀εε lé mó Mɔizi kíi ń aà néɔ ń aà nao gu pɔ à b̀okpàu Lua gbε saε guwaiwaiu.

<sup>6</sup> A lékpàsākè Mɔizie à m̀: Máε mó n kíi ń n nao ń n né mèn plaɔ.

<sup>7</sup> Mɔizi b̀ dà a ànsueε, à kùε à lep̀wà. Aa k̄ɔ aafia gb̀èa, ɔ aa g̀ε kp̀éu.

<sup>8</sup> Mɔizi yá pɔ Dii k̀ε Falaɔɔε ń Egipio Isailio yáĩ d̀au a siuè pii ń taasi pɔ ń lé z̀éuɔ pii ń lá Dii ń búuo.

<sup>9</sup> Yetolo pɔ k̀ena yãmaa pɔ Dii k̀ε Isailioɛwa pii ń lá à ń b̀ó Egipio ɔz̄io.

<sup>10</sup> Ǿ à m̀: Wà Dii sáaukpa, lá à á b̀ó Falaɔɔ ń Egipio ɔz̄ĩ.

<sup>11</sup> Má d̀ɔ sa ké Dii z̄ɔɔ de dii k̀iniola pii. Ké Egipio b̀ankùwá, à òloné.

<sup>12</sup> Ǿ Yetolo sa pɔ wĩ a pɔ káteu à tékũ ò Luawa ń sa p̀aleɔ ɔ. Ǿ Aalona ń Isaili gb̀εz̄ɔɔɔ pii aa mò p̀oblèaàno Lua aε.

*Yágõgõnaɔ dilεa  
(Iko 1.9-18)*

<sup>13</sup> Ké gu d̀ Mɔizi z̀òε lé yágõgõné, aa káεaaàzi za k̄ɔ e oosi.

<sup>14</sup> Ké Mɔizi ànsue yá pɔ àε kené è pii, ɔ à aà là à m̀: Bó ńε ke ń gb̀éε beeɔ màai? Bóyãĩ ńε yákpalekené ndo, gb̀épii káεanzi za k̄ɔ e oosii?

<sup>15</sup> Mɔizi wèwà à m̀: Gb̀éɔ ń m̀ ma kíi Lua lédama maie.

\* **18:3** Z̄in 7.29 † **18:3** Bee m̀ b̀òmɔ. ‡ **18:4** Bee m̀ Lua ma d̀nlede.

16 Tó aa yákele vɪ, aai mɔ ma kíi mà yápi gǫ́gǫ́né, mí Lua ikoyá pɔ a díleo oné.

17 Mɔizi ànsue òè: Yá pɔ ríle ke maao.

18 Nyɔ kpasa, gbé pɔ kunnɔɔ i kpasa lɔ, asa zipi denlae, ríyɔ fɔ ke ndoo.

19 Ma yáma sa, má ledama, Lua iɔ kunnɔ. Nyɔ dené kɔɔ ũ, nɔ́ gé n n yáɔ Lua kíi,

20 nɔ́ ikoyá pɔ Lua díleo dané, nɔ́ zé pɔ de aa se ɔɔné n yá pɔ aali keɔ.

21 Gbé laaide náaide pɔ Lua vía vɪ mé aali gbagusaesioɔ ple n guu, ní n díle gbɛɔn òaa sɔɔɔ dɔaanaɔ ũ n gbɛɔn basɔɔɔ pɔɔ n gbɛɔn blakwiɔ pɔɔ n gbɛɔn kwíɔ pɔɔ

22 aao yágǫ́gǫ́ gbépiɔne gɔɔpii. Aali mɔma n yá zɪ'ũ pɪi, áma aali yá yɔɔnaɔ gǫ́gǫ́ nɪzia. Beewa ɔ aa n aso laone.

23 Tó Dii wèine mé n kè màa, ríyɔ fuo, gbépiɔ i ta be aafia.

24 Mɔizi a ànsue yámà, a kè lá a òewa píi.

25 A gbé laaideɔ plè Isaili buiɔ guu píi, à n díle gbɛɔn òaa sɔɔɔ dɔaanaɔ ũ n gbɛɔn basɔɔɔ pɔɔ n gbɛɔn blakwiɔ pɔɔ n gbɛɔn kwíɔ pɔɔ.

26 ɔ aai yá gǫ́gǫ́né gɔɔpii. Yá zɪ'ũ ɔ aai mɔɔ Mɔiziwa, ɔ aai yá yɔɔnaɔ gǫ́gǫ́ nɪzia.

27 Mɔizi gè zè a ànsuee, ɔ à tà a bùsuu.

## 19

### *Sinai gbɛ sae*

1 Isailio bɔa Egipi mɔ àaɔde gɔɔ séia zɪ

2 aa fèle Lefidiũ. Ké aa kà Sinai guwaiwaiu, ɔ aa bòokpà we Sinai gbɛ sae.

3 Mɔizi dèdɛ gè Lua kíi gbɛpi musu, ɔ̃ Dii lɛzùààzi à mè: Yáɛ bee o Yakɔbu bui Isailiɔnɛ:

4 A è lá má kè Egipiɔnɛ, lá ma á sé ma suánɔ ma kíi, lán kúu a né sea a gǎsɪawawa.

5 Tó a ma yāmà mé á ma bàakuaánɔ yá kūa sa, áɔ dɛ ma gbé yenzidɛ ǔ\* bui píi guuɛ. Baa ké dúnia dɛ ma pó ǔ píi,

6 áɔ demɛɛ kíáɔ ní sa'onáɔ ũɛ, ma gbé pó an kua adoáɔ ũ.† Yá pó nýɔ o Isailiɔnɛn we.

7 Mɔizi pila à gbɛzɔɔ sɪsi, ɔ̃ à yá pó Dii òɛ dàu a sɪuné píi.

8 Aa wèwà píi aa mè: Yá pó Dii òwɛɛ píi, wá kɛɛ. ɔ̃ Mɔizi yá pó wa ò sèlɛ à gè sɪu Diiɛ.

9 Dii òɛ: Má mót n kíi súlɛlɛ gèelɛ guu, ké gɔɔ pó mále yá'onɛ, aa e wà ma, aaiɔ n náai ví gɔɔpii. ɔ̃ Mɔizi yá pó gbéɔ ò sèlɛ sɪu Diiɛ.

10 ɔ̃ Dii òɛ: Gé ní kíi, ní oné aa gbábɔ níziáɛ gbā ní ziaɔ, aai ní pɔkasaɔ pí,

11 aaiɔ ku sɔu guu zia bàasi, asa a gɔɔ àaɔde zí má pila mà zɛ Sinai gbɛ musu gbépii wááɛ.

12 Kɔɔ dané gbɛpi pɔlɛu e à liai píi, ní oné aa laaika, aasu dɛdɛ gbɛpiwao, an gbɛɛ su ɔkǎwà seo. Gbé pó ɔkǎwà, wà ade dɛ.

13 Wasu ɔkǎ adewao, wà aà pápa ní gbɛo ge wà aà zɔzɔ ní kao wà dɛ. Pɔtuon nò, gbɛnazinan nò, à gǎɛ. Tó aa mà wà kuupè wà a ba gǎ, aa sɔ gbɛpizi.‡

14 Mɔizi pila gbɛpiwa à mò gbépiɔ lè, a òné aa gbábɔ níziáɛ aa ní pɔkasaɔ pí.

\* 19:5 Tit 2.14 † 19:6 1Pie 2.9, Zia 1.6, 5.10 ‡ 19:13 Ebe 12.18-20

15 A èa òné: Aɔ ku sɔu guu gɔɔ àaɔde zí yá musu. Asu wúle ní nɔeoo.

16 Ké gu dò a gɔɔ àaɔdepi zí, ɔ lou lé pūna àle pílepíle, mé lou sɔsi gbɛ musu. Ké aa kuu ɔ gbāa mà, ɔ vɔa gbé pɔ kú bòouɔ kù píi, aale kpakpanaga. §

17 Mɔizi b̀̀leńno b̀̀ou, à gèńno Lua kíi, ɔ aa zè zíle gbepi saɛ.

18 Súele kùle Sinai gbɛwa ké Dii pílawà ní téo yáí. Súlepi f̀̀le lán mua súlewa, mé gbepi lé lualua píi.

19 Kuu ɔ gbāa lé káfi. Ké Mɔizi yá'ò, ɔ Lua wèwà loupūnaa guu.

20 Dii píla à zè Sinai gbɛ misonawa, à Mɔizi sɔsi, ɔ à dède gè we.

21 Dii òè: Pila ñ gbépiɔ gba laai, aasu gu baa vɔi aa mɔ ma gwaio, ké an daside su gagao yáí.

22 Baa sa'ona pɔ aai sɔmaziɔ, aa gbábɔ níziaɛ, ké másu ní dèdeɔ yáí.

23 Mɔizi ò Diie: Aa dèdeɔ, asa n wá gbá laai n mè wà kɔɔ da gbepi pɔleu, i gɔ n pɔ ũɛ.

24 ɔ Dii òè: Pila ñ Aalona se mɔð, āma sa'onaɔ ní gbé kíniɔ su gu baa vɔi wà mɔ ma kíio, ké másu ní dèdeɔ yáí.

25 ɔ Mɔizi píla gbépiɔwa, à yápi òné.

## 20

*Dii yádilea mèn kwio*

*(Iko 5.1-33)*

1 Lua yáɛ bee ò píi à mè:

2 Mámɛmaa Dii á Lua, ma á bóle zɔbleu Egipi.

3 Asu àɔ diie vɔio, ma bàasio.



<sup>4-5</sup> Asuli pɔe taa ke à kúle à zɔblè̀̀, pó pó kú musu ge tɔle ge í guun nò, asa ma Dii á Lua, mili sí sàao. Mi mae pó yemazio yā̀vāi wi an buioꝛe ní musu e à ge pé ní śwenaꝛ ní ní sōkpaewae.

<sup>6</sup> Gbɛ́ pó yemazi aa ma yādileaꝛ kūaꝛ sō, mio gbẽke v́inꝛe e ní bui léwa.\*

<sup>7</sup> Ma Dii á Lua á suli ma tó sí pāo, asa gbɛ́ pó ma tó sī pā, má tó aà bɔ pāo.

<sup>8</sup> Ali kámabogɔ̀ɔzi dō ma pó ũ.

<sup>9</sup> Ali á buazi ní á zi píio ke gɔ̀ɔ soolo,

<sup>10</sup> a soplade io déé kámabozi ũ, asa ma Dii á Lua ma póe. Asuli zie ke gɔ̀ɔpi zío, ápio ge á negõe ge á nenõe ge á zíkena gõe ge nõe ge á pɔtuo ge nibo pó kú á be.

<sup>11</sup> Asa gɔ̀ɔ soolo õ ma musu ní dúniao kè ní ísiao ní pó pó kú ní guu píi, õ ma kámabò a gɔ̀ɔ sopladepi zí. Ayāmeto ma bāaadà kámabogɔ̀ɔpiu, má ðile ma pó ũ.†

<sup>12</sup> Ali á de ní á dao kpela, ké á e gẽgẽ b̀usu pó ma Dii á Lua mále kpáwáu.‡

<sup>13</sup> Asuli gbẽdeo. §

<sup>14</sup> Asuli wúle ní gbẽpāle nõoo.\*

<sup>15</sup> Asuli kpái'oo.†

<sup>16</sup> Asuli yādɔ á gbẽdeewao.‡

<sup>17</sup> Asuli á gbẽdee ua biikéo. Asuli aà nõ biikéo ge aà zíkena gõe ge nõe ge aà zu ge aà zàa'ina ge pó pó a v̀io píi. §

\* **20:6** Nao 14.18 † **20:11** Daa 2.1-3 ‡ **20:12** Mat 15.4, Efe 6.2-3

§ **20:13** Daa 9.6 \* **20:14** Mat 5.27 † **20:15** Lom 13.9 ‡ **20:16** Mat 19.18-19 § **20:17** Lom 7.7, 13.9

18 Gbépíi loupūnaa mà ní kuu'ɔo, aa loupilɛa è ní súɛɛo dɔ gbɛ musu, ɔ vīa ní kú, aale lualua, aa zɛ káaa.

19 Aa ò Mɔizie: Yā'owēɛ nzia, wí ma. Nsu to Lua yā'owēɛo, ké wásu gagao yái.\*

20 Mɔizi òné: Asu to vīa á kūo, asa á laai gwaa yái ɔ Lua m̀i, ké à e ào a vīa vī, mé ké ásu duunakɛo yái.

21 Aa zɛ káaa, ɔ Mɔizi s̀ɛ tɛlui, gu pɔ Lua kupiu.

### *Dii gbagbakii yá*

22 Ǿ Dii ò Mɔizie: Yáɛ bee o Isailiɔnɛ: Azɪawa á mà lá ma yá'òé za musu.

23 Asu táa kɛ à naao. Asu ánuusu ge vua pi táaɔ ũo.

24 A ma gbagbakii bo ní bèɛo, íli sa'owà ní são ní zuɔ, sa pɔ wí a pɔ káɛu à tékū ní sáaukpasao. Gu pɔ má díɛɛ ào ma sisíu, má mɔ á kú, mí báaadaágu.

25 Tó áɛ ma gbagbakii bo ní gbɛo, ásu kɛ ní gbè áaoo, asa tó a gápèlɛwà, à sãakèn we.†

26 Asu ma gbagbakii bo à a dɛdɛkii kɛo, ké á puizi su bɔwàò yái.

## 21

### *Zɔɔ gwaa yá (Iko 15.12-18)*

1 Ikoyá pɔ níyɔ danɛɔn kɛ:

2 Tó gbɛ́ Ebelu lù zɔ ũ, ali zikɛè wè sooloɛ, a wè soplade i bɔ wéɛ ũ fiabosai.

3 Tó à m̀ adoe, a bɔ adoe. Tó a nɔ vīɛ, aà bɔ ní a nɔo.

4 Tó aà dii mé nɔ kpàwà mé à néo íaàno, nɔɛpi ní a néo gɔ aà diiɛ, i bɔ ado.

\* 20:19 Ebe 12.18-19 † 20:25 Yoz 8.31

<sup>5</sup> Tó zɔpi mè, á ye a diizi ní a nao ní a néɔe, á ye bɔ wéé ũo,

<sup>6</sup> àà dii i geaàno yāgōgōnao kīi, i sōaàno kpεεlei, i àà swá fǒ ní kao gāmɔ ge gāmɔ líwa, iɔ ku àà zɔ ũ e gɔɔpii.

<sup>7</sup> Tó gbé a nenɔe yīa zɔ ũ, a e bɔ lá zɔgōe ĩ bɔwao.

<sup>8</sup> Tó àà dii dilé á àà se nɔ ũe, mé nɔpi i su kèèo, àà to wà àà bo. A zεvǐ à àà yīa buipálewao, ké à bò àà yáú yái.

<sup>9</sup> Tó a kpà a néwae sō, àà àà dile a nenɔe ũ.

<sup>10</sup> Tó à nɔ pále sè, asu a káau baa bɔ blε ge pɔkasao ge kpé yáuo.

<sup>11</sup> Tó i yá mèn àaɔpiɔ kèèo, zɔpi zεvǐ à ta pǎ flabosaie.

### *Gbé kea'ia yá*

<sup>12</sup> Tó gbé gbé lè a dè, wà ade de sō.

<sup>13</sup> Tó àle wεεle à àà deoe sō, tó kai mé m̀, má ulékīi diléé, ĩli bàale ta we.

<sup>14</sup> Tó gbé ǹsepsǎsǐ kè à a gbédee dè, baa tó à bàalè gè nà ma gbagbakīizi, wà gi wà àà de.

<sup>15</sup> Tó gbé a de ge a da gbè, wà ade de.

<sup>16</sup> Tó gbé gbé sè kpái, a yīa ge a kūan ǹ, wà ade de.

<sup>17</sup> Tó gbé a de ge a da kpεb̀, wà ade de.\*

<sup>18</sup> Tó wàle sòleke, mé gbé a gbēdo lè ní gbεo ge ɔkū, mé i gao, tó a ku dēadēa,

<sup>19</sup> à f̀ f̀le lé bɔ bàasi ní lío, gbé p̀ à àà lè a bɔ gosaie, i àà zǐ p̀ i e kèo flaboè ní ese p̀ wa kèèo.

\* 21:17 Mat 15.4

20 Tó gbé a zɔgɔ̃e ge nɔe lè ní goo, mé à gà gòò, wa ade wɛtá.

21 Tó zɔpi gɔɔ do ge gɔɔ pla lè s̃, wasu aà diipi wɛtá, asa aà ɔ̃ae.

22 Tó gɔ̃e lé d̃ɛka mé aa kpà nɔsindeea, tó à nɔbòle mé aà gue i ke'iao, lá nɔepi z̃á dànɛ, aa a fiabo màae, tó yāgɔ̃gɔ̃nao wèi.

23 Tó ía pále su ku a guue s̃, wa ga fiabo ní gao,

24 wé ní wéó, swaa ní swaao,† ɔ ní ɔ, gbá ní gbáo,

25 tɛbɔ ní tɛbɔ, ía ní íao, bɔ ní bɔ.

26 Tó gbé a zɔgɔ̃e ge nɔe lè, aà wé wí, aà aà gbae aà wé fiabo ũ.

27 Tó aà swaae s̃, aà aà gbae aà swaa fiabo ũ.

### *Pɔtuɔyá*

28 Tó zu gɔ̃e ge nɔe z̃ò a dè, wà zupi pápa ní gbɛo wà dɛ, aà dii i bɔyāu. Wasu zupi nòò soo.

29 Tó zupi pásí za káauɛ s̃, mé wa ò a diie, tó i dɔo, ɔ à gbé z̃ò a dè, wà zupi pápa ní gbɛo wà dɛ, wi a dii dɛ lɔ.

30 Tó wà ɔa dà a diie aà wēni fiabo yáí, lá wa òè píi a boɛ.

31 Tó zupi né dè, yá doũɛ.

32 Tó zupi zɔgɔ̃e ge nɔe dè, zu dii a ánuɔu ɔwatē baakwi kpa zɔ diiwaɛ, wi zupi pápa ní gbɛo wà dɛ.

33 Tó gbé pó wè a lòòle, ge tó à lòò yò, i pó taɛo, ɔ zu ge zàa'ina zù a guu,

34 lòòde fiabo pó diie ní ɔao, pɔgepi i gɔ̃è.

35 Tó gbé zu gbēpále pó z̃ò a dè, aà a b̃ɛɛ yía, aai a ɔa kpaale, aai a ge kpaale màa lɔ.

† 21:24 Mat 5.38

36 Tó zù dii dǔ za káau ké a pǎsi mé i dɔo, a zu fiabo ní zuoε, a ge i gǔè.

### *Aizεε yá*

37 Tó gbé zu ge sǎ kpáí'ò, mé a dè ge a yí, a zu fiabo ní zuo mèn sɔoε, i sǎ fiabo ní sǎo mèn sííǔ.

## 22

1 Tó kpáí kpé gbòo, mé gbēe aà kù à aà lè a dè, tó gwáε ade tàae vío,

2 tó ní íatǔwεoε sǔ, bee mé tàae ví.

Kpáí a fiaboε. Tó a pɔe ví sǔo, wà aà yí a zɔ ũ pó pó à a kpáí'ò yáí.

3 Tó wà zu ge zàa'ina ge sǎ pó à a kpáí'ò è aà ɔzǐ bée, a a fiabo mèn plaε.

4 Tó gbé lé pɔɔ dǎ bua ge vǔεbu guu, mé a tò a pɔɔ gbēpǎle bua pɔblè, ade a fiabo ní a bua ge a vǔεbu pɔmaaε.

5 Tó wà tεsò sēwa, mé à gè dà gbēpǎle bugbeu ge pɔgba, mé aà pɔɔ tekù, tekpana a fiaboε.

6 Tó gbé ɔa ge àizεε kpà a gbédeewa ulɛi, mé wa sè aà kpéu kpáí, tó wà kpáipi kù, a pó pó à a kpáí'ò fiabo lεε plaε.

7 Tó wi e aà kùo, kpεde ge yákpalekenao le, aai gwa tó ɔme pó pó wa kpàwa ulɛipi sè.

8 Tó lεkpaa gè gbéɔ zǎnguɔ zu ge zàa'ina ge sǎ ge pɔkasa yá musu ge pɔe mé vùaa ɔ gbēe è à mè a póε, gbēɔn plapɔ ge yákpalekenao kíi. Gbé pó yákpalekenao mè aà yá nao a fiabo a gbédeε lεε plaε.

9 Tó gbé zàa'ina ge zu ge sã ge pɔpãle kpà a gbédeewa gwai, tó à gà ge a gue kè'ia ge wa kù gbèe i eo,

10 an gbẽɔn pla mípii aa ka Diiwa, gbé pɔ wà pɔ kpàwàpi i me i ɔkãwàò. Pɔ dii ze ní a kaaò, gbé pɔ à pɔ kpàwàpi sɔ a fiaboo.

11 Tó wa kùwà kpáie sɔ, a fiabo pɔ diiee.

12 Tó wàì mé dè, a a seela ɔlɔè, a pɔ pɔ wàì kùpi fiaboo.

13 Tó gbé pɔtuo sè a gbédeewa mé a gue kè'ia a dii kpe ge pɔpi gàn nò, a a fiaboe.

14 Tó pɔ dii wáae sɔ, a a fiaboo. Tó wa sèwà wà fiabòèe sɔ, ɔa pɔ wa sèowà bee a mó.

### *Kua n kɔyá*

15 Tó gbé pɔyè wéndia pɔ wi kpásã yãaoe, a nɔpi weele'ɔa kpaε, i aà se nɔ ũ.

16 Tó né mae gi fiafia aà zãkeaànɔ, gɔpi a gi nɔweele'ɔa kpá lá wí kpawae.

17 Asu to nɔe pɔdamade àɔ kuo.

18 Tó gbé pɔtuo dàakpà, wà ade de.

19 Sa'oa Diiwa ado bàasio, gbé pɔ sa'ò dii pãlewa, wà ade tòlɔzɔ.

20 Asu bòmɔ wetãò, ásu gbãamɔèò, asa bòmɔɔn á ũ yãa Egipi.

21 Asu gyaa ge tone wetãò.

22 Tó a aà wetã mé à wiilèa, má yásiaànɔe.

23 Ma pɔ i fεε, mí á dede zɪ guu, á naɔ i gɔ gyaaɔ ũ, á néɔ i gɔ desai sɔ.

24 Tó a ɔa sèa ma gbé taaside pɔ kúánɔe, ásu ɔ'idiaè lán ɔ'idianɛdewao.

<sup>25</sup> Tó n n gbédee zwāa t̀̀omasì, kpawà e ìatē àò gē kpéu,

<sup>26</sup> asa àà wúlɛ̀̀bɔ̀̀ m̀̀ndona p̀̀ó ì fífiwan we. B́ó a wúlɛ̀̀dì? Tó à wiilà, má yásiaànɔ̀̀ɛ, asa sósobiden ma ũ.

<sup>27</sup> Asu Lua t̀̀b̀̀ɛ̀̀sio. Asu á b̀̀usu gbāade kao.\*

<sup>28</sup> Asu à á bua ge á lu p̀̀ó káau p̀̀ó i ma gba g̀̀ɔ̀̀ gágao. Ali á nɛg̀̀ɛ̀̀ ś́iaɔ̀̀ kpaá.

<sup>29</sup> Ali á zu ge á sã nɛsana ś́iaɔ̀̀ kpaá. Ali kɛ a dawa g̀̀ɔ̀̀ soplaɛ, a swaaɔ̀̀de ìli kpáa.

<sup>30</sup> Aɔ̀̀ de ma gbé p̀̀ó an kua ñdoɔ̀̀ ũ. Asuli ǹ̀ɔ̀̀ p̀̀ó wàì dè soo. Ali kpá gbēɔ̀̀wa.

## 23

### *Yákea a zéwa*

<sup>1</sup> Asuli wàpe baokpao. Asuli ze ñ gbēvãio ɛge seelade ũo.

<sup>2</sup> Asuli té bílazi yãvãikɛa musuo. Asuli ze ñ bílao yákpale guu à b̀̀ɔ̀̀ yázede kpeo.

<sup>3</sup> Tó taaside yá nao, ásuli zɛaànɔ̀̀o.

<sup>4</sup> Tó n ibɛɛ zu ge aà zàa'ina sàsã, mé n kpaaũ̀̀, kũ ñ suoè bɛ.

<sup>5</sup> Tó n n zangude zàa'ina è, àle fu asowa, dɔ̀̀aàle, ñsu to weo.

<sup>6</sup> Tó taaside yá na, ásuli b̀̀ɔ̀̀ aà kpeo.

<sup>7</sup> A kē m̀̀ɔ̀̀afiliwa zã. Asuli tàaesaide ge gbēmaa deo, asa má tó tàae de b̀̀ɔ̀̀ pão.

<sup>8</sup> Asuli gbagusaɛsio, asa gbagusaɛ ì to wɛdeɔ̀̀ v̀̀akũɛ, mé ì gbēmaaɔ̀̀ yá fuangba.

<sup>9</sup> Asuli b̀̀m̀̀ɔ̀̀ wɛtão. Á b̀̀m̀̀ɔ̀̀ke d̃̀̀, asa b̀̀m̀̀ɔ̀̀n á ũ yãa Egipi.

---

\* 22:27 Zln 23.5

10 Alio pótõ á bua, ñliò kεkε e wè soolo,

11 a wè soplade í tó tɔɔle kámabo à íampa, á taasideɔ i a zã pó b̀̀le weɔ k̄nwe, s̀̀anɔbɔɔ i a k̄ini só. A yá doupi ke ní á v̄εbuo ní á kù kpéo.

12 Alio z̄ike e gɔɔ soolo, a soplade z̄í ñli kámabo, ké á zuɔ ní á zàa'inaɔ e kámabo, mé á zɔɔ ní b̀̀mɔɔ e íampa.

13 Aɔ yá pó má ðéɔ k̄ua píi. Asuli dii p̄aleɔ sísiɔ. Wasuli ní tó ma á léu seo.

*Lousisidikpe mèn àaõ*

(Bɔa 34.18-26, Iko 16.1-7)

14 Wè ní w̄eɔ àli ḿ lousisidikpe lεε àaõ keimεε.

15 Alio Kàaso dikpeke lá má dàéwa, ñliò k̄aa so e gɔɔ soplama ṕ w̄i me Abibu guu a gɔɔwa, asa m̄opi guu ñ a b̀̀le Egipi. Gb̄εe suli ḿ ma k̄ii ɔgiio.

16 Alio P̄okeke dikpeke gɔɔ ṕ a na p̄okekεawa, ñliò á buapó k̄aaɔ kpaa. Alio P̄ok̄aaa dikpeke wè láaawa gɔɔ ṕ a á buapóɔ k̄aaa píi.

17 Wè ní w̄eɔ ḡen àaõ á ḡεe píi lí ḿ dikpekei mapi ma Dii á Luaε.

18 Asuli p̄sεa kpaa s̄anu ní á sa'obɔ auoo. Asuli dikpe sa'obɔ nísi ðile gu ðɔwào.

19 Ali gé Dii á Lua kp̄eu ní á buapó k̄aaɔ. Asuli blenε ǹ̀ɔ kuu ní a da ȳó'ioo.

*Dii lεgb̄εa Kanaa b̄usu yá musu*

20 Má Malaika z̄í aà ðaaé, iò á ð̄sa z̄éu, i géánɔ gu ṕ má k̄εku.

21 A laaidɔ aà yáwa, íɔ aà ȳama. Asu bɔ aà kp̄eo, asa a s̄uukεánɔ á tàae yá musuo, ké ma tó kuwà yái.



22 Tó a àà yāmà mé a yá pɔ́ má òé kè pfi, máo de á ibeɛɔ ibeɛ ũe, á wèlɛɔ wèlɛ ũ.

23 Ma malaikapi a dɔaaé, i ge zεé bɔsu pɔ́ Amɔlɛɔ kuu ní Itiɔ́ ní Pɛliziɔ́ ní Kanaaɔ́ ní Iviɔ́ ní Yebusiɔ́, mí ní midéé.

24 Asu kúle ní diiɔneɔ, ásu zɔblenéo, ásu ní kea keo. A ní gboo, í ní gbèpɛlɛɔ wíwi.

25 A zɔble Dii á Luaε, i báaadaé á bleu ní á imiao, i gyāɔ kɛ́wá.

26 Nɔɛɔ nɔɔlɛ á bɔsuuo, mé fii aɔ kuuo. Má á wēni dɔé ní mɔgalaoe.

27 Má viadada gbé pɔ́ kú á aɛɔzi, mí tó gili gē bui pɔ́ a ka ní kíiɔgu, mí tó á ibeɛɔ kpɛkpaé.

28 Má beɔɔ gbaε á aε, aa ka Iviɔ́ ní Kanaaɔ́ ní Itiɔgu, aai ní yáé.

29 I ke má ní yáé wè do guu gɔ́ɔ no, ké bɔsupi su gɔ́ lákpe ũ, sɛanɔɔɔ liálao yáí.

30 Máɔ ní yáé busebuseε e à ge dasikū à ka bɔsu kūa.

31 Má á bɔsu lé daé za Isia Tɛ́a léu e Filitɛ́ɔ Isia léu, za guwaiwai léu e Uflata léu. Má bɔsupideɔ naé á ɔ́lɛ, í ní yá.

32 A lé su àɔ kú ní yáú ge ní diiɔ yáúo.

33 Asu to aaɔ kú á bɔsuuo, ké aasu to à duu-nakemεεɔ yáí, asa tó a zɔblè ní diiɔne, a mɔkpà áziaεε.

## 24

### *Lua bàa kua ní Isailiɔ́ sa'oa*

<sup>1</sup> Dii ò Mɔzizie: Mpi ní Aalonao ní Nadabuo ní Abiuo ní Isaili gbɛ́zɔ́ gbɛ́ɔn bàaɔ́kwiɔ́, à de de gbɛ́wa à mɔ ma kíi, í kúlemεε za kākāa.

<sup>2</sup> Ní sōmazi ndo, aasu sōmazio, mé bíla su dɛdɛnnɔ gbɛpiwao.

<sup>3</sup> Mɔizi gè yá pɔ Dii ò dàu a siuné p̄ii ní ikoyã p̄ii. Aa wè sãnusãnu nípii aa m̀è: Yá pɔ Dii ò p̄ii, wá kɛɛ.

<sup>4</sup> Ǿ Mɔizi yá pɔ Dii òpio k̀è lá guu p̄ii.

A f̀ɛɛ kɔɔkɔɔ, à aà gbagbak̄ii b̀ò gbɛpɔɛu, ɔ à gbɛp̀ɛɛpɛɛ m̀èn kuɛpla Isaili bui kuɛpla pɔ ũ.

<sup>5</sup> A Isaili èwaasɔ z̄i ní zuswana, ɔ aa sa pɔ w̄i a pɔ káɛu à tékū òò Diiwa ní sáaukpasao.

<sup>6</sup> Ǿ Mɔizi zupio au sí a kpaalè ɛɛ pla. A a ɛɛ do ðile ní tao, à a ɛɛ do èɛ sa'ok̄iwa.

<sup>7</sup> Ǿ à Dii bàakuaánɔ lá s̀è à a kyok̀èné. Aa m̀è: Yá pɔ Dii ò p̄ii, wá kɛɛ, wá misiɛɛɛ.

<sup>8</sup> Ǿ à aupi s̀è a f̀ámá à m̀è: Dii bàakuaánɔ aun we yãðilɛáɛɛ beɔ musu p̄ii.\*

<sup>9</sup> Mɔizi ní Aalonao ní Nadabuo ní Abiuo ní Isaili gbẽz̄ɔ gb̄ɛɔn bàaɔkwio ðèðɛ gè Lua kíi.

<sup>10</sup> Aa ní Isailio Lua è. Safii gb̀è gusalala káɛ aà gbá z̄iɛ, a í ðɛ búunnɔ wásawasa lán luabebuunawa.†

<sup>11</sup> Lua i yãɛ kɛ Isaili gbãadepionɛo. Aa wɛs̄iãàɛ, ɔ aa p̀oblè aa im̄i.

### *Mɔizi kua Sinai gbɛ musu*

<sup>12</sup> Dii ò Mɔiziiɛ: Dɛðɛ gbɛwa n̄ m̄o ma kíi, níɔ ku we. Má gb̀è p̀ɛɛ pɔ ma ikoyã pɔ má ðile k̀émáɔ kpama, k̀é n̄ e dané.

<sup>13</sup> Ǿ à f̀ɛɛ ní a zɔbãna Yozueeo, aalɛ gé ðɛðɛi Lua gbɛwa.

---

\* **24:8** Mat 26.28, 1Kln 11.25, ɛbɛ 9.19-20, 10.29 † **24:10** Eze 1.26, Zia 4.2-3

14 Ǿ Mɔizi ò gbẽzɔɔɔnɛ: Aɔ wá dá la, wá ɛa suwá. Aalona n̄ Huluo aao kúánɔɛ. Tó gb̄ɛe yáe ví, aà gèò n̄ kíi.

15 Ǿ Mɔizi dèdɛ gbɛpiwa. Súɛɛ daa a misonaa,

16 ̄ Dii gawi p̄ila Sinai gbɛpiwa. Súɛɛpi daa màa e gɔɔ soolo, a gɔɔ soplade ̄ Dii ɛɛzù Mɔizizi za súɛɛpi guu.

17 Isailio Dii gawi è lán té p̄ásiwa gbɛpi misonaa.

18 Ǿ Mɔizi ḡè súɛɛpi guu, à ɛa dèdɛ gbɛpiwa. A ku we e gɔɔ bla fáanɛ n̄ gw̄áasinao.

## 25

### *Gbadaa zwàakpɛdɔa yá musu*

*(Bɔa 35.4-9)*

1 Dii yá'ò Mɔizie à mè:

2 O Isailionɛ aa gbadamɛɛ, ní sí gb̄é pó wèi à damɛɛ n̄ n̄ɛmendoɔɔwa.

3 Pó pó n̄ȳɔ s̄ímá gba ũɔn ke: Vua, ánsusu, mɔgotɛ,

4 babuuna, bà gaalulade, w̄ɔɔt̄ɛna, zw̄aa, blek̄a,

5 s̄ása báa pó wa k̄èke t̄éɛɛɔ, ayo báaɔ, ɛpusiali,

6 filia n̄isi, pó ginana pó w̄i n̄isi pó w̄i pó dilɛò à ḡɔ ma pó ũ n̄ tulaletio k̄èò,

7 onisi n̄ gb̄è b̄ɛɛɛde p̄áɛ pó wa z̄ik̄èò sa'o'ula n̄ aà b̄òɔloonnɔɔɔwaɔ.

8 Aa k̄pɛdɔmɛɛ, míɔ kúrino.

9 A zwàakpɛpi n̄ a p̄okeleɔ ke píi, lá má a taa ɔɔnɛwa.

### *Kpagolo yá*

*(Bɔa 37.1-9)*

10 Kpagolo ke n̄ ɛpusialio. A gb̄aa io ḡàs̄isuu pla n̄ kíniɔ, a yàasa io ḡàs̄isuu do n̄ kíniɔ, a ɛs̄i s̄ɔ ḡàs̄isuu do n̄ kíniɔ.

11 Vua tɛɛtɛɛ kúlɛwà a guu ní a kpɛo píi, ní zāble a léwa ní vuao ñ liai.

12 Vua zā pi mèn síiɔ kpagolo pɔ ũ, ní pépe a gbá mèn síiɔwa, kpɛla ní kpɛleo.

13 N a sɛliɔ ke ní lepusialio, ní vua kúle lípiɔwa.

14 Ní lipɔɔpiɔ sɔlsɔlsɔ zā pɔ pépe kpagolo saaloɔwau, aaiɔ de kpagolopi sɛliɔ ũ.

15 Lipɔɔpiɔ iɔ sɔlsɔlsɔba kpagolopi zāɔu, wasuli lípiɔ bɔle zāpiɔuo.

16 Ikoyā gbè pèpɛɛ pɔ má kpamaɔ ka kpagolopi guu.

17 N a netaɛ ke ní vua tɛɛtɛɛo duunkɛmakli\* ũ, a gbàa iɔ gàsɪsɪuu pla ní kɪniɔ, a yàasa iɔ gàsɪsɪuu do ní kɪniɔ.

18 Malaika gàsɪadeɔ pi mèn pla ní vua pɔ wa gbègbè maannɔo a netaɛpi pɔ ũ

19 ado léla, ado léle. N a netaɛpi pí ní malaikapiɔ aɔ zɛawà gɔɔ kpɛla ní kpɛleo.

20 An gàsɪaɔ iɔ pooa musu a netaɛpia. Malaikapiɔ aɛ iɔ dɔakɔwa, an wé iɔ pɛa netaɛpiwa.

21 Ikoyā gbè pèpɛɛ pɔ má kpamaɔ ka kpagolopiu, ní a népi taɛ.

22 A netaɛpi musu ɔ máli kpaauñnɔo malaika mèn pla pɔ aa zɛa ikoyā kpagolopiwaɔ zānguɔ. We ɔ máli yá pɔ má dile Isailiɔne kpauma.

*Táabūnu yá*  
(Bɔa 37.10-16)

23 Táabūnu ke ní lepusialio, a gbàa iɔ gàsɪsɪuu pla, a yàasa iɔ gàsɪsɪuu do, a lɛsí sɔ gàsɪsɪuu do ní kɪniɔ.

24 Vua tɛɛtɛɛ kúlɛwà, ní zāble a léwa ní vuao ñ liai.

---

\* 25:17 ɛbɛ 9.5

25 Lipɛɛɛ dai n̄ liai, a les̄i iɔ ɔt̄ã do, ní zãble a léwa n̄ vuao n̄ liai.

26 Vua zã pi mèn síiɔ táabũnupi pɔ ũ, ní pɛɛɛ a gola mèn síiɔwa a gbáɛk̄ii.

27 Zãpiɔ iɔ pɛɛɛ lipɛɛɛpi z̄ile lipɔɔɔ pɔ w̄ali táabũnupi sɛɔɔ ũ.

28 Lɛpusiali ɔ n̄yɔ̄ ã lipɔɔɔpiɔ ũ, ní vua kúle lípiɔwa búlubulu, iɔ de táabũnupi séliɔ ũ.

29 Tapɛlentiɔ n̄ toonaɔ pí n̄ vua t̄ɛt̄ɛɛo táabũnupi pɔɔ ũ n̄ loɔ n̄ imibɔ pɔ w̄ali v̄ɛ kauɔ.

30 N̄ili p̄ɛɛ† pɔ w̄ali kpáaɔ kále táabũnupiwa, iɔ kálea ma aɛ we gɔɔpii.

### *Dauyá*

(Bɔa 37.17-24)

31 Dau pí n̄ vua t̄ɛt̄ɛɛo, ní a gbá n̄ a lidaɔ n̄ a vú piaaɔ n̄ a beɔ gb̄ɛgb̄ɛ maannaɔ vua doũpi ũ.

32 N̄i daupi ḡɔna ke soolo, kpɛla àaɔ, kpɛle àaɔ.

33 A ḡɔnapi iɔ vúɔ v̄i mèn àaɔ'aaɔ zoolozoolonnaɔ lán kánavuwa n̄ a beɔ. M̄aa dau ḡɔna mèn soolopiɔ aaɔ de píi.

34 Daupi lida iɔ vúpiɔ v̄i lɔ mèn síiɔ baade n̄ a beɔ.

35 Kɔɛk̄ii m̄endo iɔ ku dau lidawa ḡɔna mèn plaɔ p̄k̄ii. A plaade iɔ ku ḡɔna mèn pla páleɔ p̄k̄ii, a àaɔde iɔ ku ḡɔna mèn pla páleɔ p̄k̄ii lɔ. M̄aa daupi lida ḡɔna mèn soolopiɔ aaɔ de.

36 Wa daupi lida pí n̄ vua t̄ɛt̄ɛɛoɛ n̄ a kɔɛɛk̄iiɔ n̄ a ḡɔnapiɔ ḡɔɔ.

37 N̄ a filiaɔ ke mèn sopla n̄ didi a musu, ké aaɔ gupu aɛ.

38 Filiadebɔɔ n̄ a t̄ésibɔɔ iɔ de vua t̄ɛt̄ɛɛ ũ.

---

† 25:30 Lev 24.5-8

<sup>39</sup> Ní daupi ní a pɔkelepɔ ke píi ní vua kiloo baakwi ní siiṣoo.

<sup>40</sup> Kε ní laaio lá mále a taa kεε gbε musu lawa.‡

## 26

### *Zwàakpedɔayá* (Bɔa 36.8-38)

<sup>1</sup> Zwàakpe zwāa ke ní póle pɔ wa tã ní bataεao, wà g̃ɔinakèwà ní malaika g̃àsɩadeɔ ní babuunao ní bà g̃aaluladeo ní w̃ɔt̃ɛnao le kwi.

<sup>2</sup> Pólepiɔ gbàa iɔ g̃àsɩsuu baakwi plasai, a yàasa s̃ɔ g̃àsɩsuu síiṣ. Pólepiɔ z̃ɔ aɔ sáa màa píie,

<sup>3</sup> wi pólepiɔ nami le s̃ɔsɔo.

<sup>4</sup> Babuuna letánke ñ dɔdɔ zwāapiɔ lé gbεzãɔwa

<sup>5</sup> mèn blakwikwi, bapiɔ iɔ bɔaa ní k̃ɔ píi.

<sup>6</sup> Mɔkoolonaɔ pí ní vuaɔ mèn blakwi, ní bapi kákau lá a bɔaabɔaa ní k̃ɔɔwa, ní zwàakpe zwāapi daok̃i.

<sup>7</sup> Blekã póle tá le kuεdo, w̃li kú zwàakpepia.

<sup>8</sup> Póle mendo gbàa iɔ g̃àsɩsuu baakwi, a yàasa s̃ɔ g̃àsɩsuu síiṣ. Póle le kuεdopiɔ z̃ɔ aɔ sáa màa píi.

<sup>9</sup> N a le s̃ɔɔɔ nami adoa, ní a le soolo pɔ g̃ɔ nami adoa ɔ. Póle le soolode kpaaũ póle le pla léu kpépi lé pɔ ũ.

<sup>10</sup> Bà letánke ñ dɔdɔ zwāapiɔ lé gbεzãɔwa blakwikwi.

<sup>11</sup> Mɔkoolonaɔ pí ní mɔgot̃ɛo mèn blakwi, ní bapi kákau, zwàakpe zwāapi i dak̃i.

<sup>12</sup> Zwāapi gbàa pɔ a de kpépia i ka zwāapi mendo guo, iɔ b̃aεa kpé kpe.

‡ 25:40 Zin 7.44, Ebe 8.5

13 Zwãapi yàasa pɔ a de kpɛpi zwãa káaua kpela ní kpɛleo gàsísuu dodo, io bãea màa.

14 Sãsa baa pɔ wa kèke téeso dadakɔi, wili kú zwãakpɛpia, ní ayo baaɔ dadakɔi, wili kua lo.

15 Lɛpusiali á pèpɛpɛpɛpɛ zwãakpɛ lipɛleo ũ.

16 Lípio gbàa io gàsísuu kwikwi, a yàasa sɔ gàsísuu dodo ní kɛnio.

17 Lipɛpɛpɛpio swá bo ñ kpaaf mèn plapla. Zwãakpɛ lípio ke màa píi.

18 Lipɛpɛleo ke màa mèn bao zwãakpɛ geomidokii oi pɔ ũ,

19 ní a zebɔɔ pí ní ánusuo mèn bla, wili lí mèn baopio pépɛu, lí mendo io zebɔ ví pla a swáɔ gɛkii ũ.

20 Lipɛpɛleo ke màa lo mèn bao zwãakpɛ gugbãntoo oi pɔ ũ,

21 ní a zebɔɔ pí ní ánusuo mèn bla, wili dile mèn plapla wà lí mendo swá pépɛu.

22 Lí pèpɛe ke màa mèn soolo zwãakpɛ be'ae oi pɔ ũ.

23 Lí pèpɛe ke màa lo mèn pla zwãakpɛ be'ae oipi golaɔ pɔ ũ.

24 Gola lí mèn plapio paa ñ nakɔwa za zíle e musu, zã mendo aɔ ví.

25 Zwãakpɛpi aɔ lipɛpɛleo ví màa mèn swaaɔe ní ánosu zebɔɔ mèn gɛo ní mendo, lí píi ní a zebɔɔ mèn plapla.

26 Lɛpusiali á pòɔpòɔ mèn soo zwãakpɛ kpe do lipɛpɛleo yebɔ ũ,

27 ní á lɔ mèn sɔo kpe do lipɛɛɛɔ pɔ ũ. Lipɔɔɔ pãle ã lɔ mèn sɔo zwãakpe be'ae oi lipɛɛɛɔ yebɔ ũ.

28 Lipɔɔɔ pɔ aɔ ku guo a pã lipɛɛɛɔla guoguoɛ, bɔa a léla e a léle.

29 Vua kúle lipɛɛɛɔpiɔwa, ní n zã pí n vuo a lipɔɔɔpiɔ solɔkíi ũ. Vua kúle lipɔɔɔpiɔwa lɔ.

30 Zwãakpepi dɔ lá ma a taa òlɔne gbɛ musuwa.

31 Zwãatã ò péle suuna ũ, ní gɔ́inakewà lán malaika gãsiadeɔwa n babuunao n bà gàaluladeo n wɔɔtɛnao n bataɛao.

32 Lepusiali á a lipɛɛɔ ũ, ní vua kúlewà píi, ní lípiɔ pépɛ a zebɔ pɔ wa pí n ánusuo mèn síiɔ guu. Zwãapi dɔ lipɛɛ mèn síiɔpiɔ kúɔ pɔ wa pí n vuoɔwa.

33 Zwãapi mɔkoolonaɔ ka lipɛɛ kálopiɔ. Ikoyã kpagolo dile suunapi kpe. Suunapi i zwãakpepi biile lee pla, kpeɛɛ n luakukíio.\*

34 Ikoyã kpagolo pɔ kú luakukíi né taɛ,

35 ní táabũnu dile suunapi saɛ kpeɛɛ oi zwãakpe gugbãntoo oi, ní dau dile ò a aɛ dɔ táabũnupiwa zwãakpe gɛɔmidɔkíi oi.

36 Zwãatã kpépi lé pɔ ũ, ní gɔ́inakewà n babuunao n bà gàaluladeo n wɔɔtɛnao n bataɛao.

37 Lepusiali á zwãapi lipɛɛ ũ mèn sɔo, ní vua lewà píi, ní a káloɔ pí n vuo, ní a zebɔɔ pí n mɔgotɛo mèn sɔo.

## 27

*Sa'okti yá*  
(Bɔa 38.1-7)

\* 26:33 ɛbe 6.19, 9.3-5



<sup>1</sup> Sa'okii ke ní lepusialio, a gbàa iò gàsísuu sɔo, a yàasa iò gàsísuu sɔo lɔ. A gbàa ní a yàasao iò sáa, a lesí sɔ gàsísuu àaɔ.

<sup>2</sup> Sa'okliipi ke ní a kóbaɔ gɔ̀ɔ mèn síiɔ gola ní golao, ní mɔgotē kúle sa'okliipiwa.

<sup>3</sup> Sa'okliipi pɔkeleɔ ke ní mɔgotēo, a oo táfukabɔɔ ní a péluɔ ní a au'elebɔɔ ní a saao ní a tésibɔɔ píi.

<sup>4</sup> Mɔyāayāana pí sa'okliipi pɔ ũ ní mɔgotēo. Mɔgotē zā pi mèn síiɔ, ní dɔdɔ mɔyāayāanapi golaɔwa.

<sup>5</sup> Mɔyāayāanapi sɔlɔ sa'okii zíe, ní felèd musu e à ka sa'okliipi guo.

<sup>6</sup> Lepusiali á pɔ̀pɔ̀ sa'okliipi pɔ ũ, ní kpá ní mɔgotēo.

<sup>7</sup> Lipɔ̀pɔ̀piɔ sɔlɔsɔlɔ zāpiɔu sa'okii kpela ní kpéleo a seɔ ũ.

<sup>8</sup> Sa'okliipi ke ní lipereɛɔ, iò e ví, lá má òlɔne gbe musuwa.

### *Zwàakpe kaa yá* (Bɔa 38.9-20)

<sup>9</sup> Kaa da zwàakpei, a geɔmidɔkii oi iò gàsísuu basɔo, iò zwāa pɔ wa tà ní bataeao ví

<sup>10</sup> ní lipelɛo mèn bao. Ní a zebɔɔ pí ní mɔgotēo mèn bao, ní lipelɛ káloɔ ní mɔ̀pɔ̀ɔ pí ní ánusuo.

<sup>11</sup> A gugbántoo oi zwāa gbàa iò gàsísuu basɔo màa lɔ ní lipelɛo mèn bao ní a zebɔ pɔ wa pí ní mɔgotēoo mèn bao, ní lipelɛ káloɔ ní mɔ̀pɔ̀ɔ pí ní ánusuo.

<sup>12</sup> Naa be'ae oi kaa yàasa iò gàsísuu blakwi ní zwāao ní a lipelɛo mèn kwi ní a zebɔo mèn kwi.

<sup>13</sup> Naa gukpe oi kaa yàasa iò gàsísuu blakwi.

14 Zwàa gàsísuu gẽo iɔ ku kaa lé ɔplaaí n̄ a lipelɛo mèn àaõ n̄ a zɛbɔo mèn àaõ.

15 Zwàa gàsísuu gẽo iɔ ku ɔzɛɛi lɔ n̄ a lipelɛo mèn àaõ n̄ a zɛbɔo mèn àaõ.

16 Kaapi lé zwāa iɔ gàsísuu bao n̄ a lipelɛo mèn síiõ n̄ a zɛbɔo mèn síiõ. A zwāapi iɔ de póle pɔ wa tà n̄ bataɛao wà gõinakèwà n̄ babuunao n̄ bà gaaaluladeo n̄ wɔɔtɛnao ũ.

17 Kaa lipelɛ pɔ liaiɔ iɔ mɔpɔɔo n̄ kálo pɔ wa p̄i n̄ ánuɔuoɔ v̄i n̄ a zɛbɔ pɔ wa p̄i n̄ mɔgotɛoɔ.

18 Kaapi gbāa iɔ gàsísuu basɔo, a yàasa gàsísuu blakwi, a lesí s̄õ gàsísuu sɔo. A zwāaɔ iɔ de póle pɔ wa tà n̄ bataɛao ũ, iɔ zɛbɔ pɔ wa p̄i n̄ mɔgotɛo v̄i.

19 Zwàakpɛ pɔkele pɔ wàli a zíkɛoɔ píi, baa a kũbɔo n̄ a kaa kũbɔo, wa pí n̄ mɔgotɛo píiɛ.

### *Filianaa yá* (Lev 24.1-4)

20 O Isailiɔne aali mɔne n̄ n̄isi íwao dau pɔ ũ, ké a filiaɔ lí e aao gupu.

21 Aalona n̄ a nɛgɔɛo lío filiapiɔ keke kpaaũkpɛpiu zwāa pɔ kpaa ikoyā kpagoloi kpɛɛɛ oi, ìliɔ naa ma aɛ we za oosi e gu gɛ lí dɔɔ. Yápi iɔ de Isailiɔne yádilea láasai ũ e an buiwa.

## 28

### *Sa'on pɔkasa* (Bɔa 39.1-31)

1 Isailiɔ guu n̄ n̄ v̄i Aalona n̄ a nɛgɔɛo Nadabu n̄ Abiuo n̄ Eleazaao n̄ Itamaao sísi, aaliɔ ma gbagba.

2 Pɔkasa pɔ n̄ v̄i Aalona ali s̄õmazíkɛè, iɔ gawi v̄i n̄ bɛɛɛo.

3 O gɔide pɔ ma n gbá ðnɔɔne píi, aa pɔkasapiɔ ke Aalonaɛ, wí aà dilɛ adoa aà ma gbagba.

4 Pɔkasa pɔ aa keɛpiɔn ke: Bòloonnɔɛ, sa'o'ula, ulatao, ulatao pɔ wà ba kèwà, tulu, asana. Aa pɔkasapiɔ ke n v̄i Aalonaɛ n a neḡḡeɔ, ké aali e s̄omazi ma gbagbai.

5 Aa pɔkasapiɔ ke n vuao n babuunao n bà gàaluladeo n w̄ɔt̄ɛnao n bàabaaɔ.

6 Aa sa'o'ulapi z̄ɔ n póle pɔ wa tà n bataɛao, wà ḡinakèwà n vuao n babuunao n bà gàaluladeo n w̄ɔt̄ɛnao.

7 Danziipi iɔ de bakangãu ũ.

8 Aai asana tã n sa'o'ula póle doupio, ké aali dɔ sa'o'ulapia.

9 Onisi gbɛ se mèn pla, ní Isaili buiɔ tó ké gbɛpiɔwa

10 lá an ia tété k̄ɔ kpɛwa. Tó mèn soolo iɔ ku gbè mèndowa, a soolo pɔ ḡɔ iɔ ku a plaadewa.

11 Isaili buiɔ tó ké gbɛpiɔwa, lá p̄enk̄ena ï w̄èsák̄e p̄enawawa. Gbɛpiɔ k̄ub̄ɔ ke n vuao, ní gbɛpiɔ dadau.

12 Gbè mèn plapiɔ pépe sa'o'ula bakangãuwa, aaiɔ de Isaili buiɔ yãd̄ɔngugbɛɔ ũ. An tó iɔ ku Aalona gàu kpɛ pla píi yãd̄ɔngugbɛɔ ũ ma aɛ.

13 Gbɛk̄ub̄ɔpiɔ ke n vuao.

14 Vua t̄ɛt̄ɛ tã mèn pla, a tãa iɔ de lán baleɛnawa, ní d̄ɔd̄ɔ gbɛk̄ub̄ɔpiɔwa.

15 Bòloonnɔɛ ke yáḡɔḡɔb̄ɔ ũ n póle pɔ wa tà n bataɛao lán sa'o'ula pɔwa, wí ḡinakèwà n vuao n babuunao n bà gàaluladeo n w̄ɔt̄ɛnao.

16 Bòloonnɔɛpi gbàa n a yàasao iɔ s̄aa t̄ã dodo.

17 Zâblewà ní gbè bæεεdeɔ dɔɔ sɪĩ̃. A dɔɔ sɛ́ia saadɔani ní topazao ní emelodio.

18 A dɔɔ plaade tiikɔazi ní safiio ní diamaaɔ.

19 A dɔɔ àaãde belili ní agatao ní ametisio.

20 A dɔɔ sɪĩ̃de kisoliti ní onisio ní yasepeo. Gbɛpiɔ kũbɔ ke ní vuaɔ, ní dadau.

21 Gbɛpiɔ iɔ mèn kuεpla Isaili buiɔ tɔ léu. Wa ní tɔpiɔ kɛ gbɛpiɔwa dodo, lá wĩ wɛ̀sákɛ pɛnawawa.

22 Vua tɛ̀tɛ̀tɛ̀ tá mèn pla, a tãa iɔ de lán balɛɛnawa.

23 Vua tãana pí b̀̀ɔloonnɔε pɔ ũ mèn pla, ní tãanapiɔ dɔɔ b̀̀ɔpi swáɔwa musu.

24 Balɛɛna mèn plapiɔ dɔɔ b̀̀ɔpi tãana mèn plapiɔwa,

25 ní balɛɛnapiɔ lɛ dɔɔ dɔɔ gbekũbɔ pɔ kú bakangãuwaɔwa.

26 Vua tãana mèn pla páleɔ pí, ní ní dɔɔ b̀̀ɔpi swáɔwa ẓ́lɛ, a gu pɔ ali na sa'o'ulawa.

27 Vua tãana páleɔ pi mèn pla b, ní dɔɔ sa'o'ulapi aε a pékíi saε ẓ́lɛ oi asana musu.

28 Wi b̀̀ɔloonnɔε tãanaɔ ní sa'o'ula tãanapiɔ dɔkɔwa ní babuuna tãao, b̀̀ɔpi iɔ dɔa sa'o'ula asanawa, kɛ asu go sa'o'ulapiwao yáí.

29 Gɔɔ pɔ Aalona lé gɛ zwàakpɛu, aɔ Isaili buiɔ tɔ pɔ wa kɛ yágɔgɔ b̀̀ɔloonnɔεwa naa a s̄waε, iɔ demεε á yãdɔngubɔ ũ gɔɔpii.

30 Ní Uliũ ní Tumiũ\* ka b̀̀ɔpiu, aaiɔ naa Aalona s̄wa gɔɔ pɔ àle mɔ ma kíi. M̀̀a Aalona aliɔ Isaili buiɔ yágɔgɔbɔ naa a s̄wa gɔɔ pɔ àle mɔ ma kíi píi.

---

\* 28:30 Nao 27.21, Iko 33.8, Eza 2.63, Nεε 7.65

31 Ulatao pɔ Aalona ali da n sa'o'ulao ke n zwaà buunao.

32 Danziipi fɔ guoguo a migẽkɛi ũ, nɩ a nɛpi miba, lá pɔnamina i kɛwa, kɛ asu kɛo yáí.

33 Gɔinake sa'o'ulapi léwa lán gbɛafu bɛwa n liai n babuunao n bà gaaaluladeo n wɔɔtɛnao, nɩ vua ánanao looloo gbɛafu bɛpiɔ zãnguɔ.

34 Vua ánanan ke, gbɛafu bɛn ke, vua ánanan ke, gbɛafu bɛn ke. Wa ke ulataopi léwa màa e à liai à ge pɛɛ.

35 Aalona lí ulataopi da à zikɛò, tó àlɛ mó ma kíi zwaàakpɛu ge àlɛ bɔ, wɩliɔ aà kɔfi ma, kɛ asu gao yáí.

36 Vua tɛtɛɛ ke pɛpɛɛnɔ, nɩ kɛwà Dii pɔɛ, lá wɩ wɛsãkɛ pɛnawawa.

37 Vua pɛpɛɛnapi dɔ tulu aɛ n balɛna buunao.

38 Iɔ naa Aalona mi'aewa, iɔ dɛ Isailiɔ tàaɛ pɔ aalɛ ma gba pɔ a yáí seela ũ a miwa, pɔ pɔ aalɛ ma gba piin nò. Vua pɛpɛɛnapi aɔ naa aà mi'aewa gɔɔpiɛ, kɛ aa e wàɔ namanɔ.

39 Ulatao ke n bàabaaɔ, nɩ tulu ke n bàabaaɔ lɔ. Gɔideɔ i asana ke.

40 Ulataoɔ ke Aalona nɛgɔɛɔnɛ n asanaɔ n fùà gbãaɔ, aaiɔ bɛɛɛ vɩ n gawio.

41 Pɔkasapiɔ da n vɩi Aalonaɛ n aà nɛgɔɛɔ, nɩ nɩsikamá n nɩ dazɩ. N nɩ dile nɩdo, aaiɔ ma gbagba.

42 Bàabaa sòlo gese zɔnɛ, aali ye n kánawɛ kpɛ e à n gbala ulɛ.

43 Tó Aalona n a nɛgɔɛɔ lé gɛ kpaaukpɛu, ge tó aalɛ gé sa'okɩi ma gbagbai, an baade lí a sòlopi ye, kɛ aasu tàaɛke aa gagao yáí. Bee iɔ dɛ ikoyã ũ Aalonaɛ n aà buiɔ aà kpɛ.

## 29

*Sa'onao dilea yá*  
(Lev 8.1-36)

<sup>1</sup> Lá ríyɔ̃ ke tó níle ní dile aa ma gbagban ke: Zugaaena se m̀endo ní s̄asakao s̄asaiɔ̃ m̀en pla.

<sup>2</sup> P̄ɛeti sé, ní k̄aa keò ní k̄aa p̄o wa t̀oto ní n̄isio ní k̄aawana p̄o w̄a n̄isik̄aw̄aɔ̃.

<sup>3</sup> K̄á gb̄iu, ní se m̄oð ní zugaaenapio ní s̄asakao m̀en plapiɔ̃.

<sup>4</sup> Aalona ní a n̄eɔ̃ se m̄órn̄o k̄paaũkpe k̄peɛɛ, ní ní zu'o we.

<sup>5</sup> Aalona p̄okasaɔ̃ daè, ulatao ní ulatao p̄o w̄a ba k̄èw̄aò ní sa'o'ulao ní b̀òloonn̄oɔ̃. Ní b̀òpi ba ðo sa'o'ula asanawa.

<sup>6</sup> Tulu diè, ní vua p̄epeena p̄o aliɔ̃ aà dile ma p̄o ũ na tulupiwa.

<sup>7</sup> N̄isi p̄o w̄i ma p̄o dileò se ka aà miwa ñ aà daziu.

<sup>8</sup> M̄ó ní aà n̄eɔ̃, ní ulatao dané,

<sup>9</sup> ní asanad̄oðoné ní pi, ní ní f̄ua gb̄aɔ̃ k̄pákpané. Má ðile aame aao ma gbagba ḡoɔ̃pii. Lá ríyɔ̃ Aalona ní a n̄eɔ̃ daziun we.

<sup>10</sup> M̄ó ní zugaaenao k̄paaũkpe k̄peɛɛ, Aalona ní a n̄eɔ̃ aai onana a miwa,

<sup>11</sup> ní zugaaenapi k̄òlokp̄a ma aɛ k̄paaũkpe k̄peɛɛ we.

<sup>12</sup> Zupi au sí, ní máma ma gbagbak̄i k̄óbaɔ̃wa ní n̄ onao, ní au p̄o ḡè éle ma gbagbak̄ipi gb̄ázi.

<sup>13</sup> Zupi s̄alana ní a guu n̄isio sé p̄ií ní a ḡoleɔ̃ ní ḡolepi n̄isio, ní kpasa sa'ok̄iwa,

<sup>14</sup> ní zupi n̄ò ní a báao ní a guup̄o k̄áteu à tékū b̀òo k̄pe. Bee ìo de sa p̄o wa o an duuna yá musu ũ.

<sup>15</sup> S̄asakao se m̀endo, Aalona ní a n̄eɔ̃ i onana a miwa,

16 ní s̄api kòlokpa, ní a au sí ò ò sa'okiiwa ò liai.

17 S̄api paa, ní goaagoaa, ní a guupɔɔ ní a koeɔ p̄ipi, ní kálɛ ní a mio ní a guk̄iniɔ.

18 S̄a búupi kpasa sa'okiiwa sa p̄o w̄i a p̄o kátɛu à tékū ũ a ḡi ì kemɛɛ na ũ.\*

19 S̄asakao plaade sé, Aalona ní a néɔ i ɔnana a miwa,

20 ní a kòlokpa, ní a au sí, ní máma Aalona ní a néɔ ɔplaa swálebawa ní ní ɔplaa ɔnemio ní ní ɔplaa gbánemio, ní aupi k̄ini lé sa'okiiwa ò liai.

21 Ní au p̄o ḡò ka sa'okii musu d̄a yɔɔ ní n̄isi p̄o w̄i ma p̄o dileòò, ní f̄áf̄a Aalonawa ní a p̄okasaɔ, ní f̄áf̄a aà néɔwa ɔ ní ní p̄okasaɔ, Aalona i ḡò ma p̄o ũ ní a p̄okasaɔ ní a néɔ ní ní p̄okasaɔ ɔ.

22 S̄asakao plaadepi n̄isi sé, a vl̄á n̄isi ní a s̄alanawo ní a guu n̄isio ní a ḡòlɔɔ ní ḡòlepi n̄isio ní a ɔplaa gbáɔ. S̄asakaopi ɔ de ní daaz̄iu sa'obɔ ũ.

23 K̄aa boolo se m̄endo k̄aa gb̄i p̄o aɔ ku ma aɛ guu ní k̄aa n̄isideo m̄endo ní k̄aawanao m̄endo.

24 Ní apii na Aalona ní a néɔne ní ɔz̄i, aai m̄omɛɛ sa p̄o w̄i a p̄o m̄omɛɛ ũ,

25 ní p̄o p̄iɔ sí ní ɔz̄i, ní kpasa sa'okiiwa ní sa p̄o w̄i a p̄o kátɛu à tékū a ḡi ì kemɛɛ na ũo.

26 Aalona daaz̄iu s̄asakao kùla sé, ní m̄omɛɛ, ɔ de ní baa ũ.

27 Sa'ona daaz̄iu s̄asakao kùla p̄o w̄a m̄omɛɛ ní a gbá p̄o wa b̄ò adoao dile Aalona ní aà neḡɔɔ p̄o ũ.

28 Bee ɔ de Aalona ní a néɔ blek̄ii ũ ḡɔɔpii. Gba p̄o Isailiɔ líɔ dané an s̄aukpa Diiwa sa'oa guun we.

29 Aalona p̄okasa p̄o ali s̄omaziɔ ḡò aà buiɔne. Aali da, w̄ili n̄isikaomá w̄a ní daz̄iu.

\* 29:18 Efe 5.2, Flp 4.18

30 Aà né pɔ́ a gɔ́ sa'onkia ũ aà gɛɛ ũ lí pɔ́kasapiɔ da  
gɪa gɔɔ sopla, i gbasaa mɔ́ zíkɛi kpaaũkpɛu.

31 Sa'ona daazɪu sāsakao nòɔ se ñ a fùuke  
kpaaũkpɛ ua,

32 Aalona ní a néɔ aai só ní kàa pɔ́ kú gbíu  
kpaaũkpɛ kpɛɛɛo.

33 Sã pɔ́ wà sa'òò ní duunkɛama yáí i to aa gɔ́ rídoa  
an daazɪu yáipi, aame aa só ntɛɛ. Gbɛɛ su sórnɔɔ,  
asa ma pɔ́ɛ.

34 Tó gu dè nòɔ ge kàapi kɪniwa, kpasaa. Gbɛɛ su  
soo, asa ma pɔ́ɛ.

35 Yá pɔ́ má dílenɛ Aalona ní a néɔ musupi ke píi,  
ní ní daazɪu yákeke e gɔɔ sopla.

36 Lá gu lé dɔ́ níli sa'o ní zugaaenaɔ duunkɛama  
yáí, ní gbábɔɔ sa'okliɛ, ní nísikawà, i gɔ́ ma pɔ́ ũ.

37 Gbábɔɔ sa'okliɛ màa e gɔɔ sopla, ní díle ma pɔ́ ũ,  
sa'okɪpi iɔ de ma pɔ́ ũ ní a mɪbao. Pɔ́ pɔ́ kàwà píi a  
gɔ́ ma pɔ́ ũɛ.

### *Sa'oa lá gu lé dɔ́ yá*

*(Nao 28.1-8)*

38 Pɔ́ pɔ́ nýɔ́liɔ sa'òò sa'okɪpiwa lá gu lé dɔ́n ke: Sã  
bɔɔ wɛdonaa mèn plapla.

39 Níli sa'o ní a mɛndoo kɔɔ, mɛndo oosiele.

40 Níli sa kɔɔ o ní pɛetio kiloo do yáalea ní nísi íwao  
litili do, níli vɛɛ kawà litili do.

41 Níli sa oosiele o ní pɛetio ní vɛɛo màa lɔ, iɔ de sa  
pɔ́ a pɔ́ tékũa gɪ í kemɛɛ na ũ.

42 A buiɔ líɔ sa pɔ́ wɪ a pɔ́ kátɛu à tékũpi oa  
kpaaũkpɛ kpɛɛɛ gɔɔpii. Wékɪi máli kpaaũuánɔ,  
míli yá'óɛ.

43 We ɔ́ máli kpaaũu ní Isailiɔ, ma gawi i pisi  
gupiwa.



44 Mí tó kpaaũkpe ní sa'okĩipio àò de ma pọ ũ, mí Aalona ní a nẹ̀o dilẹ aao ma gbagba.

45 Máo ku Isailio guu, míò de ní Lua ũ,

46 aaiò d̄s ké mámɛmaa Dii ní Lua pọ ní bóle Egipi ké màò kú ní guu. Mámɛmaa Dii ní Lua.

## 30

### *Tulaletikateakii yá*

(Bɔa 37.25-28)

<sup>1</sup> Lepusiali á n̄ tulaletikateakii keò.

<sup>2</sup> A gbàa io gàs̄isuu do, a yàasa gàs̄isuu do lo, a gbàa ní a yàasao io sáa, a les̄i io gàs̄isuu pla. Ní ke ní kóbaò.

<sup>3</sup> Vua t̄ɛt̄ɛ kúle a kpeowa n̄ liai ní a musuo ní a kóbaò, ní z̄able a bèewa ní vuao n̄ liai.

<sup>4</sup> Vua z̄a pi kpela ní kpeleo m̄en plapla, ní pépe z̄a pọ wa blèwà z̄íle oi, ké wà e lip̄oòo solesobu tulaletikateakiiipi sebo ũ.

<sup>5</sup> Lepusiali á lip̄oòopio ũ, ní kpá ní vuao.

<sup>6</sup> Tulaletikateakiiipi dilẹ suuna pọ kpaa ikoyá kpagoloi ae, bɔaa ní duunk̄emakii pọ w̄i ta kpagolopileo, gu pọ máli kpaaũnnò.

<sup>7</sup> Aalona lío tulaleti ḡinana ka a téu lá gu lé do, ḡoo pọ àle filiao keke.

<sup>8</sup> Ali tulaletikaè téu lo oosiele filianagoo. Màa tulaleti súle alio do ma ae ḡoopii e á buiwa.

<sup>9</sup> Wasuli tulaleti pále ka a téuo, ge sa pọ w̄i a pọ kát̄eu à tékū ge pówenti, mé wasuli imia kawào.

<sup>10</sup> W̄e ní w̄eo ḡen dodo Aalona lío sa pọ w̄i o duuna yá musu au máma a kóbaòwa duunk̄ama yáí. A buio lío ke màa lo w̄e ní w̄eo ḡen dodo duunk̄ama yáí. Tulaletikateakiiipiá ma pọe ní a mibao.

*Duunkẽama 5a*

11 Dii yã'ò Mɔizie à mè:

12 Tó n Isailiò nàò, an baade líò fiabomεε azia boa yáí, ké gagyãe su ní le naopi keγɔɔo yáí.

13 Gbế pố lé gé gbế pố wà ní naoɔ kǎí, aàli ánuusu kpá galaũ soolo, lá wà a gbia ðile luakukiiwa, gela bao. Anusu galaũ soolopi mé aɔ aseaa pố wàli símεε ũ.\*

14 Gbế pố wàle da gbế pố wà ní naoɔ guu, tó à kà wè bao ge a ðea, a aseapi kpaε.

15 Tó ále aseapi kpaá ázia boa yáí, ɔde su kpa ðe a léao, mé taaside su kpa à késáio.

16 Duunakẽa Isailiowa ɔapi símá, ní kpá wà kpaaũkpε zíkèð. Ɖapi a tó á Isailiò duuna kěwá, a yá líò ðɔmagu.

*Dàa ikabɔ*

17 Dii yã'ò Mɔizie à mè:

18 Dàa pí ní mɔgotẽo† gbãbɔ'ikabɔ ũ, ní a dibɔ pí ní mɔgotẽo lɔ, ní ðile kpaaũkpε zãnguo ní sa'okiiio, ní íkau.

19 Aalona ní a néɔ líɔ ní ɔɔ ní ní gbáɔ pípiò.

20 Gɔɔ pố aale gẽ kpaaũkpεu, aali ke màa ké aasu gao yáí. Tó aale mố pố káimεε téu à tékũ sa'okiiwa lɔ,

21 aalio ní ɔɔ ní ní gbáɔ pipi, ké aasu gagao yáí. Bee iɔ ðe ikoyã ũ Aalonaε ní a buiɔ e gɔɔpii.

*Ntsi pố wǐ pố ðileð à gɔ Lua pố ũ*

22 Dii yã'ò Mɔizie à mè:

\* **30:13** Bɔa 38.25-26, Mat 17.24 † **30:18** Bɔa 38.8

23 Pó gɛnana maae beeo sé: Lí'ɔ íwa kiloo soolo  
 ní sinamɔ litεε gɛnanao kiloo àaɔ ní kaneli fee bui  
 gɛnanao kiloo àaɔ

24 ní kasiao kiloo soolo, lá wà a gbia dɛle lu-  
 akukiiwa. Nísi sé litili soolo,

25 ní nísi pɔ wí pɔ dileò à gɔ ma pɔ ũ keò lá  
 tulaletizɔna í kewa, nísiipi io de ma pɔ ũ.

26 Nísiipi máma kpaaũkpewa ní ikoyá kpagoloo

27 ní táabũnuo ní a pɔkeleo ní dauo ní a pɔkeleo ní  
 tulaletikatεakiio

28 ní sa pɔ wí a pɔ káteu à tékũ okiio ní a pɔkeleo pii  
 ní dàao ní a dibɔo,

29 ní pɔpiɔ dile ma pɔ ũ, aai gɔ ma pɔ ũ ní a mĩbao.  
 Pɔ pɔ ká pɔpiɔ keewa pii, à gɔ ma pɔ ũε.

30 Nísiipi ka Aalona ní a néowa, ní ní dile ma pɔ ũ,  
 ké aa e ma gbagba.

31 O Isailione aao dɔ gɔɔpii ké nísiipiá ma pɔε.

32 Wasuli ká gbɛnazina mɛwao. A gbɛε su nísiipi  
 taa keo, ké ma pɔε yáí, ío dɔ ké ma pɔε.

33 Gbé pɔ nísiipi taa kè, ge a ká gbé pɔ de sa'ona  
 ũowa, wà ade bɔ a gbéɔ guu wà de.

### *Tulaleti pɔ wí káteu*

34 Dii yá'ò Mbiziε à mè: Pó gɛnanae beeo sé: Sitak-  
 ili'ɔ ní onikalitεεo ní galibanuli'ɔo ní zɔgo lí'ɔo sáasaa.

35 Pɔpiɔ yáale n zɔ tulaleti pɔ wí káteu ũ lá tulale-  
 tizɔna í kewa, ní wisikau, io de ma pɔ ũ a zéi.

36 N a kɛni ló n a tibo, ní dile ikoyá kpagolo aε  
 kpaaũkpεu, gu pɔ máli kpaaũnnɔ.

37 Asu tulaletipi taa ke áziaeo. Ali dile ma pɔ ũ.

38 Gbé pɔ a taa kè, àle a gikpa, wà ade bɔ a gbéɔ  
 guu wà de.

# 31

## *Zwãakpɛɔnaɔ*

(Bɔa 35.30-36.1)

<sup>1</sup> Dii yã'ò Mɔizie à mè:

<sup>2</sup> Ma! Ma Uli né Bezaleli, Hulu tɔŋna, Yuda bui sè.

<sup>3</sup> Má tò ma Nisina dĩè, ɔ à ɔno ní gɔio ní dɔao è ɔzi pɔi yá musu.

<sup>4</sup> A vua zi dɔ ní ánuɔu zio ní mɔgotɛ zio ní gɔinakea pɔwao.

<sup>5</sup> A gbè beede aa ní a daa pɔuo dɔ ní lí'ãao ní ɔzi pɔio.

<sup>6</sup> Bee gbɛa ma Aisama né ɔɔliabu, Dã bui dĩɛ aà dɔnlɛde ũ. Ma ɔzikɛnaɔ gbà ɔno pɔi, ké aa e zi pɔ má dãnɛɔ ke:

<sup>7</sup> Kpaaũkpe, ikoyã kpagolo ní a netaɛo ní kpɛpi pɔkeleɔ pɔi,

<sup>8</sup> táabũnu ní a pɔkeleɔ, vua tɛɛtɛɛ dau ní a pɔkeleɔ pɔi, tulaletikateakii,

<sup>9</sup> sa pɔ wɔ ní a pɔ kátɛu à tékũ okii ní a pɔkeleɔ pɔi, dàa ní a dibɔo,

<sup>10</sup> pɔkasa pɔ wa tãɔ, sa'ona Aalona pɔkasa pɔ ali sɔomazio ní aà nɛɔ sa'on pɔkasaɔ pɔi,

<sup>11</sup> nísi pɔ wɔ pɔ díɛò à gɔ ma pɔ ũ, zwãakpɛ tulaleti gɔnana. Aa pɔpio ke, lá má díɛnɛwa pɔi.

## *Kámabogɔɔ yá*

<sup>12</sup> Dii yã'ò Mɔizie à mè:

<sup>13</sup> O Isailiɔne aa kámabogɔɔ pɔ má díɛ yãda, asa a de seela ũ mapi ní ápio zãnguò e á buiwa, ké à e dɔ ma Dii ma á sé ma gbɛɔ ũɛ.

14 Ali kámabogɔɔpi yāda, asa gɔɔpi adoaε. Gbé pɔ́ i gɔɔpi yādao, à gàε. Gbé pɔ́ zíkè gɔɔpi zǐ, wà ade bɔ́ a gbéɔ́ guu wà dε.

15 Ali zíkε gɔɔ soolo, a gɔɔ soplade íli kámabo, asa ma Dii ma pɔ́ε. Gbé pɔ́ zíkè kámabogɔɔzǐ, à gàε.

16 Isailio lí kámabogɔɔpi yāda, aa dilε gbia e ní buiwa ma bàakuańɔ́ yá ũ.

17 Iɔ́ dε seela ũ mapí ní Isailio zānguo gɔɔpii, asa ma Dii ma musu ní dúniao kè gɔɔ sooloε, ñ má làa, ñ ma kámabò a gɔɔ soplade zǐ.

18 Ké Dii yá'ò Mɔ́izie Sinai gbε musu a làa, ñ à ikoyā kè gbè pèpεεɔ́wa mèn pla ní azía ɔtonao, a kpàwà.

## 32

### *Vua gáaena*

*(Iko 9.6-29)*

1 Ké gbéɔ́ è Mɔ́izi lé pila gbεwa kpaao, aa kàaa Aalonazi aa òè: Wà gε wà diie kε aà dɔ́aawēε, asa Mɔ́izi pɔ́ wá bóle Egipipi, wá dɔ́ bó à bòle a ũo.

2 ɔ́ Aalona òné: A á nɔ́ɔ swáli pɔ́ wa pí ní vuaɔ́ bɔ́le ní á nεgɔ́enaɔ́ ní á nenɔ́enaɔ́, í mɔ́omεε.

3 ɔ́ gbépii a swáli pɔ́ wa pí ní vuaɔ́ bòle aa kpà Aalonawa.

4 A sǐ a kàsa lán gáaenawa, ñ a yòɔ́. ɔ́ wà mè: Isailio, á diin kε! ɔ́mε á bóle Egipi.\*

5 Ké Aalona è màa, à sa'okli bò zupi aε, ñ à kpàwakè à mè: Dii dikpε ku zia.

\* 32:4 1Kia 12.28, Zin 7.40-41

<sup>6</sup> Ké gu d̀, gbé̄o f̀le aa sa ṕ wí a ṕ káteu à tékū òwà ní sáaukpasao. Gbé̄o z̀le, aale poble aale imi, ̄ aa f̀le lé k̀o v̄ai o.†

<sup>7</sup> Ǿ Dii ò M̀izie: Pila ǹ géi! N gbé̄ ṕ n b̀ońno Egipto ̄okpà.

<sup>8</sup> Aa k̀e zé ṕ má òb̀néwa àanno, aa vua kàsa t́aa ũ lán gáaenawa, aa k̀lèè aa sa'òwà aa mè, Isailio dii ṕ ní b́le Egiptin we.

<sup>9</sup> Má è gbé̄pio swá gbāae.

<sup>10</sup> Gomala mà a kp̄nemuu b̀ob̀má mà ní kaale, mpi s̄, mí n ke bui z̀o ũ.

<sup>11</sup> Ǿ M̀izi awakpà Dii a Luae à mè: Dii, b́yāi n̄ȳo n kp̄nemuu b̀ob̀o n gbé̄ ṕ n ní b́le Egipi ní n iko z̀o ní n g̀asa gbāaoowai?

<sup>12</sup> Egipio me an míonz̄sa yáí ̄ n ní b́lei, ké ǹ e ǹ ní dede gbè̀s̄is̄iowa ǹ ní mide dúniau. N n p̄kūma kpále, ní yá ṕ ní ye yía n gbé̄piowapi b̀o n ǹseu.

<sup>13</sup> To n z̀blenaɔ Ablahaũ ní Izaakio ní Isailio yá d̄ngu, asa n legbè̀né ní nz̄iao n mè n̄ȳo ní bui káfi lán saanaowa, ní bùsu ṕ n a yā'òné kpá ní buiowa aao ví g̀opii.‡

<sup>14</sup> Ǿ Dii yá ṕ à mè á yía a gbé̄owapi b̀ò a ǹseu. §

<sup>15</sup> M̀izi èa pila gbewa, a ikoyā gbè pèpèe mèn plapio kūa. Yá k̄ea gbepiowa kpe plapla píi.

<sup>16</sup> Lua mé gbè pèpèepio à, ̄me yāk̄má.

<sup>17</sup> Yozuee gbé̄o wii mà, ̄ a ò M̀izie: Zikawii ma d̀o b̀ou.

<sup>18</sup> M̀izi mè: Kúkua mé d̀o weo, kási búbuapean we s̄o, gbé̄o lesia ̄ mále ma.

† 32:6 1Kln 10.7

‡ 32:13 Daa 17.8, 22.16-17

§ 32:14 Nao 14.13-19

19 Ké à kà kâi ní bòoo, a è wàlɛ òwǎ zugaaenaɛ, ò aà pɔ pà. A gbè pèpɛɛ pɔ á kũapio pàlɛ gbɛpɔlɛu we, aa wǐwi.

20 Ǿ à zugaaena pɔ wa pipi sè a dà téu. A a tibò, ò a zù ía a kpà Isailiɔwa aa mǐ.

21 Ǿ Mɔizi Aalona là à mɛ: Bó gbépio kènɛ, n gbasa ní tò aa duun zɔɔɛ taa kèi?

22 Ǿ a wèwà à mɛ: Nsu to n pɔ pao, Baa. N gbépio dɔ, ké aa vǎi.

23 Aamɛ aa òmɛɛ mà diie kɛ aà dɔaané. Aa mɛ Mɔizi pɔ bòrínɔ Egipipi, wa dɔ bɔ à bɔlɛ a ũo.

24 Ǿ má òné an gbé pɔ vua vǐɔ aa bɔlɛ mɔò. Ké aa mɔò, ò má kàtɛu, ò à bɔ gáaenapi ũ.

25 Mɔizi è Aalona tò gbéó lé nízia pɔɛǎ kɛɛ, ò aa gò láanipɔ ũ ní ibɛɔnɛ.

26 Ǿ à zè bòo bɔlɛu à mɛ: Gbé pɔ zè ní Diiɔ, aa mɔ ma kíi. Ǿ Levii buiɔ kàaaaazi.

27 A òné: Dii Isailiɔ Lua mɛ, á baade a fɛnda loo à pǎpǎ bɔoa bɔlɛ ní bɔlɛo, á baade i a gbéó ní a gbɛnaɔ ní a gbédeɔ dɛdɛ.

28 Levii buiɔ kè lá Mɔizi dànɛwa. Gbé pɔ wà ní dɛdɛ zǐbeeziɔ kà gbɛɔn ɔaa gɛo taawa.

29 Ǿ Mɔizi ò Levii buipionɛ: Lá a bɔ á néɔ ní á gbéó kpɛ,\* a gɔ Dii gbéó ũ gbǎ. Dii báaadàágu gbǎn we.

### *Mɔizi awakpaa Diie Isailionɛ*

30 Ké gu dɔ Mɔizi ò gbéɔnɛ: A duun zɔɔ kè, ní beeo má ɛa mà dɛdɛ gbɛwa mà gé Dii kíi lɔ, wǐliɔ dɔo tó má e awakpáé á duuna yá musu.

31 Ǿ à èa gè Dii kíi à mɛ: N yá na! Gbépio duun zɔɔ kè, aa diie kè níziaɛ ní vuao.

\* 32:29 Mat 10.37

32 Sùuukè! N ní duuna kémá. Tó màa no, ma tó waa lá pò ní kè guu.†

33 Dii òè: Gbḗ pò duunakèmèè tó ò má waa ma lá guu.

34 Gé ní gbḗ gu pò má òneu sa. Ma Malaika a dɔaanɛ. N beeo ma ìadamagɔɔ, má ìadamá ní duuna yáíɛ.

35 ɔ Dii gagyākà gbḗgu gáaena pò aa tò Aalona pìpi yáí.

### 33

1 Dii mè: Fɛɛ go la, mpi ní gbḗ pò n ní bóɛ Egipio, ní gérino bùsu pò ma a ɛgbè Ablahaũ ní Izaakio ní Yakɔbuoɔne ma mè má kpá ní buiɔwau.

2 Má a Malaika zì aà dɔaaé, mí Kanaaɔ ní Amɔɛɔ ní Itio ní Pelizio ní Ivio ní Yebusio yáé.

3 A gé bùsu pò vī ní zó'io diupiu. Ama má géánɔ, ké másu á kaale zéuo yáí, asa swágbãadeɔn á ũ.

4 Ké gbḗ yāpāsipi mà, aa óɔb, ò gbḗ i a nɔamblebɔɔ da ɔɔ.

5 Asa Dii yā'ò Mɔiziɛɛ, ò a ò Isailioɔnè à mè: Swágbãadeɔn á ũ, baa tó Dii gbasèánɔ kèse do, a á kaaleɛ. A á nɔamblebɔɔ wolo, mí dɔ lá má kéé.

6 ɔ Isailio ní nɔamblebɔɔ wòlo Olebu gbɛ sae, aai da ɔɔ.

7 Mɔizi ì zwàakpɛ se à ge dɔ bòo kpɛ kḗa bòopiwa yɔɔ. A tɔkpàè kpaaũkpɛ. Gbḗ pò ye Dii yáí ò ade ì bɔ gé kpaaũkpɛpi kíi bòo kpɛ we.

8 Tó Mɔizi bò lé gé kpépi kíi, baade ì bɔ ze a kpɛɛɛ àò aà gwa e à ge gḗu.

† 32:32 Sou 69.29, Zia 3.5



9 Tó Mɔizi gè kpépiu, telu ì pila ku kpelea, ɔ Dii ì yá'oaàno.

10 Tó gbéɔ è telupi ku kpelea, baade ì kúle a kpele.

11 Dii ì yábo kɔ léu ní Mɔizio, lá gbé ì yá'o ní a gbēnaowa. Mɔizi ì ea su bɔou, āma Nuni né Yozuee aà zɔbāna lí bo kpépiuo.

### *Dii bo mɔa Mɔiziwa*

12 Mɔizi ò Diiɛ: N òmɛɛ mà gé ní gbépiɔ, āma ni gbé pɔ níle damɛɛ omɛɛo. Kási a ke sɔ, n mè ní ma dɔ n gbēna ũ, mé n ma wegwà.

13 Lá n ma wegwà, to mà n làasoɔ dɔ sa, ké mà e mào n dɔ, mío nanno síana. Nyɔ dɔ ké buie beeá n gbéɔne.

14 Ǿ Dii wèwà à mè: Má géáno mazía, mí tó à kámabo.\*

15 Mɔizi mè: Tó nýɔ géwanɔ, nsu gowanɔ lao.

16 Tó ni géwanɔ, kpelewa wa e dɔ ké mapi ní n gbépiɔ wá nanno? Wa wá dɔkɔɛ ní buipáleɔ dúniaw kpelewa ni?

17 Dii òè: Yá pɔ ní gbèaapi má ke, asa ma n wegwàe, má n dɔ ma gbēna ũ.

18 Mɔizi mè: N n gawi ɔlomɛɛ.

19 Ǿ Dii wèwà à mè: Má n aɛ baa ví ní ma gawipio píi, mí a tó onɛ. Ma Dii, gbé pɔ má ye sùuukeaàno ɔ má ke, mé gbé pɔ má ye wēnadɔè ɔ má dɔè.†

20 Ǿ à mè: Nyɔ fɔ ma oa gwao, asa gbēnazína a fɔ wesimale ào kuo.‡

21 Dii èa mè: Gugwa da ma saɛ ke. Ze gbɛ musu we.

\* 33:14 Ebe 4.1 † 33:19 Lom 9.15 ‡ 33:20 Zaa 1.14, 18

<sup>22</sup> Tó ma gawipi lé gẽ, má n sɔɔ gbèsɔɔ, mí ɔkunla e mà gẽ.

<sup>23</sup> Tó ma ɔgònla, ní ma kpɛ oi e sa, ɔma nýɔ ma oa eo.

## 34

*Gbè pèpɛɛ dafuɔ*  
(Iko 10.1-5)

<sup>1</sup> Dii òè: Gbè pèpɛɛ ke mèn pla lá a káauɔwa, mí yá pɔ kú a káau pɔ ní wíwíwaɔ kémá.

<sup>2</sup> Nyɔ ku sɔu guu kɔɔkɔɔ. Dɛɛɛ Sinai gbɛwa, ní ze ma aɛ a misonawa.

<sup>3</sup> Gbɛɛ su mɔnnɔɔ. Wasu gbɛɛ e guei gbɛpiwa seo. Baa sã ge zu su mɔ pɔblei a pɔɛuo.

<sup>4</sup> Mɔizi gbè pèpɛɛ à mèn pla lá a káauɔwa. A fɛɛ kɔɔkɔɔ, ɔ à dɛɛ Sinai gbɛwa, a gbè pèpɛɛ mèn plapiɔ kúá lá Dii òɛwa.

<sup>5</sup> Dii pɔla telu guu, à zè aà saɛ, àɛ azia tó o.

<sup>6</sup> Ké Diipi lé gẽ aà aɛ, à a tó ò à mè: Dii, Dii Lua Sósobide Sùuuden ma ũ. Ma pɔ lí pa kpaao, má gbɛke ní náaio ví zɔɔ.

<sup>7</sup> Máo gbɛke ví ní gbɛɔ e an bui léwaɛ, mí ní yãvãio kémá ní ní tàaɛ ní ní duunao. Ama mili tó tàaede bɔ pão. Mi maeɔ yãvãí wi ní néɔ musu ní ní tɔũnaɔ ní ní síwɛnaɔ ní ní sɔkpaɛɔ.\*

<sup>8</sup> Mɔizi kùɛɛ à wùɛ a gbɛɛu gɔɔ

<sup>9</sup> à mè: Dii, lá n ma wɛgwà, géwanɔ. Baa ké gbɛpiɔ swá gbãa, sùuukewano wá yãvãio ní wá duunao yá musu, ní wá sé ní gbɛɔ ũ.

*Lua bàa kua ní Isailiɔ*  
(Bɔa 23.14-19, Iko 7.1-5, 16.1-17)

\* 34:7 Bɔa 20.5-6, Nao 14.18

10 Dii m̀̀: Ma bàa aɔ kúánɔɛ. Má yā̀bɔnsaɛ pɔ gb̃ɛ i kɛ buie guu dúniau yā̀aɔ kɛ á baade píi wáa. Bui pɔ liaaázio i ma yā̀kɛa e, asa má yá pɔ a to vía ní kú kɛ á yá musu.

11 Aɔ yá pɔ má òé gbā kūa, mí Amɔleɔ yáé ní Kanaaɔ ní Itiɔ ní Pɛlizio ní Iviɔ ní Yebusio.

12 A laaika! A lé su àɔ ku bùsu pɔ ále ge g̃ɛui deɔ yáuo, ké ásu mɔkpa áziaɛo yáí.

13 A ní sa'ok̃io gboo, í ní gbɛ pɔ aa p̃leɔ wíwi, í Asetaati lí pɔ aa p̃leɔ z̃z̃.

14 Asu kúle dii p̃leɔ, asa ma Dii ma tón Sisaa, mili sí s̃aao.

15 A laaika! A lé su àɔ ku bùsupideɔ yáuo, asa tó aale gb̃asikɛ ní táaɔ yá musu, aale sa'omá, aa á sísi à ní sa'onɔɔ sónnɔɛ.

16 Asu nɔsɛ á néone ní guuo, asa tó an nenɔɔ lé gb̃asikɛ ní táaɔ yá musu, aa tó á néo gb̃asikɛ́nnɔ s̃ɛ.

17 Asuli mɔkasa t̃a ũo.

18 Ali K̃aaso dikpɛkɛ. Ali k̃a so e gɔɔ sopl̃a mɔ pɔ wí mɛ Abibu guu, lá má díléwa, asa mɔpi guu ò a b̃le Egipi.

19 A nɛg̃ɛ s̃éiaɔ́ ma p̃ɔne píi ní á p̃ɔtuo nesana s̃éiaɔ píi, zu ge p̃kelenaaɔ.

20 Ali z̃aá'ín né s̃éia bo ní s̃ao. Tó i boo, à a waa fi à de. Ali á nɛg̃ɛ s̃éiaɔ bo. Gb̃ɛ su mɔ ma k̃í ɔgiio.

21 Ali z̃ikɛ gɔɔ soolo, íli kámabo a gɔɔ soplade z̃í, baa kpasek̃ɛgɔɔ ge p̃kɛkɛgɔɔn ò.

22 Ali P̃áteko dikpɛkɛ gɔɔ pɔ a na buapɔ káauɔ kɛkɛawa. Ali P̃ók̃aaa dikpɛkɛ w̃é láaawa.

23 G̃ɛ píi lí mó ma Dii Isailio Lua k̃í w̃é do guu g̃ɛn àaɔ'aaɔ.

24 Má buipáleɔ yáé, mí á b̀usu lé káfié. Gbēe a weεε à á b̀usu síwáɔ gɔɔ pɔ́ ále mó ma Dii á Lua kíi wè do guu gēn àaṣ'aaṣo.

25 Asu pɔ́sea kpaá s̄anu ní sa'obɔ auoo. Asu Gēamusu sa'onɔɔ díle gu d̀wàɔ.

26 Ali mó ma Dii á Lua kpéu ní á bua pɔ́ káauɔ. Asu blene ǹɔ kuu ní a da yó'ioo.

27 Ǿ Dii ò Mɔiziε: Yápiɔ kē láu, asa ma bàakuanno ní Isailiɔ yáɔn we.

28 Mɔizi kú ní Diio we e gɔɔ bla fāane ní gwāasinao pɔblesai imisai. Ǿ Dii a bàakuarínɔ yá mèn kwio kē gbè pèpεεɔwa.

### *Mɔizi oa teke*

29 Mɔizi p̄ila Sinai gbewa, a gbè pèpεε mèn pla pɔ́ ikoyā kèwàɔ k̄ua. A d̄s kē a oa lé teke a yā'oa ní Diio yáio.

30 Ké Aalona ní Isailiɔ aà è m̄pii aà oa lé teke, aale viake s̄aaàziε.

31 Ǿ Mɔizi ní sisi. Aalona ní gbēz̄ɔɔ èa mò aà kíi, ṣ à yā'òné.

32 Bee gbεa Isailiɔ s̄ààzi m̄pii, ṣ à yá pɔ́ Dii díleε Sinai gbε musu òné píi.

33 Ké à yā'òné a làa, à sálana kù a oawa.

34 Tó à gē yā'oi Diie, i sálana go e àɔ bɔ. Tó à b̀, i yá pɔ́ Dii díleε o Isailiɔne píi,

35 ṣ aaí e aà oa lé teke. Mɔizi i ea sálana kú a oawa e à ea àɔ gē yā'oi Diie.†

---

† 34:35 2Kln 3.7-17

## 35

*Gbadaa zwàakpɛɔa yá musu*  
(Bɔa 25.1-9, 39.32-43)

<sup>1</sup> Mɔizi Isailiɔ kâaa píi, a ònɛ: Yá pɔ Dii d̄ilɛ àò kɛn kɛ:

<sup>2</sup> Ali z̄ikɛ gɔɔ soolo, a gɔɔ soplade z̄í iɔ deé Dii pɔ ũ a z̄éi. Kámabogɔɔ z̄íɛ. Gb̄é pɔ z̄ikè z̄ibeez̄i à gàɛ.

<sup>3</sup> Baa té ásu ká á bɛ kámabogɔɔz̄iɔ.

<sup>4</sup> Mɔizi ò Isailiɔnɛ píi à m̄ɛ: Yá pɔ Dii d̄ilɛn kɛ:

<sup>5</sup> A gbada Diiɛ ní pɔ á v̄iɔ. Lá à gb̄é pɔ gbà, aà da Diiɛ màa, vua ge ánuusu ge mɔgot̄ɛ

<sup>6</sup> ge babuuna ge bà ḡaalulade ge w̄ɔɔt̄ɛna ge zwāa ge blek̄a

<sup>7</sup> ge s̄asa báa pɔ wa k̄èkɛ t̄éɛɛ ge ayo báa totoa ge lɛpusiali

<sup>8</sup> ge filia n̄isi ge pɔ ḡinana pɔ w̄i n̄isi pɔ w̄i pɔ d̄ilɛò à ḡɔ Dii pɔ ũ ní tulalet̄iɔ k̄eòɔ

<sup>9</sup> ge onisi ge gb̄è b̄eɛɛde pɔ wa z̄ik̄eò sa'o'ula ní aà b̄òɔloonn̄ɔɛow̄aɔ.

<sup>10</sup> A gb̄é pɔ ḡɔi v̄i píi aà m̄ɔ z̄i pɔ Dii d̄ilɛ kɛ.

<sup>11</sup> Zwàakpɛ ní a báao ní a zwāa pɔ wa kuaɔ, a m̄okoolonaɔ, a lipɛpɛɛɔ, a lip̄ɔɔɔ, a lipɛlɛɔ, lipɛlɛpi zɛb̄ɔɔ,

<sup>12</sup> kpagolo ní a lip̄ɔɔɔ ní a netaɛɔ ní a zwāa pɔ wa kpaio,

<sup>13</sup> táabũnu ní a lip̄ɔɔɔ ní a tao ní a p̄ɛɛ pɔ wa kpa Diiw̄aɔ,

<sup>14</sup> dau ní a p̄okeleɔ ní a filiaɔ ní a n̄isio,

<sup>15</sup> tulalet̄ikateak̄ii ní a lip̄ɔɔɔ, n̄isi pɔ w̄i pɔ d̄ilɛò à ḡɔ Dii pɔ ũ, tulaleti, zwàakpɛ k̄pɛɛɛ zwāa,

16 sa pɔ wɪ a pɔ káteu à tékū okii ní a mɔyāayāana pɔ wa pí ní mɔgotēo ní a lipɔɔ ní a pɔkeleo, mɔgotē dāa ní a dibɔɔ,

17 kaa zwāaɔ ní a lipelɔo ní lipelɛpi zebɔɔ, kaa lé zwāa,

18 zwāakpe kūbɔɔ, kaa kūbɔɔ ní a baɔ,

19 pɔkasa pɔ wa tã wáli da wà zwāakpɛpi zíkɛɔɔ, pɔkasa pɔ sa'onɔ Aalona ali sɔð Diizɔo ní pɔ pɔ aà néo lí da wàɔ Dii gbagbaɔɔ.

20 Isailio gò Mɔizi kíi nípii,

21 ɔ gbé pɔ an pɔ gbà aa yápi sè ní nòsemendoɔɔ gbadà Diie ní kpaaükpe pɔɔ ní a zíkɛbɔɔ ní sa'onɔ pɔkasaɔ.

22 Gbé pɔ aa yeio, gɔɔo ní nɔɔo píi, aa m̀ò ní yàbaaɔ ní swálio ní tãanaɔ ní zão ní nɔamblebɔɔ pɔ wa pí ní vuaɔo píi. An píi aa ní vua kpà Diiwae.

23 Gbé pɔ aa babuuna ní bà gàaluladeo ní wɔɔtēnao ví ge bàabaa ge blekã ge sãsa báa pɔ wa kèkè tééɔo ge ayo báaɔ píi, aa m̀ò.

24 Gbé pɔ aale gbada Diie ní ánusuo ní mɔgotēo m̀ò lɔ. Gbé pɔ aa lɛpusiali ví wà zíkɛbɔɔ kɛo m̀ò lɔ.

25 Nɔe pɔ aa pótãa gɔi vío m̀ò ní babuunaɔ ní bà gàaluladeo ní wɔɔtēnao ní bàabaaɔ.

26 Nɔe pɔ an pɔ gbà mé aa gɔi vío blekã tã.

27 Gbèzɔɔ m̀ò ní òsoɔ ní gbè bɛɛedeɔ, ké wà zíkɛð sa'o'ula ní aà b̀òlɔonnɔeowa.

28 Aa m̀ò lɔ ní filia nísio ní nísio pɔ wɪ pɔ dilèð à gɔ Dii pɔ ũ pɔ gɪnanaɔ ní tulaleti pɔɔ.

29 Isaili pɔ aa yápi sè ní nòsemendoɔɔ m̀ò ní zɪ pɔ Dii dà Mɔziɛpi pɔɔ wà Dii gbà.

*Bezaleli n̄ Ɔoliabuo*  
(Boa 31.1-11)

<sup>30</sup> Ɔ Mɔizi ò Isailiɔnɛ: Dii Uli né Bezaleli, Hulu tɔŋna Yuda bui sè,

<sup>31</sup> a tò a Nisina diè, ɔ̀ à ɔ̀nɔ n̄ g̃ɔio n̄ d̃ɔao è ɔ̀zi pii yá musu.

<sup>32</sup> A vua zi d̃ɔ n̄ ánuusu zio n̄ mɔgotẽ zio n̄ g̃ɔinakea pówao

<sup>33</sup> n̄ gbè beede áao n̄ a daa pówo n̄ lí'áao n̄ ɔ̀zi píio.

<sup>34</sup> Dii aà gbà zé lo aà ɔ̀zipiɔ dané. A Aisama né Ɔoliabu, Dá bui gbà zé màa lo.

<sup>35</sup> A tò ɔ̀nɔ pàné aa ɔ̀zi pii ke n̄ g̃ɔinakeawao n̄ zwãatãao n̄ kòk̃k̃ea zwãawao n̄ babuunao n̄ bà g̃aaluladeo n̄ w̃ɔt̃ɛnao. Aa ɔ̀zi bee taao kea d̃ɔ píie n̄ a g̃ɔinakeao.

## 36

<sup>1</sup> Bezaleli n̄ Ɔoliabuo n̄ g̃ɔide pów Dii n̄ gbá g̃ɔi n̄ ɔ̀nɔo aao zipi kea d̃ɔo píi, aai luakukii d̃ɔo n̄ a pów píi lá Dii dilɛwa.

<sup>2</sup> Ɔ Mɔizi Bezaleli n̄ Ɔoliabuo sisi n̄ g̃ɔide pów Dii g̃ɔike d̃ɔa kpámá mé an n̄òse ye zipi keaiɔ, ké aa mɔ ɔ̀kpa zipiwa.

<sup>3</sup> Aa gba pów Isailiɔ m̀d̀d̀ Mɔizie wà luakukii keò sèle. Lá gu lé d̃ɔ Isailiɔ lo m̀d̀d̀ n̄ gbaapiɔ.

<sup>4</sup> Ɔ g̃ɔide pów aale luakukii zik̃epiɔ, an baade gò a zia, aa ge ò Mɔizie:

<sup>5</sup> Pów pów gbéó lé m̀d̀d̀ z̃ɔo de lá Dii dilɛ wà zik̃eòda.

<sup>6</sup> Ɔ Mɔizi mè wà kpàwake b̀d̀ou wà me: G̃ɔe, n̄ɔe, gb̃e su m̀d̀ n̄ luakukii gbapio lo. Ɔ wà zè màa,

<sup>7</sup> asa pów pów wà m̀d̀d̀ kpépi zik̃ei f̃ɛɛ.

*Zwàakpɛdɔa*  
(Bɔa 26.1-37)

<sup>8</sup> Gõide pɔ́ kú zíkɛnaɔ guuɔ mé zwàakpɛpi kè ní pɔ́lɛ pɔ́ aa tà ní bataɛao, aa gɔ́inakèwà lán malaika gàsɛadeɔwa ní babuunao ní bà gàaluladeo ní wɔ́ɔtēnao lɛ kwi.

<sup>9</sup> Pɔ́lɛpiɔ gbàa gàsɛsuu baakwi plaplasaiɛ, a yàasa sɔ́ gàsɛsuu síiɔsíiɔ. Pɔ́lɛpiɔ zɔ́ɔ sáa màa píiɛ.

<sup>10</sup> Aa pɔ́lɛpiɔ nàminami lɛ sɔ́sɔoɛ,

<sup>11</sup> ɔ́ aa babuuna letānkè wa dòdò zwāapiɔ léɔwa

<sup>12</sup> mèn blakwikwi, bapiɔ bɔaa ní kɔ́o píiɛ.

<sup>13</sup> Aa mɔ́koolonaɔ pɛ ní vuao mèn blakwi, ɔ́ aa bapiɔ kákau aa zwàakpɛ zwāapi dàokɔ́i.

<sup>14</sup> Aa blekã pɔ́lɛ tà lɛ kuɛdo, ké wàli kú zwàakpɛpia.

<sup>15</sup> Pɔ́lɛpiɔ lɛ do gbàa gàsɛsuu baakwiɛ, a yàasa sɔ́ gàsɛsuu síiɔ. Pɔ́lɛ lɛ kuɛdopiɔ zɔ́ɔ sáa màa píiɛ.

<sup>16</sup> Aa a lɛ sɔ́oɔ nàmi adoa, ɔ́ aa a lɛ sooloɔ nàmi adoa lɔ.

<sup>17</sup> Aa bà letānkè aa dòdò zwāapiɔ léɔwa mèn blakwikwi,

<sup>18</sup> ɔ́ aa mɔ́koolonaɔ pɛ ní mɔ́gotɛo mèn blakwi, ké wà e bapi kákau, kpé zwāapi i dakɔ́i.

<sup>19</sup> Aa sãsa báa pɔ́ wa kèkɛ tɛ́ɛɛɔ dàdakɔ́i, ké wàli kú zwàakpɛpia, ɔ́ aa ayo báaɔ dàdakɔ́i, ké wàli kua lɔ.

<sup>20</sup> Aa lɛpusiali à pèpɛpɛpɛpɛ zwàakpɛpi lipɛlɛɔ ũ.

<sup>21</sup> Lípiɔ gbàa gàsɛsuu kwikwiɛ, a yàasa sɔ́ gàsɛsuu dodo ní kíniɔ.

<sup>22</sup> Aa lipɛpɛpɛpiɔ swá bòbò aa kpàaí mèn plapla. Màa aa zwàakpɛ lípiɔ kè píi.



23 Aa lipereɛɔ kɛ̀ màa mèn bao zwàakɛpi  
gɛɔmidɔkii oi pɔ ũ,

24 ɔ aa a zɛbɔɔ pĩ ní ánusuo mèn bla, kɛ̀ wàli lí mèn  
baopio pépeu, lí mèn do iɔ zɛbɔ vɛ́ pla a swáá gɛ̀kíi ũ.

25 Aa lipereɛɔ kɛ̀ màa zwàakɛ gugbántoo oi pɔ ũ,

26 ɔ aa ní zɛbɔɔ pĩ ní ánusuo mèn bla, kɛ̀ wàli dile  
mèn pla wà lí mèn do swá pépeu.

27 Aa lipereɛ kɛ̀ màa mèn soolo zwàakɛ be'ae oi  
pɔ ũ,

28 ɔ aa lipereɛ kɛ̀ mèn pla zwàakɛ be'ae oi golaɔ  
pɔ ũ.

29 Aa a gola lí mèn plapio pàa aa nàkɔwa za zɛ́le e  
musu. Zã mèndodo ɔ aa vɛ́.

30 Zwàakɛpi kɛ̀ lipereɛɔ mèn swaaɔɛ ní ánusuo  
zɛbɔɔ mèn gɛ̀o ní mèndoo, lípio pii ní a zɛbɔɔ màa  
mèn plapla.

31 Aa lepusiali à pòɔpòɔ mèn soo zwàakɛ kɛ̀ do  
lipereɛɔ yebɔ ũ,

32 ɔ aa à lo mèn soo a kɛ̀ do lipereɛɔ yebɔ ũ. Aa  
lipòɔɔ pàleɔ à lo mèn soo zwàakɛpi be'ae oi lipereɛɔ  
yebɔ ũ.

33 Aa lipòɔɔ pɔ aɔ ku guo, à pã lipereɛɔla guoguo  
bɔa a léla e a léle kɛ̀.

34 Aa vua kùle lipereɛɛpiowa, ɔ aa zã pĩ ní vuao  
lipòɔɔpio solɔkii ũ. Aa vua kùle lipòɔɔpiowa lo.

35 Aa zwāa kɛ̀ ní pɔle pɔ wa tà ní bataɛao, aa  
gɔ́inakèwà lán malaika gãstadeɔwa ní babuunao ní  
bà gaaluladeo ní wɔɔtɛnao.

36 Aa lepusiali à mèn síiɔ zwāapi lipereɛɔ ũ, ɔ aa  
vua kùlewà pii. Aa lipereɛpio kálo pĩ ní vuao, ɔ aa a  
zɛbɔɔ pĩ ní ánusuo mèn síiɔ.

37 Aa zwāa kè kpépi lé pɔ ũ ní póle pɔ wa tã ní bataεao, aa gɔ́nakèwà ní babuunao ní bà gàaluladeo ní wɔ́tɛ́nao.

38 Aa lepūsiali à mèn sɔo a lipεεo ũ, ɔ aa a kũbɔɔ pĩ. Aa fùà kù lípiɔwa ní vuao, aa a m̀pɔɔ kpà ní vuao, ɔ aa a zεbɔɔ pĩ ní mɔgotɛo mèn sɔo.

## 37

### *Kpagolo kea* (Bɔa 25.10-22)

<sup>1</sup> Bezaleli kpagolo kè ní lepūsialio. A gbàa gàsísuu pla ní kɔ́nio, a yàasa gàsísuu do ní kɔ́nio, a lesí lo gàsísuu do ní kɔ́nio.

<sup>2</sup> A vua tɛ́tɛ́e lèwà a guu ní a kpeo píi, ɔ à zāblè a léwa ní vuao à liai.

<sup>3</sup> A vua zā pĩ mèn síiɔ kpagolopi pɔ ũ, ɔ a pèpe a gbá mèn síiɔwa kpela ní kpeleo.

<sup>4</sup> A lepūsiali à p̀ɔɔpɔɔ, à vua kùle lípiɔwa.

<sup>5</sup> A lipɔɔpɔɔ s̀bɔ zā pɔ pépe kpagolo saaloɔwau kpagolopi séliɔ ũ.

<sup>6</sup> A a netae pí ní vua tɛ́tɛ́eo duunkɛmakii ũ, a gbàa gàsísuu pla ní kɔ́nio, a yàasa gàsísuu do ní kɔ́nio.

<sup>7</sup> A malaika gàsíaɔe pí mèn pla ní vua pɔ á gbègbè maanno netaepi pɔ ũ,

<sup>8</sup> ado léla, ado léle. A malaikapɔ pí zεawà g̀ɔɔe kpela ní kpeleo.

<sup>9</sup> An gàsíaɔ pɔoa musu a netaepia. An aε dɔakɔwa, an wé pεa a netaepiwa.

### *Táabũnu kea* (Bɔa 25.23-30)

10 Aa táabũnu kè ní lɛpusialio, a gbàa gàsísuu pla, a yàasa gàsísuu do, a lɛsí lɔ gàsísuu do ní kɪnio.

11 Aa vua t̄ɛt̄ɛɛ kùlɛwa, ɔ̄ aa zāblè a lɛ́wa ní vuaɔ aa liai.

12 Aa lipɛɛɛ dà aa liai, a lɛsí kà ɔt̄á do, ɔ̄ aa zāblè a lɛ́wa ní vuaɔ.

13 Aa vua zā p̄i mèn síiɔ táabũnupi pɔ̄ ũ, aa p̄ɛɛ a gola mèn síiɔwa a gbápek̄ii.

14 Aa zāpiɔ p̄ɛɛ lipɛɛɛpi z̄lɛ táabũnupi s̄liɔ pɔ̄ ũ.

15 Lɛpusiali ɔ̄ aa à lip̄ɔɔpiɔ ũ, aa vua kùlɛ lípiɔwa, ké wàli táabũnupi sɛ̀.

16 Aa tapɛlentiɔ ní toonaɔ p̄i ní vua t̄ɛt̄ɛɛo táabũnupi pɔ̄ ũ ní imibɔɔ ní lo pɔ̄ wa v̄ɛ kauɔ.

### *Dau pia*

*(Bɔa 25.31-40)*

17 Aa dau p̄i ní vua t̄ɛt̄ɛɛo, aa a gbá ní a lidao ní a vú piaaɔ ní a bɛɔ gbègb̄ɛ maannaɔ ní vua doũo.

18 Aa daupi ḡɔna k̄ɛ̀ mèn soolo, kpɛla àaɔ, kpɛle àaɔ.

19 Ḡɔnapiɔ p̄ii vú v̄i mèn àaɔ'aaɔ zoolozoolonna lán kánavuwa ní a bɛɔ. Màa dau ḡɔna mèn soolopiɔ dɛ p̄ii.

20 Daupi lida vúpiɔ v̄i lɔ mèn síiɔ, apii ní a bɛɔ.

21 A bɛpi m̀endo ku dau lidawa, ḡɔna mèn plaɔ p̄ék̄ii. A plaade ku ḡɔna mèn pla p̄áleɔ p̄ék̄ii, a àaɔde ku ḡɔna mèn pla p̄áleɔ p̄ék̄ii lɔ. Màa daupi lida ḡɔna mèn sooloɔ dɛ.

22 Aa daupi lida p̄i ní vua t̄ɛt̄ɛɛoɛ ní a kɔɛɛpek̄iiɔ ní a ḡɔnapiɔ ḡɔ̄.

23 Aa a filiaɔ p̄i mèn sopla ní vua t̄ɛt̄ɛɛo ní a kɛkɛbɔɔ ní a tésibɔɔ.

24 Vua pɔ aa daupi pìò ní a pɔkeleɔ píi kiloo baakwi ní síiɔe.

*Tulaletikateakii kea*  
(Bɔa 30.1-5)

25 Aa tulaletikateakii kè ní lepusialio. A gbàa gàsísuu do, a yàasa gàsísuu do lɔ. A gbàa ní a yàasao sáae, a lesí sɔ gàsísuu pla. Aa pì ní a kóbaɔ gɔ̀ɔe.

26 Aa vua tɛtɛɛ kùle a kpeɔwa aa liai ní a musuo ní a kóbaɔ, ɔ aa zàblèwà ní vuao aa liai.

27 Aa vua zā pì kpela ní kpeleɔ mèn plapla, aa pèpe zā pɔ aa blewà zíle oi, ké wà e lipɔɔɔ sɔbu tulaletikateakii pì sélìɔ ũ.

28 Lepusiali ɔ aa à lipɔɔɔpìɔ ũ, aa kpà ní vuao.

29 Aa nísi pɔ wí pɔ dilèò à gɔ Dii pɔ ũ kè lɔ ní tulaleti ginana gbàsisaio, lá tulaletizɔna ì kewa.

## 38

*Sa'okii kea*  
(Bɔa 27.1-8)

1 Aa lepusiali à sa pɔ wí a pɔ káteu à tékù okii keɔɔ ũ. A gbàa gàsísuu sɔo, a yàasa lɔ gàsísuu sɔo. A gbàa ní a yàasao sáae, a lesí sɔ gàsísuu àaɔ.

2 Aa pì ní kóba mèn síiɔ gɔ̀ɔe gola ní golao, ɔ aa mɔgotɛ kùle sa'okii piwa.

3 Aa a pɔkeleɔ pì ní mɔgotɛo, a ooo ní a péluo ní a au'elɔɔɔ ní a saao ní a tésibɔɔ píi.

4 Aa mɔyāayāana pì ní mɔgotɛo aa sòlɔ sa'okii pì zíe, aa fèlèò musu e sa'okii guo.

5 Aa mɔgotɛ zā pì mèn síiɔ, aa dòdò mɔyāayāanapi golaɔwa a sélìɔ pɔ ũ.

<sup>6</sup> Lɛpusiali ɔ̄ aa à a sɛlipiɔ̄ ũ, aa kpà ní mɔgotɛɔ.

<sup>7</sup> Aa a sɛlipiɔ̄ sòlɔsɔlɔ zāpiɔ̄ sa'oklɛpi kpela ní a kpeleo a sɛbɔ̄ ũ. Aa sa'oklɛpi kè ní lipɛɛɛɔ, mé a ɛ ví zòoloo.

<sup>8</sup> Aa dàa ní a dibɔɔ pɛ ní mɔgotɛɔ. Aa pɛ ní nɔɛ pɔ aañ zɛke kpaaukpe kpeleo dɛiɔɛ.

*Zwàakpe kaa daa*  
(Bɔa 27.9-19)

<sup>9</sup> ɔ̄ aa kaa dà. Gɛɔmidɔkɛi oi a gbàa gàsɛsuu basɔɔ. A zwāa pɔ wa tà ní bataɛao ví

<sup>10</sup> ní lipɛleo mèn bao ní mɔgotɛ zɛbɔɔ mèn bao. Aa lipɛle káloɔ ní a mɔpɔɔɔ pɛ ní ánusuoɛ.

<sup>11</sup> Gugbāntoo oi a gbàa gàsɛsuu basɔɔ màa lɔ. A lipɛleo ví mèn bao ní mɔgotɛ zɛbɔɔ mèn bao. Aa lipɛle káloɔ ní a mɔpɔɔɔ pɛ ní ánusuoɛ.

<sup>12</sup> Naa bɛ'ae oi a yàasa gàsɛsuu blakwi, mé a lipɛleo ví mèn kwi ní zɛbɔɔ mèn kwi. Aa lipɛle káloɔ ní a mɔpɔɔɔ pɛ ní ánusuoɛ.

<sup>13</sup> Naa gukpe oi a yàasa gàsɛsuu blakwiɛ.

<sup>14</sup> Zwāa gàsɛsuu gɛo ku kaa lé ɔplaai ní a lipɛleo mèn àaɔ ní a zɛbɔɔ mèn àaɔ.

<sup>15</sup> Zwāa gàsɛsuu gɛo ku kaa lé ɔzɛi lɔ ní a lipɛleo mèn àaɔ ní a zɛbɔɔ mèn àaɔ.

<sup>16</sup> Kaapi zwāaá pɔle pɔ wa tà ní bataɛaoɛ.

<sup>17</sup> Lipɛle zɛbɔɔá mɔgotɛɛ, mé lipɛle káloɔ ní a mɔpɔɔɔá ánusue. Aa fùà kù lípiɔwa ní ánusuo píiɛ. Kaapi lipɛleo mɔpɔɔɔá ánusue píi.

<sup>18</sup> Kaapi lé zwāa gbàa gàsɛsuu baoɛ, a lesi gàsɛsuu sɔo lán kaa zwāawa. Aa kè ní pɔle pɔ wa

tà ní bataεaoε, aa gōinakèwà ní babuunao ní bà gàaluladeo ní wōtēnao.

<sup>19</sup> Kaa lépi lipelεo ví mèn síiō ní mɔgotē zεboɔ mèn síiō. Lipelεpi káloɔ ní a m̀p̄ɔɔ́á ánusue, mé wà fùà kù lípiɔwa ní ánusuo.

<sup>20</sup> Zwàakpe kùboɔ ní kaa p̀o líai kùboɔ́á mɔgotēε píi.

### *M̀o p̀o wà zwàakpe zíkὲo*

<sup>21</sup> M̀o p̀o wà ikoyã zwàakpe kè̀o gbia lén ke: M̀izi ò sa'onkia Aalona né Itamaε aà o Levii buiɔne, ò aa m̀piɔ ỳ kiloowa.

<sup>22</sup> Yuda bui Uli né Bezaleli, Hulu t̀ũna yá p̀o Dii ðile M̀izie kè̀ píi.

<sup>23</sup> Dã bui Aisama né ɔ̀liabu kuaànɔ. Aàpi s̄o ɔ̀zikεnaε, mé ì ea gōinake p̀ɔwa, mé ì k̀òkḕ bàabaawa ní babuunao ní bà gàaluladeo ní wōtēnao.

<sup>24</sup> Vua p̀o wà m̀ò Diiε wà luakukii zíkὲo gbia kà t̀nu do, lá wà a gbia lé ðile luakukiiwa.

<sup>25</sup> Anusu p̀o wa kpà gbé̀ɔ naogɔɔ gbia kà t̀nu àaõ ní k̄inio, lá wà a gbia lé ðile luakukiiwa.

<sup>26</sup> Wà ánusuo sí baade miwa beka dodo. Beka do mé galaũ soolo ũ, lá wà a gbia lé ðile luakukiiwa. Wà òapi sí gbé̀ p̀o kà wè̀ bao ge aa deaɔwa, gɔɔ p̀o wàle ní da gbé̀ p̀o wà ní naoɔ guu. Aa gbēɔn ðaasɔɔo leε ðaa àaõ ní ðaa gēo ní plao ní basoplakwioε (603.550).

<sup>27</sup> Anusu p̀o wà luakukii ní a suunao zεboɔ p̀ìò gbia kà t̀nu àaõ. Zεboɔpi mèn basɔɔo gbia t̀nu àaε. A m̀endo gbia kà kiloo baakwi.

28 Anusu tɔnu kɪni pɔ gɔ̃ ɔ wà lipɛɛ kũbɔɔ kɛ̀dɔ́ nɪ mɔ̀pɔ̃ɔɔ, ɔ wà fùà kùdɔ́ lípɪɔ̀wa ɔ.

29 Mɔ̀gotɛ́ pɔ wà mɔ̀dɔ́ Diiɛ gbia kà tɔnu pla nɪ kɪnio.

30 Mɔ̀gotɛ́pi ɔ wà kpaaukpe kpeɛɛ zɛbɔɔ pɪ̀dɔ́ nɪ sa'okɪio nɪ a mɔ̀yãayãanao nɪ sa'okɪipi pɔkeɛɔ pɪi

31 nɪ kaa pɔ liai lipɛɛ zɛbɔɔ nɪ kaa lé lipɛɛ zɛbɔɔ nɪ zwãakpe kũbɔɔ pɪi nɪ kaa pɔ liai kũbɔɔ pɪi.

## 39

### *Sa'on pɔkasa* (Bɔa 28.1-43)

1 Aa pɔkasa pɔ wɪ zɪkɛ̀dɔ́ zwãakpeu tà nɪ babuunao nɪ bà gàaluladeo nɪ wɔ̃ɔtɛ́nao. Aa pɔkasa pɔ Aalona ali sɔ̀dɔ́ Diizikɛ̀ɛ̀ ɔ, lá Dii ðɪɛ Mɔ̀ziɛwa.

2 Aa sa'o'ula kɛ̀ nɪ pɔɛ pɔ wa tà nɪ bataɛao nɪ vuao nɪ babuunao nɪ bà gàaluladeo nɪ wɔ̃ɔtɛ́nao.

3 Aa vua gbègbè à gɔ̃ féɛféɛɛnno, ɔ aa pàapaa ba ũ aa gɔ̀inakɛ̀dɔ́ bàabaawa nɪ babuunao nɪ bà gàaluladeo nɪ wɔ̃ɔtɛ́nao.

4 Aa sa'o'ulapi kɛ̀ bakangãu ũɛ.

5 Aa asana tà, kɛ̀ wàli dɔ sa'o'ulapia nɪ sa'o'ula pɔɛ doupio nɪ bataɛao nɪ babuunao nɪ bà gàaluladeo nɪ wɔ̃ɔtɛ́nao, lá Dii ðɪɛ Mɔ̀ziɛwa.

6 Aa Isaili bui tɔɔ kɛ̀ onisi gbɛɔwa lá pɛ̀nkɛ̀na ï wɛ̀sákɛ̀ pɛ̀nawawa, ɔ aa dàda a kũbɔɔ pɔ wa kɛ̀ nɪ vuao guu.

7 Aa pɛ̀pɛ sa'o'ulapi ba pɔ wa kà a gãuɔwa Isaili bui yãdɔngugbɛɔ ũ, lá Dii ðɪɛ Mɔ̀ziɛwa.

8 Aa bɔ̀loonnɔɛ kɛ̀ nɪ gɔ̃io. Aa tà lá aa sa'o'ula tàwa nɪ pɔɛ dou pɔ wà sa'o'ulapi kɛ̀dɔ́pio nɪ bataɛao nɪ vuao nɪ babuunao nɪ bà gàaluladeo nɪ wɔ̃ɔtɛ́nao.

9 B̀̀ɔpi gb̀̀aa n̄ a ỳ̀asao s̀̀aae ɔ̀t̄a dodo.

10 Aa z̀̀abl̀̀eẁ̀a n̄ gb̀̀e b̄ēēēdeɔ d̀̀ɔ s̄īī. A d̀̀ɔ s̄ēīa saad̄ɔani n̄ topazao n̄ emelodio.

11 A d̀̀ɔ plaade tiik̄ɔazi n̄ safiio n̄ diamaaɔ.

12 A d̀̀ɔ àāɔde belili n̄ agatao n̄ ametisio.

13 A d̀̀ɔ s̄īīde kisoliti n̄ onisio n̄ yasepeo. Aa n̄ dada a k̄ũɔ p̀̀ɔ aa k̀̀e n̄ vuaopiɔ guu.

14 Gb̄epiɔ kuεplae Isaili buiɔ t̀̀ l̄eu. Ẁ̀a t̀̀piɔ k̀̀e gb̄epiɔwa dodo, l̀̀a w̄i w̄ēs̄ak̄e p̄nawawa.

15 Aa vua t̄ēt̄ē t̀̀ b̀̀ɔpi p̀̀ɔ ũ, a t̄aa de lán bal̄εnawa.

16 Aa gb̄ekũɔ t̄āanaɔ p̄i n̄ vuaɔ b̀̀ɔloonn̄ɔepi p̀̀ɔ ũ l̄ɔ m̀̀n plapla, ̄ aa t̄āanapiɔ d̀̀ɔ b̀̀ɔpi sẁ̀aɔwa musu.

17 Aa bal̄εna m̀̀n plapiɔ d̀̀ɔ b̀̀ɔ t̄āana m̀̀n plapiɔwa,

18 ̄ aa bal̄εnapiɔ le d̄ɔ d̀̀ɔ gb̄ekũɔ p̀̀ɔ kú bakanḡauwaɔwa.

19 Aa vua t̄āana m̀̀n pla p̄aleɔ p̄i aa n̄ d̄ɔ b̀̀ɔpi sẁ̀aɔwa z̄īe oi, aa n̄ sa'o'ulapiwa.

20 Aa vua t̄āana p̄aleɔ p̄i m̀̀n pla l̄ɔ, aa n̄ d̄ɔ sa'o'ulapi ae oi a p̄ēk̄i sae z̄īe oi asana musu.

21 Aa b̀̀ɔ t̄āanaɔ n̄ sa'o'ula t̄āanapiɔ d̀̀k̄ɔwa n̄ babuuna t̄āo, b̀̀ɔpi l̄iɔ d̄ɔ sa'o'ulapi asanawa, k̄e asu go sa'o'ulawao ȳai, l̀̀a Dii d̄ile M̄ɔziεwa.

22 Aa ulatao p̀̀ɔ w̄ali sa'o'ulapi daɔ z̄ī n̄ zw̄aa búunao.

23 Aa sa'o'ulapi f̄ē guoguo a miḡēk̄i ũ, aa a n̄ɔepi lé mib̀̀a, k̄e asu k̄eɔ ȳai.

24 Aa ḡɔinak̄e ulataopi léwa aa liai lán gb̄eafu b̄ewa n̄ babuunao n̄ bà ḡaaluladeo n̄ w̄ɔt̄ēnao n̄



bataεao.

<sup>25</sup> Aa ánanao pí ní vua t̄ēt̄ēεo, aa lòoloo ulataopi léwa gbeafu bepiɔ zānguo,

<sup>26</sup> ánanan κε, gbeafu ben κε, ánanan κε, gbeafu ben κε. Màa aa ulataopi lé kèκε e à gè liai à p̄εε, wàli da wiliɔ sa'ozikèò, lá Dii ðile Mɔiziewa.

<sup>27</sup> Aa ulataoɔ kè ní bàabao Aalona ní a néone.

<sup>28</sup> Aa tulu ní fùa gb̄ao kè ní bàabao lo, ɔ aa sòloo geseo z̄ò ní p̄ole p̄o wa tà ní bataεao.

<sup>29</sup> Aa asana kè ní p̄ole p̄o wa tà ní bataεao, aa ḡsinakèwà ní babuunao ní bà ḡaaluladeo ní w̄ɔt̄ēnaoε, lá Dii ðile Mɔiziewa.

<sup>30</sup> Aa mò p̄εεna p̄o ì Aalona ðile Dii p̄o ũ kè ní vua t̄ēt̄ēεo, ɔ aa lakèwà, lá w̄i w̄ēsākē p̄enawawa, wà mè: Dii p̄oε.

<sup>31</sup> Aa vua p̄εεnapi nà tulupiwa ní babuuna táao, lá Dii ðile Mɔiziewa.

### *Zwàakp̄e z̄i midεa*

*(Bɔa 35.10-19)*

<sup>32</sup> Màa wà zwàakp̄epi zikè píi, wà a midε. Isailio kpaaukp̄epi kè, lá Dii ðile Mɔiziewa.

<sup>33</sup> Aa mò Mɔizie ní zwàakp̄epio ní a p̄okeleo píi, ɔn κε: A k̄uboo, a lip̄εεεo, a lip̄oo, a lip̄εleo, a zeboo,

<sup>34</sup> sāsa b̄aa p̄o wa kèκε t̄ēεo, ayo b̄aa p̄o wa kuaɔ, zw̄aa p̄o de suuna ũ,

<sup>35</sup> ikoyā kpagolo ní a sélio ní a netaoε,

<sup>36</sup> táabūnu ní a p̄okeleo píi ní p̄εε p̄o w̄i káλε Luaεo,

<sup>37</sup> dau p̄o wa pí ní vua t̄ēt̄ēεo ní a filia p̄o p̄épw̄ao, filia nísi,

<sup>38</sup> tulaletikatεak̄ii, nísi p̄o w̄i p̄o ðileò à ḡo Dii p̄o ũ, tulaleti ḡinana, kp̄épi lé zw̄aa,

<sup>39</sup> mɔgotɛ sa'okii ní a mɔgotɛ mɔyãayãanao ní a sɛliɔ ní a pɔkeleɔ pii, dàa ní a dibɔɔ,

<sup>40</sup> kaa zwãaɔ ní a lipelɛɔ ní a zebɔɔ, kaa lé zwãa ní a baɔ ní a kũbɔɔ, zwãakpe pɔ de kpaaũkpe ũ zikεpɔkeleɔ pii,

<sup>41</sup> zwãakpe zikεpɔkasa pɔ wa tãɔ, sa'ona Aalona pɔkasa pɔ àli sɔ̀ Diizio ní a néɔ sa'on pɔkasaɔ.

<sup>42</sup> Isailio zi pɔ Dii dà Mɔizie kè pii.

<sup>43</sup> Ǿ Mɔizi zipi gwàgwa, a è aa kè lá Dii òewa, ɔ̀ à samaa'òné.

## 40

### *Zwãakpe sakɛa*

<sup>1</sup> Dii yá'ò Mɔizie à mè:

<sup>2</sup> Zwãakpe pɔ de kpaaũkpe ũ dɔ mɔ sɛia gɔɔ sɛia zí,

<sup>3</sup> ní kpagolo pɔ ikoyã gbè pèpɛɛɔ ku a guu dileu, ní zwãa kpái.

<sup>4</sup> Gɛ ní táabũnuo, ní a taɔ kálɛwà d̀ɔ̀ɔ̀ɔ̀. Gɛ ní dauo, ní a filiaɔ keke.

<sup>5</sup> Tulaletikateakii dile ikoyã kpagolo aɛ, ní zwãakpe kpɛɛɛ zwãa taɛ.

<sup>6</sup> Sa pɔ wĩ a pɔ kátɛu à tékũ okii dile kpaaũkpe kpɛɛɛ,

<sup>7</sup> ní dàa dile kpaaũkpe zãnguo ní sa'okio, ní íkau.

<sup>8</sup> Kaa da ò liai, ní zwãa ta kaapilɛ.

<sup>9</sup> Nisi pɔ wĩ pɔ dilè à gɔ̀ ma pɔ ũ sɛ ka kpépiwa ní pɔ pɔ kú a guuɔ pii, ní dile ma pɔ ũ ní a zikεbɔɔ, aai gɔ̀ ma pɔ ũ.

<sup>10</sup> Nísipi ka sa'okii ní a zikεbɔɔwa pii. Sa'okiipi dile ma pɔ ũ, io de ma pɔ ũ ní a mĩbaɔ.

<sup>11</sup> Nísika dàa ní a dibɔɔwa, aai gɔ̀ ma pɔ ũ.

12 Mós ní Aalonao ní aà néo kpaaũkpe kpeele, ní ní zu'o we.

13 Sa'on pɔkasao da Aalonae, ní nísikawà n̄ aà dile ma pɔ ũ, i gɔ ma gbàgbana ũ.

14 Mós ní aà néo ɔ, ní ulatao dadané,

15 ní nísikakamá lá ní kè an maeewa, aali ma gbagba. Nísikaamapi mé a to aao de ma gbàgbanao ũ e an buiwa.

16 Moizikè lá Dii òewa píi.

17 An bɔa Egipi wè plaade mo séia gɔɔ séia zí ũ wà zwàakpɛpi d̄.

18 Ké Moizi lé kpépi d̄, à a zebɔɔ d̄iledile giae, ũ à a lipɛɛɛɔ pèpɛu, à a lipɔɔɔ s̄òɔs̄ɔɔ, ũ à lipɛɛɔ pèlɛpɛɛ.

19 A zwāa kùà, ũ à báa kpāa lá Dii òewa.

20 A ikoyā gbè pèpɛɛɔ sè a kà kpagolopi guu, à kpagolopi séliɔ dà a zāo guu, ũ à a né tàe.

21 A gèò zwàakpɛu, ũ à zwāa kpà ikoyā kpagolop-izi suuna ũ lá Dii òewa.

22 A táabūnu dile kpaaũkpeu suunapi ɔplaai kpeele oi.

23 A p̄e kàlɛwà Diie d̄òd̄ò lá a òewa.

24 A dau dile kpaaũkpeu bɔaa ní táabūnuo ɔzɛɛ oi,

25 à filiaɔ nàna Dii ae lá a òewa.

26 ɔ à tulaletikateakii dile kpaaũkpeu suuna sae,

27 ũ à tulaleti ginana kpàsawà lá Dii òewa.

28 ɔ à zwāa tà zwàakpɛpile.

29 A sa pɔ w̄i a pɔ káteu à tékū okii dile kpaaũkpe kpeele, ũ à sa pɔ w̄i a pɔ káteu à tékū òwà ní pówentio lá Dii òewa.

30 A dàa dile kpaaũkpe zānguo ní sa'ok̄io, ũ à ikàu.

31 Moizi ní Aalonao ní aà néo ní ɔ ní ní gbáo p̄piò.

<sup>32</sup> Tó aale gẽ kpaaũkpɛu ge tó aale sɔ̃ sa'oklizi, aaĩ  
 ń ɔ̃ ń ń gbáɔ pípi lá Dii ò Mɔiziewae.

<sup>33</sup> Ɔ à kaa dà a lia zwàakpɛpizi ń sa'oklío, ɔ̃ à zwāa  
 tà kaapile. Maa Mɔizi zĩpi kè a làa.

*Dii pilaa kpaaũkpɛwa*

*(Nao 9.15-23)*

<sup>34</sup> Ɔ telu kùle kpaaũkpɛwa, Dii gawi zwàakpɛpi  
 pà.\*

<sup>35</sup> Mɔizi i fɔ̃ gè kpaaũkpɛpiuo, ké telu kùa mé ké  
 Dii gawi kpépi pà yáí.

<sup>36</sup> Isailio taa'oa guu, tó telupi gò zwàakpɛpia, ɔ̃ aaĩ  
 fɛle bɔ̃ou.

<sup>37</sup> Tó telupi i fɛleo, aali fɛle bɔ̃ouo, sema tó à fɛle.

<sup>38</sup> Fãane Dii telu ìɔ̃ ku zwàakpɛa, gwá sɔ̃ té ìɔ̃ ku  
 telupi guue. Maa Isailio ìɔ̃ e gɔ̃ɔ̃pii ń taa'oa guu.

---

\* **40:34** 1Kia 8.10-11, Isa 6.4, Eze 43.4-5, Zia 15.8

**Bibeli Luayátaalá**  
**The Holy Bible in the Boko language spoken in Benin**  
**and Nigeria**

copyright © 2010 SIM International

Language: Boko

Translation by: SIM International

**Boko Bibeli Luayátaala**

This translation, published by the SIM au Benin, was published in 2010.

If you are interested in obtaining a printed copy, please contact the SIM at ECWA/SIM H.Q., P.M.B. 2009, Jos, Plateau State, NIGERIA.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-09-25

xciv

ffb0f4b3-18b7-564f-bd5d-307e9e532fb9